

652/
1971/2

საქართველოს
საბავშვო ლიტერატურის
საქართველოს

საქართველოს საბავშვო ლიტერატურის საქართველოს

1 9 7 1 3

შინაარსი

ქოჩოჩო

ბ. ტაბიკა — მრავალუბამიერ ბუბუნებდეს ლექსი	3
ჟ. ხოფარია — ბერიკაცი მოთხრობა	4
ბ. სალუჭვაძე — რესპუბლიკის დროშა ლექსი	19
მ. ვარზანიძე — ლექსები	22
ბ. სანადირაძე — მთა მოთხრობა	24
ზ. გორგილაძე — ლექსები	46
რ. ართილაძე — საპარტოველო ლექსი	50
ძ. მუხარია — ლექსები	52
ზ. კეჭეკელი — ხივარის ციხე ლექსი	54
ა. დიასამიძე — ერგალი დელე- ბატი ნარკვევი	56

ტ რ ი ბ უ ნ ი დ კ ა

ფრ. ხალვაში — მოგზარობა და მოგვივლის	65
---	----

კ რ ი ტ ი კ ა დ ა

კ უ ბ ლ ი ც ი ს ტ ი კ ა

ზ. შურიძე — ალკოჰოლიზმი სიტყვა	69
---	----

წ ე რ ი ლ ე ბ ი

ა. სურგულაძე — ლენინი საპარ- ტოველოში სოციალისტური მუხ- ნებლოვის ამოცანების შესახებ	81
რ. ძნელაძე — საზოგადოებრივი	87

წ ი ვ ნ ე ბ ი ს მი მო ხ ი ლ ვ ა


სახელოვანი თარიღისადმი მიძღვ- ნილი მიცნებულნი შრომები	91
--	----



ლიტერატურულ-მხატვრული და
საზოგადოებრივი-კოლტიკური
შრომები

საპარტოველოს საბჭოთა
მწიგნობის კავშირისა და
აპარის განყოფილების
ორგანო

11629



რედაქტორი ა. შონია

სარედაქციო კოლეგია: ს. ახვლედიანი, მ. ვარშა ნიძე (პ. მგ.
მდივანი), პ. ლორია, ალ. ჩავლეიშვილი, ფრ. ხალვაში

რედაქციის მისამართი: ბათუმი, ენგელსის ქ. № 21.
ტელეფონები: რედაქტორის — 33-71, პ/მგ. მდივნის — 33-72.
ხელმოწერილია დასაბუქდად 26.5.1971 წ. საბუქდი 6, საგამომცემლო 5 თაბახი.
შეკვეთის № 2012, ემ 00730, ქალაქის ზომა 60×90, ტირაჟი 2.040.

* * *

საქართველოს სსრ მინისტრთა საბჭოს ბეჭდვითი სიტყვის სახელმწიფო
კომიტეტის მთავარბოლიგრაფმრეწვის ბათუმის სტამბა № 9
(ლუქსემბურგის, 22).

მრავალქამიერ ბუბუნებდეს

მრავალქამიერ
გუგუნებდეს ხმა
„მუმლი მუხასა“
და „ლილეოსი“,
ეს გმირთა ჩვენთა
არის სიმღერა, —
ეს სიმღერაა
საქართველოსი!

მიაპობს მეკრდით
ზღვას მეზღვაური,
გესმის არაგვის
ხმა საცნაური?
გესმის თერგის და
მტკვარის ხმაური? —
ეს სიმღერაა
საქართველოსი!

მთარღვევს რისხვა
აწყვეტის ავის,
რომ არ უდრკება
ქვეყნად არავის.
გესმის გრიალი
მთებიდან ზევისი? —
ეს სიმღერაა
საქართველოსი!

თავისუფლების
მოყვარე ერებს,
ვით ზღვას, ვერარა
ვერ შეაჩერებს.
მთა რომ იმღერებს,
ტყე რომ იმღერებს, —
ეს სიმღერაა
საქართველოსი!

აქ გამარჯვების
დროშად სწერია:
სამშობლო ჩვენთვის
ყველაფერია!
თუ რამ სიმღერა
გულს უმღერია, —
ეს სიმღერაა
საქართველოსი!

გმირებით საცხე
სამშობლო მხარევ,
დღეს გამარჯვების
გულით მღელვარევ,
იდიდე, ამ ხმას
სხვაში ვერ გარევ:
ეს სიმღერაა
საქართველოსი!

1945. მაისი.

ჯამალ ხოჯაიანი

ბ მ რ ი კ ა ნ ც ი

მზე ის-ის იყო ამოიწვერა გორაკის თავზე, როცა მატარებელი დაბაში ვაჩერდა. ჩემოდანი დავდევი და იჭაურობა მივათვალ-მოვათვალეირე. ცენტრში სულ რცოდე სახლი თუ იდგა. შორს, ფერდობებზე მოჩანდა მწვანეში ჩაფლული დასასვენებელი სახლები, სანატორიუმები, პანსიონატები... არსად ღრუბლის ნასახიც არ ჩანდა. ჩემამდე აღწევდა ქვიშაზე გავლილი ზღვის ტალღების ჩუმი, ჩურჩულივით იღუშალი შრიალი.

მატარებელს უამრავი დამსვენებელი ჩამოყვავდა. რამდენიმე წუთით აახმაურეს ბაქანი. მერე ყველანი იქვე, ახლოს პატარა მოედანზე ავტობუსებში ჩასხდნენ... მარტო დავრჩი. დაბაში პირველად ვიყავი, არავის არ ვიცნობდი, არ ვიცოდი ვისთვის მიმემართა. აქ დასასვენებლად ჩამოვედი. საგზური არ მქონდა და ახლა, უპირველეს ყოვლისა, ოთახი უნდა მეშოვნა როგორმე.

უცებ ბერიკაცს მოვკარი თვალი. იგი ზღვის სანაპიროდან ამოვიდა ბაქანზე. მხარზე ანკესითა და ტივტივითი გაწყობილი ბამბუკის ჭოკი გაედო და შავი აბგა გადაეკიდა. ბერიკაცი ნელა მიახლოვდებოდა აკვირებული მელოდიის ღიღინით. წელში ოდნავ მოხრილ, კაფანდარა ბერიკაცს სახე დანაოჭებოდა, მელოტ თავზე ალაგ-ალაგ ჯერ კიდევ შერჩენოდა გაცრეცილი თეთრი თმა. თავლისფერი, კეთილი თვალები ჭქონდა და თეთრი, თამბაქოს ბოლისაგან ოდნავ შეყვითლებული უღვაშები.

მომიახლოვდა, ჩემ წინ შედგა და დიდი ხნის ნაცნობივით მომესალმა.

— გამარჯობა, ძიავ! აქაური არ უნდა იყო. ვერ გიცანი რაცხა.

— ეს-ეს არის ჩამოვედი.

— დასასვენებლად?

— დიახ, მაგრამ...

— ოთახს ეძებ?

— ვეძებ.

— წამოდი, აბა.

— გეგულებათ სადმე? — გამიხარდა მე.

— მეგულება, წამოდი — მითხრა და წამიძღვა.

ჩემოდანი ავიღე და გავყევი. დაბის ერთადერთ მოასფალტებულ ქუჩას დავადექით. მერე ასფალტი გათავდა და ჩვეულებრივი სოფლის მოხრეშილი გზა დაიწყო, რომელიც სულ მალლა-მალლა მიიწევდა. ბერიკაცი დაფიქრებული მომყვებოდა, აღარ ღიღინებდა უკვე.

„ეს რა უყმური ჩანს, ხმას არ იღებს“ — გავიფიქრე და ცალი თვალით გავუხედე. თითქოსდა ჩანაფიქრს მიმიხვდაო, მომიბრუნდა და სხვათა შორის მომიგო:

— როცა კაცი დადლილია, ლაილაის თავი არა აქვს.

— დადლილი ხართ? — ვერ გავიგე მისი ფილოსოფია.

— მე? მე რა დამდლიდა! შენ, შენ ხარ დადლილი, სახეზე გეტყობა... მივალთ, დავისვენებთ და მერე ვილაპარაკოთ რამდენიც ვინდა.

— ბატონო, ის კაცი ნამდვილად აქირავებს ოთახს? — ვკითხე დაეჭვებით.

— რაკი მე ვითხარი, აქირავებს. — მითხრა ჩაცინებით... — ხო, მე აბდულა მქვია.

ასე გავიცანი აბდულა. მოულოდნელად მან გზიდან გადაუხვია და კორდზე აკლაკინლ ბილიკს შეუყვა. თანდათანობით მალლა-მალლა მივიწევდით. სასიამოვნო დილა იყო, მაცოცხლებელი. ნელი, გრილი ბორბო ჰქროდა და ნაზად მელამუნებოდა სახეზე. მზე ხეთა ტოტებში ობობას ქსელივით ბლანდავდა სხივებს. ირგვლივ გამეფებულ მდუმარებას ჩიტების ქლურტული არღვევდა. დავიღალე, დამცხა. დაღლა მუხლებმა იგრძნეს, მერე ხელებსაც გადაედო და წამდაუწუმ ვინაცვლებდი ხელში მსუბუქ ჩემოდანს. აღმართს შეუჩვეველს ღვინოსავით მომეკიდა დაღლა. აბდულა აინუნშიც არ ავდებდა აღმართს, ერთხელაც არ მოუხედიო უკან. შემრცხვა და ვერ ვუთხარი — რაც იქნება იქნება და ცოტა წავისვენოთ მეთქი. ეს დაწყევლილი ბილიკი არ იქნა და არ გათავდა. ჯერ ჩემს თავზე გავბრაზდი, მერე კი ბერიკაცზე — რამ ამატროკა და დასასვენებლად რამ წამომიყვანა, ანდა ეს ბერიკაცი ამ სიმაღლეზე რამ ამოიყვანა საცხოვრებლად-მეთქი.

გავიარეთ ფიჭვისა და სოჭის აშოლტილი ხეების ტევრი, მერე მაგნოლიებითა და კამელიებით გადაბურული ფერდობები. ირგვლივ ელვარებდნენ თეთრი და წითელი ყვავილები. ზუზუნებდა ფუტკარი და გამაბრუნებელი, დამათრობელი სურნელება იდგა.

ბოლოს, როგორც იქნა, ეშველა თუ მეშველა, მანდარინის ბაღში ჩადგმულ თეთრად შეფეთქილ ერთსართულიან სახლს მივადექით.

— მოვედით, ძიავ. — ჩაილაპარაკა აბდულამ და ფართოდ, მასპინძელურად გამოაღო ჭრიალა ჭიშკარი. ეზოში შევედი. სანამ ჭიშკარს მისვლამდე რავედი და საკეტს გადავრაზავდი, მასპინძელმა წინ გამისწრო, აირბინა სად-საფეხურიანი კბე და კარი გააღო.

— მობრძანდი, კეთილი იყოს შენი მოსვლა.

— აქ თქვენ ცხოვრობთ? — ვკითხე დაბნეულმა.

— აბა, სად უნდა ვცხოვრობდე!

— ვიფიქრე...

— გეგონა სხვასთან მოგიყვანდი? — ჩაეცინა მას.

— აქა მშვიდობა! — ვთქვი და ოთახში შევედი. ისე ვიყავი დაღლილი, როგორც კი ჩემოდანი დავდგი და სკამს მოვკარი თვალი, დამავიწყდა სტუმარი რომ ვიყავი და შეუთავაზებლად დავჯექი.

აბდულამ შემხედა და მელოტი თავი შეიფხანა.

— დაიღალე არა?

გამელიმა.

— შეუჩვეველი ხარ და იმიზა, მე რატომ არ ვიღლები?

— შეჩვეული ხართ და იმიტომ.

ორივეს გაგვეცინა.

— კარგად მომიჭერი... თუ დაიღალე, გეთქვა შე კაცო და დავისვენებდით.

— უნდა გამოგიტყდე, ძალიან დავიღალე.

— დროზე რომ გამომტყდომოდი მაგას, უკეთესი იყო, — მითხრა, მაგიდასთან ჩაიმუხლა, აბგას თავი მოხსნა და მკითხა:

— თევზი გიყვარს?

— კი.

— ჰოდა, თუ კი, კაი დაგემართოს, ავისრულებ სურვილს. — ადგა, კარადიდან ალუმინის მოზრდილი გობი გამოიტანა და თევზი დააწყო.

— აგია ჩემი დღევანდელი ნანადირევი, შეხედე, რამხელვანებია. ოცი ცალი დავიჭირე. კაი ფეხზე ავდექი დღეს.

— ყოველდღე თევზაობთ? — ვკითხე დაინტერესებულმა.

— ყოველდღე... მოკლედ, მეფური სადილი გვექნება დღეს... ქინძმარში ჩაწყობილი შემწვარი თევზი და ღვინო... არ იქნება ურიგო, არა?

— რა თქმა უნდა...

ვისვენებ, ყურს ვუვადებ და თანაც ოთახს ვათვალიერებ. სულ უბრალოდაა მორთული. კედელთან მაგიდა, მაგიდაზე პირმოტეხილი სურა და თიხის ჯამი. მაგიდის გვერდით კარადა, გასაშლელი ლოგინი, კედელზე ხის მოოჭვილჩარჩოიანი საათი. საათის ციფერბლატზე დიდი ბუ ხატია. იგი წამდაუწყემ აპარბალებს თვალებს. საათი მუშაობს და დროგამოშვებით

ეყვანივით ჟღარუნობს რაღაც მექანიზმი. აბდულა გაუთავებლად ლაბა-
რაკობდა. ჩამთვლიმა... თვალი რომ გავახილე, აბდულას მაგიდა უკვე
ეწყო — ზედ პური და დატეხილი ყველი ეწყო. ოხშივარი ასლიოფტა
დასხმულ მაგარ ჩაის. იქვე იდგა შინნაკეთი არყით სავსე ბოთლი და
ღვინის ჭიქა.

— დღეს პირი დაიბანე? — მკითხა მან.

— არა, — გამოვუტყუდი მე.

— მოდი და იქონიე ამის მერე, შენი იმედი... რას უყურებ? ჩადი ეზო-
ში და დაიბანე.

ჩემოდნიდან პირსახოცი ამოვიღე. აბდულამ თვალი შემასწრო და
შუბლი შეიკრა.

— ჩემი პირსახოცი სუფთაა, მაგერ კიდია კედელზე.

— როგორ გეკადრებთ, — ვთქვი და მაინც ჩემის წაღება ვამჯობინე.
ცივმა წყალმა კარგ გუნებაზე დამაყენა.

— როგორაა საქმე, გამოცოცხლდი? — მკითხა აბდულამ.

— გამოვცოცხლდი.

— აბა, კაი დაგემართოს, შევუდგეთ ახლა საქმეს. — ჭიქებში არაყი
ჩამოასხა. — არაყი მისწრებაა დილით, მარა ბევრი არ უნდა დალიო, თვა-
რა მთელი დღე შტერივით იფერფეტებ და ვერაფერს გააკეთებ... ზომიე-
რებაა ყოლიფერში საჭირო, აბა... მოდი ახლა და ამით ჩვენ გაგვიმარჯოს,
ჩვენს გაცნობას გაუმარჯოს, კარგად ვყოფილიყავით, სიმწარე გვაშოროს
და ყოლიფერს კარგს შეგვასწროს ცხოვრებაში. — გადაჰკრა და პურის
ნაჭერი შეაყოლა.

— გაგვიმარჯოს. — მოვემზადე სადღეგრძელოს სათქმელად.

— კმარა, სმის დროს ბევრი ლაილაი არ მიყვარს, — შემაწყვეტინა აბ-
დულამ, — დიდხანს ფარშივი კაცი ილოცება, იცოდე მაგი შენ!

სადღეგრძელოს გამოთქმა მაინცა და მაინც არ მეხებრებოდა და მა-
შინვე დავეთანხმე:

— მართალია! — და გადავკარი.

— შეაყოლე რაცხა, კუჭს დაგწვავს ცარიელი არაყი, — დამარიგა მან.
პური და ყველი შევაყოლე.

— რავე სკვინჩასავით იყენებენ, ბიჭო, ზორბათ ჭამე, ზორბათ.

— მეტი არ შემიძლია, აბდულ ბიძია.

— არაფერია, გასწავლი ჭამას ამ ზაფხულს, თუ ვყოფილვარ აბდუ-
ლა. ნახვე მაშინ, შეგიძლია თუ არა. — დამაიმედა და მერე საუბარი რატო-
მღაც ჩაის სარგებლიანობაზე ჩამომიგდო.

— შენ არ იცი, რამხელა სასარგებლოა ჩაი, განსაკუთრებით დილით,
გინდა თუ არ გინდა, აუცილებლად უნდა დალიო. ამხელა კაცი შევიყარე
და აქამდე არ ვიცოდი მაგი. ამას წინათ წავეიკითხე გაზეთში პრაფესორი
წერდა პირდაპირ. შენახული მაქვს საცხა ი გაზეთი და მოვნახავ.



— არ გინდა. აბდულ ბიძია, ვიცი, ვიცი, — შევაჩერე აბდულა.

— რავა, წაიკითხე თუ?

— რამდენი ხანია.

— ჰოდა, თუ წაიკითხე, რაღას მალაპარაკებ ამდენს? მაგერაა დასტ-
მული და დალიე. თუ შენ არ ეთანხმები იმ პრაფესორს?

— ვეთანხმები, აბა არა, ვეთანხმები.

— მეც ვეთანხმები და დალიე აბა. — ამდენ ლაპარაკში გაცივებული
ჩაი მოიყუდა და ღვინოსავით გამოცალა.

ჩაის მაინცა და მაინც ვერ ვიტანდი და მივბაძე.

— არაყი დავლიოთ კილო?

— როგორც გენებოს.

— მეტი არ გვინდა, გვაწყენს, თვარა კი არ მენანება. კაცო, ერთი
ფუთი მაქვს შენახული, შემოდგომაზე კილო გამოვხდნი...

საუზმეც მოვათავე და ლაპარაკიც. აბდულა ადგა და უსიტყვოდ შე-
ულდა სუფრის ალაგებას.

— მოგეხმარები. — შევთავაზე.

— უნდა მომეხმარო, აბა რა. მოსამსახურემ მოგჭამა ჭირი. ერთი საა-
თი ხომ იქნება რაც მოდი?

— ორიც იქნება.

— ჰოდა, სტუმარი აღარ ხარ უკვე.

დავტრიალდით და ყველაფერი მივალაგ-მოვალაგეთ. მერე აბდულამ
ესეც ასეო ჩაილაპარაკა, მეორე ოთახის კარი გამოაღო და დაკოჟირილი
საჩვენებელი თითით შემჩნმო ოთახში:

— მოდი, აქ!

მივედი.

— ამ ოთახში იცხოვრებ, ხელს არაკაცი არ შეგიშლის. მარტო წოლა
თუ გეზარება, ჩემს ოთახში დაწეკი. მარა არ გირჩევ, ნამეტანი ხვრინვა
ვიცი და არ დაგაძინებ.

— არა უშავს რა, — ვთქვი მე.

— ჰოდა, თუ არა უშავს, მაქანე დაიძინე, — თქვა აბდულამ და გავიდა
ოთახი პატარა იყო, კოხტა და ნათელი. ერთადერთი ფანჯარა ზღვას
გადასცქეროდა, რომელიც დიდ ტბასავით მოჩანდა შორიდან — ლურჯი
და გამჭვირვალე.

ფანჯრის მოპირდაპირე კედლიდან მეორე ზღვა მიცქერის — აივანოვ-
სკის ნახატის რეპროდუქცია. კარგა ხანს დავბორიალებდი ოთახში. მღვი-
ძარა მოვმართე, ჩემოდნიდან ტანსაცმელი ამოვალაგე, თაროებზე დაწყო-
ბილი წიგნები დავათვალიერე და მერე ეზოში გავედი. აბდულა მაგნოლიის
ძირში იჯდა და თვლემდა თუ ფიქრობდა ვერ მიხვდებოდი.

— მე მეგონა გეძინა, — მითხრა მან და დაამთქნარა.

— რა დროს ძილია, აბდულ ბიძია.... — გვერდით მივუჯექი.

როგორც ხელისგულზე, ისე მოჩანს თხელი, აძენძილი ნისლით შეტყობილი ქალაქის კონტურები, ბუხტი და ნავსადგურში მდგარი გემები. ჩვენს პირდაპირ, ქვემოთ, თვალწინ აღაყრებდა უზარმაზარ სფეროებში ჩამორიგებულან სხვადასხვა ფერის საჩრდილებელი ქოლგები. პლაჟი სავსეა მზეზე გარუჯული დამსვენებლებით და ჩვენამდე აღწევს მათი სიცილისკისი.

— კარგი ადგილია, — ვამბობ ჩემთვის.

— ამისთანა ადგილს მთელ დუნიაზე ვერ ნახავ. განსაკუთრებით ზაფხულობითაა კაი აქაურობა, ზღვასთან ახლო ხარ და მთასთანაც. დაჯექი და რომელი ჰაერიც მოგეწონება იგი ყლაპე.

— დიდი ხანია აქ ცხოვრობ? — ვეკითხები და დავცქერი მის ვეება ტორებს. დიდრონი ხელები აქვს აბდულას, ლაბოტებივით უხეში. დაკოჭრილი ხელისგულები და თითები მუხის ქერქივითაა მაგარი და მიწისფერი დაჰკრავს. მიწასავით ბარაქიანია აბდულას ხელები.

— კაი ხანია, ორმოცდაათი წელი იქნება... უწინ მალა ვცხოვრობდით, ქედის მაზრაში. მამაჩემი რომ დაწვრილშვილებულა, ამ კუთხეში გადმოსახლებულა.

— შეჩვეული იქნები აქაურობას.

— კი, კი. ერთი დღითაც ვერ მოვცილდები ალბათ... ისე, რას გეტყვი იცი? კაცმა შეჩვეული კუთხე არ უნდა მიატოვოს, სხვაგან არ უნდა გაუტიოს გულმა, არ უნდა იფიქროს — სხვაგან თუ წავალ, გავკეთდებიო. ახლა, ძიავე, ყველა ქალაქში გარბის, ამ ახალგაზრდებს რომ ვხედავ, გული მიკვდება, არააკაც სოფელში გაჩერება არ უნდა, აგია საქმე? კახაკური მათრახი უნდა ამფერ ახალგაზრდებს...

მერე დიდხანს სდუმს აბდულა, სდუმს შუბლშეკრული. თავზეხელებშემოდგმული მისჩერებია ერთ ამოჩემებულ წერტილს და უტოკავს თეთრი წარბი. ზღვის ვეება კალოზე კომბაინივით მოცურავს სამგზავრო გემი და წითლად შეღებილ მილიდან ამობოლქვილი გამჭვირვალე, მოიისფერო ბოლი ზანტად ერწყმის ცის უსასრულობას.

— ადამიანი უნაყოფოდ არ უნდა გადაშენდეს, ძიავე, — იწყებს მოულოდნელად აბდულა, ხელისგულებს მუხლისთავებზე იწყობს და განაგრძობს: — გვარისა და ჯილაგის გამგრძელებელი, კერაზე ცეცხლის გაძჩალებელი უნდა დარჩეს. მიწას არ უყვარს უნაყოფო ხე...

— თქვენ არ გყავთ შვილი? — ვეკითხები.

— მყავდა... — ამბობს და ვამჩნევ როგორ ექუფრება სახე, იჭმუნის შუბლს.

— ცხოვრება რთულია, ძიავე, ნამეტანი რთულია. ბევრ სიმწარეს, ბევრ შხამს გაგემებს იგი, მაგრამ რას იზამ, თუ დაიბადება, კიდევაც უნდა იცხოვროს კაცმა, ყოლიფერი უნდა გამოცადოს. მთავარი იცი მაინც

რაა ძიავ? ქედი არ უნდა მოიხარო, არ უნდა დაბეჩავდე, კრიჭაში უნდა ჩა-
ულდე ბედისწერას... თუ კაცმა რწმენა და სინდისი დაკარგა, კარკია მერე
მისი ფასი... თავი მოგაბეზრე ამდენი ლაპარაკით, არა?

ეროვნული
ბიბლიოთეკა

— როგორ გეკადრება, — ვეუბნები მე.

— ნუ გამიმტყუნებ ძიავ, ამფერია მარტოხელა კაცი — გამომლაპარაკებელი თუ ნახა, ვერ მოისვენებს, ფუთობით ამოყრის სათქმელს... ზღვაზე გინდა წასვლა? თუ გინდა წავიდეთ, დღეს უქმეა და ვისვენებ. ცოდვაა კვირას მუშაობა... ისე, რას გეტყვი იცი? ზღვაზე ადრე დილით და საღამოს ჯობია წასვლა — მზის ამოსვლამდე და ჩასვლის შემდეგ. შუადღეზე ბინძურია ზღვა.

— ბინძური? — მიკვირს მე.

— კი, ბინძურია. ამდენი ხალხი ერთად რომ დაიბანს, გაბინძურდება ძიავ, აბა რა ჯანდაბა დეემართება?

* * *

რამდენიმე საათში ისე შევეთვისეთ ერთმანეთს, როგორც დიდი ხნის დოსტები. მოშუადღევდა. მზის სხივებმა ხეთა ტოტებში გამოაჭყიტა. მოკუტუთული თვალით გახედა აბდულამ მზეს და წამოდგა.

— სადილის დროა უკვე, არ მოგშივდა?

— ისე რა.

— მოგშივდა ესე იგი.

სულ მალე ეზოში ცეცხლი დავანთეთ, თევზი შევწვიოთ და იქვე ხის ძირას, ჩრდილში გავშალეთ სუფრა. აბდულამ სამბოთლიანით წყაროში ჩაიციეებული ღვინო მოიტანა და თვითვე ითავა თამადობა. ღვინო ცივი იყო და სასიამოვნო სასმელი. აბდულა ახალ-ახალ სადღეგრძელოებს იგონებდა და ეს მანამდე გააგრძელა, სანამ ღვინო არ ჩაგველია ხელში. ადგა და ღვინის მოსატანად დააპირა წასვლა, მაგრამ არ გავუშვი.

— საკმარისია, აბდულ ბიძია.

— მართალი ხარ, ხომ იცი შენ... ზაფხულში, ისიც შუადღეზე, არ ვარგა ბევრის დაღევა.

ღვინო მალე შემიჯდა თავში და თვალეზე ბინდი გადამეკრა. აბდულა თვალმოუშორებლად შემომჩერებია და რატომღაც თავს აკანტურებს.

— კაი ყაზახი ხარ, ხომ იცი შენ...

— თქვენც კარგი კაცი ხართ.

— მე? რა ვიცი... კაია, თუ კაი ვარ.

— კი, კარგი კაცი ხართ.

მერე აბდულა იხოცავს ცხვირს, დაბინდულ მზერას უშტერებს სივრცეს და ამბობს:

— რა კაია, რომ ჩამოდი. ძლივს ვნახე ხმის გამცემი, გამოვყრუვდი მარტო, ბიჭო, გამოვყრუვდი.

- სულ მარტო ცხოვრობთ?
- ზაფხულობით კი. ბავშვები დასასვენებლად მიყავთ.
- ბავშვები?
- კი, აბა! ოთხმოცი ბავშვი მყავს.
- როგორ?
- ბავშვთა სახლში ვმუშაობ მებაღედ და ოთხმოცი ბაღანაა იქ.
- აა!

— აბა რა გეგონა შენ? უსაქმოდ კი არ ვარ, ხუთი ჰექტარი ბაღი მება-
რია. ვასწავლი ბაღნებს მცნობას, დარგვას, ბარვას, თოხნას... კაი ბაღნებია,
კაი, სიმართლე გითხრა, ყველაფერს მიჯერებენ, ძალიან მიყვარს ისინი,
მათაც ვუყვარვარ. ისე არიან შემოჩვეულები, რომ მეტი არ გინდა.
მეხვეწენ — აბდულ ბაბუ, წამოდი ჩვენთან, ერთად დავისვენოთო. სულ
ცოდვილო, ქე მინდოდა წასვლა, მარა ვერ მივატოვე აქაურობა... თუ გინ-
და წავიდეთ, ბავშვთა სახლს განახებ.

* * *

მაღე მივადეჭით ბაროკოს სტილზე ნაგებ სამსართულიან სასახლეს,
რომელსაც სამივე სართულზე რთული ორნამენტებით მოჩუქურთმებული
ფართო აივანი გასდევს. დაბეტონებულ, მოაჯირიან სახურავზე მაღალი პა-
ლმები ჩაურევებიათ. პატარა, მოასფალტებული ეზოს შემდეგ იწყება მა-
რადმწვანე მცენარეთა ზღაპრული სილამაზის ხეივანი, სადაც სასიამოვნოდ
გრილოდა და მყუდროება გამეფებულიყო. კარგახანს ვიდექი აღტაცებისა-
გან გაბრუებული, მერე უღვაშების გრეხაში გართულ აბდულას მივუბრუ-
ნდი და ვკითხე:

— როდის ააგეს ეს სახლი, გახსოვთ?

— როგორ არა. ამ სახლს დიდი ისტორია აქვს, თუ გინდა, მოგიყვები.
უსიტყვოდ ვუქნევ თავს.

აბდულა სახლს შესცქერის, თავზე ისვამს ხელის გულს, მერე უზარმა-
ზარ სივრცეს ხაზავს გაშლილი ხელებით და იწყებს:

— ეს ადგილი წინათ ცნობილ მრეწველებს ეკუთვნოდათ. გაღმა მხა-
რე, სადაც ახლა სანატორიუმები და დასასვენებელი სახლებია, ცნობილ
მილიონერს სიბირიაკოვს ეკუთვნოდა. მას კერძო აგარაკები ჰქონდა, სადაც
ზაფხულობით ჩამოდიდნენ მდიდარი დამსვენებლები რუსეთის სხვადას-
ხვა კუთხიდან.

ბავშვობა მოჯამაგირეობაში გავატარე. ოცი წელი რომ შემისრულდა,
ნათესავეებში დასესხებული ფულით მამაჩემმა სათევზაო ბაღე და ნავი მი-
ყიდა. ვიჭერდი თევზს, ვყიდდი და ასე გამქონდა თავი. ერთხელ, ჩვეულებ-
რივად, ადრე დილით გავედი სათევზაოდ. ხელი მომეცარა და უკან გამოვ-
ბრუნდი ხელცარიელი. იმ ადგილას, სადაც ახლა კინოთეატრია, ხალხის

ჯგუფს მოვკარი თვალი, მდიდრულად ეცვათ. ისინი გარს შემოხვეწონენ რომელიღაც დედაბერს და რაღაცას უხსნიდნენ და არწმუნებდნენ.

— შენ ეი, მოდი აქ! — მომესმა უეცრად. მივიხედე, ზოგიერთი უცხოვრება კაცი მიძახოდა. მიუვახლოვდი, მან ხელი აქეთკენ გამომიშვირა და იკითხა:

— ზემოთ ვინ ცხოვრობს?

— არავინ, ბატონო!

— შეგიძლია იქ აგვიყვანო? ერთ ოქროს მოგცემთ.

გზას გავუდექით. აქ ამოსვლას ბარე სამ საათს მოვუნდით. ი დედაბერი ყოველ წუთში ისვენებდა, ქოშინებდა და გულზე იკიდებდა ხელს: კაკაია ვისოტა, კაკაია ვისოტაო, სულ ასე გაიძახოდა... ბევრი რომ არ გავაგრძელო ძიავ, ისინი აქ ამოვიყვანე. ამ ადგილის დანახვაზე დედაბერს დაღლაც დაავიწყდა და ვისატაც. კაკაია პრელესტ, კაკაია პრელესტო, სულ ამას იძახოდა ალტაცებული... მერე იმ ზორზოხა კაცს მიუბრუნდა და უთხრა, ეს ადგილი უნდა ვიყიდო და სასახლე ავაშენო.

ერთი კვირის შემდეგ ეს ადგილი გამოცოცხლდა. უამრავი უმუშევარი მოაწყდა. მეც აქ დავიწყე მუშაობა. ჯერ კოდმე ჩამოვთხარეთ, სასახლის ასაშენებელი მოედანი დავტკეპნეთ, საძირკველი ჩავყარეთ... ზღვის პირიდან ზურგითა და ურმებით ვეზიდებოდით ხე-ტყეს, ქვას, კირს... ჯოჯოხეთური სამუშაო იყო. დედაბერი ყოველდღე ამოდიოდა მშენებლობის დასათვალისწინებლად. რაც არ უნდა მუყაითად გვემუშავა, მაინც არ მოსწონდა. სულ ლენტია და ლენტიაო, გვეძახოდა. მუშების ნახევარმა რუსული არ იცოდა და ეს სიტყვა შექება ეგონათ. შემდეგ შემთხვევით გავიგეთ, რომ ის დედაბერი გრაფინია ყოფილა, ნიკოლოზ მეორის ძიძა.

გრაფინიამ სპეციალურად იტალიიდან ჩამოიყვანა არქიტექტორი სახლის ასაგებად. გვარი არ მახსოვს, სარტონი იყო თუ სარკონი. კაი კაცი იყო იტალიელი არქიტექტორი, მუშები ეცოდებოდა. გრაფინია მაინცა და მაინც არც მას ეხატებოდა გულზე. ერთხელ, როცა მესამე სართულის კარნიზებს ვდგამდით, ერთ-ერთ მუშას ფეხი დაუცდა, გადმოვარდა და მოკვდა. მახსოვს ქალივით ტიროდა არქიტექტორი, მერე იმდენი უჩიჩინა გრაფინიას, რომ მისი ცოლშვილისათვის ფული მიაცემინა... ერთი წლის შემდეგ, როცა ამ მშენებლობას ხუთი კაცი შეეწირა, სასახლე მზად იყო. გრაფინიამ ბლადოჩინი და ხუთი მღვდელი მოიწვია, სასახლე აკურთხებინა და მერე გადმოსახლდა თავისი მრავალრიცხოვანი მოსამსახურეებითა და ფარეშებით. მეც მასთან დავრჩი მოსამსახურედ.

ღრდი კონწარი და გაუტანელი ქალი იყო გრაფინია, საშინლად ჭირვეული. უბრალო რამეზე სასტიკად სჯიდა მოსამსახურეებს. ორ კაცს ამ ხეივანის დასუფთავება ევალებოდა. ერთი ფოთოლიც რომ შეენიშნა გრაფინიას ხის ძირას, ვაი მათი ბრალი. ზაფხულობით უამრავი სტუმარი ჩამოდიოდა გრაფინიასთან. მათი გამასპინძლებით წელი ჰქონდათ მოწყვეტილი

მოსამსახურებს. მაინც რამდენს ჭამდნენ, ჭოვ, ის ოხრები, ღორებოცო
თქველედნენ ყოლიფერს. სასახლის სახურავზე გამუდმებით, დღე და ღამე
სუფრა იყო გაწყობილი. დღე და ღამე გრძელდებოდა ქეიფი. ^{ქეიფი}
კაბაში გამოწყობილი ქალები და დეზებიანი ჰუსარები ცეკვავდნენ ^{გასულ-}
რკას. წყალივით იღვრებოდა შამპანური და ძვირფასი ღვინოები.

ბაღში ვერავინ შეიჭაჭანებდა უნებართვოდ. უშვილძირო გრაფინია
და მისი მუდმივი სტუმარი — ზორზოხა გენერალი განსაკუთრებით ვერ
იტანდნენ ბავშვებს. ბებერ გენერალს ბავშვის დანახვაზე სიბრაზისაგან თა-
ვბრუ ეხვეოდა და შუაზე რომ გაეგლიჯა, გული არ მოუშლიდა. გამოს-
დებდა ხელკავს ბებერი გენერალი გადაყრუებულ გრაფინიას და საათო-
ბით სეირნობდნენ ბაღში. ერთ დღეს, ისინი ჩვეულებრივ გაემართნენ სა-
სეირნოდ. შემოდგომა იყო, მწიფობდა მსხალი და ატამი, ყურძენი. მოუ-
ლოდნელად გენერლის ყვირილმა და გრაფინიას წივილმა შეძრა აქაურობა.

ეს უპატრონოები გველებმა ხომ არ დაგესლა-მეთქი, გავიფიქრე და
ამბის გასაგებად გავვარდი. იქ ასეთ სურათს წავაწყდი: გრაფინია ხეზე
მისვენებულყო, თვალები დაეხუჭა და კვნესოდა. ბებერ გენერალს კი
ჯოხი ეჭირა ხელში და ქოშინით დასდევდა პატარა ბიჭს, რომელსაც გაქ-
ცევა ვერ მოეხერხებინა და აქეთ-იქით აწყდებოდა შეშინებული. თურმე
გრაფინიამ და გენერალმა იმ დროს წაასწრეს მას, როცა იგი ძირს ჩამოყ-
რილ ჭიან მსხალს კრეფდა.

— დამიჭირე ის მაიმუნი და აქ მომგვარე! — მიბრძანა გენერალმა.

ბიჭი დავიჭირე და გენერალს მივგვარე. მან ჯერ წკებლით სცემა სა-
ცოდავ ბიჭს, მერე კი ქამრით მიაკრა ხეზე და კისერზე დაფა ჩამოჰკიდა
წარწერით: „მე ქურდი ვარ, ვიპარავდი.“ საცოდავი ბიჭი ტიროდა, გრა-
ფინია და გენერალი კი, ვითომცდა დიდი საქმე გავაკეთეთო, კმაყოფილი
ხითხითებდნენ. საშინლად შემჯავრდა ორივე.

სამი წლის სამსახურის შემდეგ გრაფინიამ ამაგი „დამიფასა“, მიწის
პატარა ნაკვეთი დამითმო. მიწის ფასი თანდათანობით უნდა გადაემხადა.
ჩავდგი ფიცრული სახლი და დავიწყეთ ცხოვრება მე და ჩემმა ქალმა. ერთი
ბალანა გვყავდა, თავზე ვეველებოდით ორივე.

ერთხელ, საღამოს, გრაფინია რატომღაც მარტო გავიდა ბაღში სასე-
ირნოდ და მერე აღარ გვინახავს იგი. სამი დღის განმავლობაში ვეძებდით,
მეოთხე დღეს მივაგენით — ჭაში ვნახეთ ჩამხრჩვალი. როგორ ჩავარდა,
ვინ ჩააგდო, დღემდე არაფერი ვიცით. გრაფინია რუსეთში გადაასვენეს.
ჩვენ კი ორი თვის განმავლობაში გვაწვალეს დაკითხვებითა და გამოძიე-
ბით, მაგრამ ვერაფერი გაიგეს. ვიდაც ხომ უნდა დაედანაშაულებინათ
მაინც და ერთი მოსამსახურე, საწყალი ბიჭი, რომელიც ორ სიტყვას ვერ
აბამდა ერთმანეთზე, აწიეს და ციმბირში გადაკარგეს.

კითხვას განვაგრძობ, ვამთავრებ და მერე წაკითხულის გარშემო ვმსჯელობთ.



— აიღებს სინჯს, არა? — მეკითხება აბდულა.

— ჰო, აიღებს.

— მერე ჩვენთან ჩამოიტანს დედამიწაზე?

— ჩამოიტანს...

— ძალიან კაი, მარა მაი სინჯი რაღაა კაცო, ა?

ვუხსნი.

— როგორი განათლებული ყოფილხარ, — უკვირს აბდულას, მერე დუმს და მეკითხება ისევ: — მთვარეზე წყალია?

— არა.

— არც ხეებია?

— არა.

— არც სიცოცხლეა და არც ჰაერი.

— სწორი ხარ.

— აბა რა ჯანდაბად გვინდა ი სინჯი, კაცო?

— სინჯი, ძია აბდულ... — ვუხსნი, თუ რისთვისაა საჭირო მთვარის

გამოკვლევა.

— ჰოო... — მთქნარებასავით აგრძელებს და საუბარი მთვარიდან დედამიწაზე ჩამოაქვს.

გვიან ღამემდე ვისაუბრეთ. თვალები მებლიტება, მაგრამ აბდულა უვახშმოდ არ მაძინებს. თურმე, იმ ჩაის მოტრფიალე პროფესორის წერილში ეწერა, ჩაი მარტო დილით კი არაა სასარგებლო, ღამითაცო. ვსვამთ ჩაის და ვსაუბრობთ, უფრო სწორად, აბდულა ლაპარაკობს, მე სანახევროდ მესმის მისი. არც მოსმენის თავი მაქვს და არც ლაპარაკის. ეყვანივით მოუღრიალე კედლის საათმა ღამის პირველი ჩამოკრა, როცა დავწექით. დავწექი, მაგრამ არ დამეძინა, არც აბდულას დამეძინა და კარგახანს მესმოდა საწოლის ჭრიალი, მთქნარება და ბუტბუტი. მერე, როგორც იქნა, ბირდაბირის ხმაზე ამღერდა აბდულა და ამ ხვრინვაში ჩამეძინა კიდეც.

* * *

ალიონზე გამაღვიძა აბდულამ.

— ადე, შე ზარმაცო, ჩაიცვი და ზღვაზე წავიდეთ.

დაძინების მეტი არაფერი მინდოდა, მაგრამ ბერიკაცს ხათრი ვერ გავუტეხე. ავდექი და ჩავიცვი. უხმოდ დავეშვიტე ბილიკზე. როცა ჩავივაკეთ, აბდულა მომიბრუნდა და მითხრა:

— ზღვიდან რომ დავბრუნდებით, ვისაუხმებთ.

— კარგი.

მერე ზღვამდე ისე მივედი, არცეროს არ გავვიღია ხმა. ზღვა

ჩვეულებრივ წყნარი იყო, ნაპირი უკაცრიელი. მზე ჯერ არ ამოსულა და ციოდა. აბდულა ზღვაში შეჭრილ ხავსიან ლოდზე აფოფხდა, დაჯდბ, ფეხები გაჩაჩხა და ანკესი ისროლა.

— რას უყურებ, დაიძინე? — დამიძახა, როცა პირველი თევზი დაიჭირა და აღტაცებით გამოხატა მონადირის სიხარული.

— სიცივეა. — ვუთხარი მე.

— არაფერია, დაიბანე.

დავუჯერე. წყალი ყინულოვით ცივი იყო. იხვივით ჩავიყურე უმაღლავე, ცოტა გავცურე და ცოტათი შევთბი.

— შორს არ წახვიდე, ზღვა უნდოა, ძიავე! — დამიძახა აბდულამ.

არ დავუჯერე ბერიკაცს და საკმაო მანძილით დავშორდი, ნაპირს... მერე ყველაფერი მოულოდნელად მოხდა. შევატყვევ რომ ველარ ვცურავდი, შემეშინდა და ზღარბის ეკლებივით ამიბურძგნა სველი თმები შიშმა.

— აბდულ! — ვიყვირე მე.

ბერიკაცმა ჩემი ძახილი გაიგონა, ფეხზე წამოიჭრა და ტანსაცმლიანად გადაეშვა ზღვაში.

— გაუძელი ძიავე, გაუძელი, — მიყვიროდა იგი და დელფინივით მოაპობდა წყალს.

სანამ აბდულა მოვიდოდა ჩემამდე, ბევრი წყალი ვცლაპე. ერთხელ კიდევ დავიყვირე და მერე არაფერი მახსოვს... გონს რომ მოვედი, ნაპირზე ვიწექი. აბდულას მკლავები აეკარწახებინა და მასაუებს მიკეთებდა. როცა თვალი გავახილე, სიხარულისაგან გაიკრიჭა, ხელგასმით მოიწმინდა შუბლზე დაცვარული ოფლი და მკითხა:

— როგორ ხარ?

— არა მიშავს: ძარღვი გამესკვნა...

— ვიცი. ქინძისთავი უნდა წაიღო, იჩხვლეტ და მორჩა... აფერია, ქორწილამდე დაგავიწყდება, ადექი, ჩაიცივი ტანზე.

ჩავეცივი. აბდულამ ის ერთადერთი ნადავლი თევზი ჩააგდო აბგაში და მდუმარედ გავემართეთ სახლისაკენ.

— როგორ კარგად ცურავთ, აბდულ ბიძია, — ვუთხარი, როცა სახლს მივუახლოვდით.

— ცურვა კი ვიცი, მარა, რა გინდა შენ, ამ სიბერეში მიჭირს. მაშველი ვიყავი მთელი ოცი წელი, აბა! როცა თექვსმეტი წლის ერთადერთი ბიჭი დამეხრჩო ზღვაში, მაშინ გადავწყვიტე, მაშველად მემუშავა და გადამერჩინა ყველა წყალწაღებული... ეხ, ძნელია ზღვასთან ჭიდილი, ძნელი, ყველას კი არ შეუძლია იგი.

* * *

თვალსა და ხელშუა გარბის დრო. დილა-სალამოს ზღვაზე დავდივართ. მე ვბანაობ, აბდულა თევზაობს და დროგამოშვებით გამომძახებს:

- ქინძისთავი წამოიღე, ბიჭო?
- წამოვიღე.
- ჰოდა, იჩხვლიტე ხანდახან.
მეცინება.

* * *

— კაი კაცია ბავშვთა სახლის დირექტორი, — მითხრა ერთ დღეს აბდულამ, — საკუთარი შვილებივით უყვარს ბავშვები და ბავშვებსაც უყვართ იგი. ცუდი კაცი ბავშვს ვერ შეიყვარებს, იცოდე შენ. იცი რა უნდა დავიბარო ანდერძივით? როცა მოვკვდები, ნუ წამიღებენ სასაფლაოზე, სადმე ამ არემარეზე დამმარხონ, აქ, ბავშვებთან, ყვავილებთან, მინდა ყოველდღე იარონ ჩემს სამარეზე.

* * *

63911
მარტის თოვლივით მეღევა ხელში დღეები და აჰა, უკვე ჩემი წასვლის დროც დგება. ისევ ვაწყობ ჩემოდანში ტანსაცმელს, მერე ჯიბიდან ფულს ვიღებ და აბდულას ვაწვდი.

— რაია მაგი? — შეკითხება გაოცებული.

— ბინისა და საჭმლის ფული, — ვუხსნი მე.

— მაგი არ გამაგონო, თვარა მეწყინება. ისე წაი ძიავ, თავი არ შემომალახო. მე მასპინძელი ვიყავი, შენ — სტუმარი, მორჩა და გათავდა... შენ იგი მითხარი, გაისად ჩამოხვალ?

— ჩამოვალ, — ვპირდები მე, — ჩამოვალ ძია აბდულ.

აბდულას უხარია. საიდანღაც სახატავ ალბომს მოათრევს და მთხოვს ჩემი მისამართი დავუწერო. ოღონდ დიდრონი ასოებით.

მერე მივდივარ და აბდულა მაცილებს. უკვე ვაგონის ფანჯარასთან ვდგავარ და ვუცქერი ბაქანზე მდგარ აბდულას.

— გაისად აუცილებლად ჩამოდი იცოდე, — მეუბნება, — „ძიგარას“ აბოლებს და წყვეტილ-წყვეტილ ახველებს — ალბათ უკმაყოფილო ხარ, კარგად ვერ დაისვენე.

— ჩამოვალ, — ვპირდები ისევ, — ჩამოვალ.

მერე ზარი შემოჰკრეს.

— მშვიდობით, ძია აბდულ!

— ნახვამდის, — მისწორებს იგი.


მატარებელი თანდათანობით უმატებს სიჩქარეს. უკან რჩება ბაქანი და ბაქანზე მდგარი აბდულა. კიდევ ცოტა და უკვე აღარაფერი მჩანს.



ერთი თვის შემდეგ იგი უკვე ცოცხალი აღარ იყო. ეს ამბავი მთხვევით გავიგე გაზეთიდან. ერთ დროს უბადლო მამველი, ასობით სიცოცხლის გამარჩენელი, ბოლოს მაინც დაემარცხებინა ზღვას. ზღვასთან ჭიდილში ვაყვაცურად დაღუპულიყო იგი — ბავშვი გადაერჩინა დახრჩობას, თავად კი დაღუპულიყო ნაპირიდან ერთი მეტრის დაშორებით. გულს ეღალატა მისთვის.

მერე მე მოვინახულე მისი საფლავი. იგი კორღზე მარხია, ყვავილებით დაფარულ კორღზე, იმ მაგნოლიის ძირში, თვითონ რომ დარგო. საფლავზე ცოცხალი ყვავილების თაიგული დევს. ზუზუნებს ფუტკარი და ხმინაობენ ბავშვები.

მეტი ხომ მასაც არაფერი სურდა.



რესპუბლიკის დროშა

ეს ჩანჩქერების გრიალი არის,
თუ მეხთატების ექო გაისმის?!
მორბის ჭოროხი,
ჩქაფანებს მტკვარი,
ვალაღებული მოჭყუხს მაისი!

თოვლის ნაბადი გადიგდეს მთებმა,
არის ვარდების ცეცხლის ბრიალი.
ისმის სიმღერა —
მზის ქებათ-ქება
ნაპერწყლიანი,
მერცხლისფრთიანი.

ისმის ლილეო,
მთების მაყრული,
ისმის გამირების სადიდებელი
და ჭაბუკურად ყელშემართული
მედგრად გუგუნებს ქართლი ბებერი.

ქართლი —
უთვალავ გრიგალს შეხლილი,
მოჭირნახულე ამაყი ქართლი,
ხმალდაკრული და გაუტეხელი,
ყელამდე სავსე კაცური მადლით.

ქართველი კაცი — მუდამ კეთილი,
მანც ნიადაგ იყო მტრიანი,
მაგრამ არასდროს არ შეწყვეტილა
მისი ამაყი დროშის ფრიალი.

დედა თამარის ღიმილი ახლდა
და მიწის მტვერი ველარ ფარავდა,
აღმართულს მტკვართან —
თბილისის კართან
ახსოვს კრწანისი,
ახსოვს მარაბდა.

ერეკლეს ახლდა არწივის ფრთითა,
გმირის მარჯვენას ბევრჯერ სჭერიდა.
ფიცხელ ბრძოლაში ხმალივით ჭრიდა,
რამდენი ურდო მოიგერია!

ცხრა ძმა იცავდა ხერხეულიძე,
ცხრანივე მოჰკლა, მტერმა ტიალმა.
გასათელავად მომხდურს არ მისცა
და დროშა დედამ ააფრიალა.

ძირს დაუხრელი, ომგადახდილი
ძღვეამოსილად მოვიდა ასე
და თებერვალში განთიადივით
ისევ იელვა თბილისის ცაზე.

ისევ აყდერდა მთაში და ველად
ჩვენი სიმღერა,
ჩვენი ფანდური,
ჩვენი ქართული, ჩვენი ხორუმი,
ჩვენი გალობა იავარდული.

და საქართველო მკლავდაკვართული
დგას საოცნებო დღეთა მშენებლად
და მაღლიანი შრომით გართული
გულით შეჭხარის მიწის მშვენებას

გულით შეჭხარის იმ დროშის ფრიალს,
მაისის შუქად ცას რომ უხდება.
საქართველოსაც მაისი ჰქვია
და ფერი მისი არ გახუნდება!

და დროშა მისი ანათებს შარას,
მაგისტრალებს და მთათა ბილიკებს.

მას გაუხუნარს მარად და მარად
მშრომელი ხალხი ჯილდოდ ირიგებს.



იგი ეკუთვნის კოსმოსის გმირებს
და ვარსკვლავეთში იმედად მიაქვთ.
იგი ეკუთვნის გულადს და პირველს,
ვისაც გამრჯე და კაი ყმა ჰქვია;

ვისაც გული და მარჯვენა ერჩის,
ვინც იცის ბრძოლა და ჭირთა თმენა
ეკუთვნის ხომალდს,
ეკუთვნის ჯეჯილს,
ფორთოხლის ბაღებს,
მტეენიან ვენახს.

იგი მგოსანს და მხატვარს ეკუთვნის,
იგი ეკუთვნის მკედელს, მეშახტეს,
ჩაის ოსტატებს,
მეზვრეს,
მეგუთნეს,
რომ მწვერვალების ძლევადაც ეძახდეს.

მის ნათებაში დიდი დღე მოჩანს,
მისთვის, ვინც შრომობს მართლაც კაცურად
და რესპუბლიკის ფრიალებს დროშა
გამარჯვებათა დიდთა დასტურად!



* * *

ვარსკვლავებივით მის გულ-მკერდზე ცვივიან წლები
და ის წინწკალი მომცა ნეტავ, მეტი არც მინდა.
მე ჟინიანად ვიმეორებ (თითქოს და ვწყრები...)
ჩვენი ტკივილი,
ჩვენი სიხარული,
ჩვენი სიცოცხლე მთაწმინდა.

სულში დედაა...
შენ დიდება ქართველის დედაო!
ოქროს კონები ალიცილებს ღვთიურს მის უბეს...
ჟამი ვერ გამლევს, შენს ტრფობაში რაგინდ მედავოს,
მუდამ ვიგალობებ:
მიყვარს ჩემი მცხეთა,
მიყვარს ჩემი დიდუბე!

იქით მივფრინავ ალტყინებით, სულმა წამძლია,
არ ვარ მშვიშარა, ვერ დამაფრთხობს გზად ქარიშხალი.
როგორ იქნება არ მიყვარდეს ჩემი ვარძია,
სვეტიცხოველი...
ნამცეცები ჩემი იშხანის!

როგორ იქნება არ მიყვარდეს ჩემი საჩხერე,
ფშავი, კრწანისი, წიწამური, ჩემი ყვარელი,
გული მაძალებს, აღზევებულს გულს ვერ ვაჩერებ,
ამირჩევია გზა ზღვისფერი, გზა საყვარელი.

ეს გზა საით მიდის

ეს გზა საით მიდის,
წინ რომ კანდელს მინთებს?
იქ, სიცოცხლის მთებში,
სადაც ღვიძავს მითებს,
გადაღლილი ვიყავ,
რა მიმაფრენს ზევით,
ნეტავ რად ვერ ვძლები
იმ კლდეებზე მზერიით?!
ზმანებაა ტკბილი,
მალლა მიწვევს მზე ვით...
ვინ აბოლებს ჩიბუხს?
ცად წერს კვამლით წერილს.
ეს ვინ არის ნეტავ?
სიყვარულით მწყევლის,
ხელგაშლილი მხვდება
ციურ ლოცვით მწველით...
აიმართა ჩემს წინ
მთის წერწეცა წვერი,
ფიქრი, მწველი ფიქრი,
თვალებს ტკბილად ეხუჭავ,
ჩემი გული მიჰქრის,
მისდევს გზას ხუჭუჭას.
ეს გზა საით მიდის,
წინ რომ მინთებს კანდელს?
იქ, სიცოცხლის მთებში,
სადაც დავიბადე.

გიორგი სანაღიკაძე

მ თ ს

მოთხრობა პირველი

პატარა ხემიდს ძილის წინ დედა უმღეროდა ხოლმე. ხემიდს კარგად ახსოვდა დედის ნანა. ქარის უხუილის მსგავსი — ყავარზე მოწკაპუნე წვიმიტა და ხმელი ფოთლების შიშინით შეზავებული. დედა კი არ უმღეროდა, არამედ ქათმის ფრთას ყურის ბიბილოებზე უსვამდა თითქოს. ბიჭი, ვიდრე უძლებდა ხიცინს, იშმუშნებოდა, იღიმებოდა, მერე უცებ აკირკიცდებოდა, და როცა აკირკიცდებოდა, მთელი სახლიც ერთბაშად განათდებოდა.

ერთ ღამეს დედას აღარ უმღერია. ხემიდმა დიდხანს იტირა. მერე დაღლილს დაეძინა და როცა გაეღვიძა, მამა დაინახა. მამას ნაღვლიანი სახე ჰქონდა. ბიჭს კარგად დაამახსოვრდა ეს სახე — აწითლებული თვალები, დაღურჯებული უბეები, შუბლზე დაბურცული ძარღვი... ბიჭმა წამოიწია, მიმოიხედა. დედა ვერსად დაინახა — სახლი დაცარიელდა.

— ნენე სადაა? — იკითხა.

— არ ვიცი, — უთხრა მამამ.

— სადაა ჩემი ნენე? — მეზობელ-მეზობელ დადიოდა ხემიდი.

არავინ იცოდა, სად იყო მისი ნენე.

ბოლოს, ვიღაცას შეეცოდა. — „ტყუილად ეძებ დედაშენს. ქარმა წაიღო დედაშენი“.

როცა ხეობიდან ქარი ქროდა, დიდი, ხორკლიანი ქარი, ხემიდს ეჩვენებოდა, ქარი საღვაც ექაჩებოდა, — თავისკენ უხმობდა, უწეწდა თმას, უძვრებოდა საყელოში, თვალებზე აფარებდა ხელს... თითქოს ყურის ბიბილოზე ქათმის ფრთას უსვამდა ვიღაც. ალბათ ამიტომ, ეს ქარი დედის სიმღერას აგონებდა.

მერე მეზობლის პატარა ბიჭი რეჯები წაიყვანა ქარმა. რეჯებს ხემიდის და ნაილე მიჰყვანდა... სოფელს უცნაურმა ავადმყოფობამ დარია ხელი. შეშინდა სოფელი. გვიმრის მყრალი კვამლითა და ხოჯას მოცემული ნუსხით ცდილობდა ამ უცნაური ავადმყოფობის განდევნას. ამაოდ. ავადმ-

ყოფობა ყოველთვის მოულოდნელად წამოეპარებოდათ ხოლმე — ტახი-ფერდას სათიბში მიმავალ ასლან ბუძას დაუდო ფეხი, მოცელა მჭიდრო ენვერ მალქვაძე, ხოლო სოფლის ბოლოს მდგარი შიშმანიძის სახლი უკან-ტრონოდ დასტოვა.

სასაფლაოსაკენ მიმავალი გზა ხემიდის სახლს ბარე ერთი ვერსით მაინც უვლიდა გვერდს. ბიჭი ხშირად უყურებდა ამ გზას. და როცა თავჩაქინდრულ, უბრაღ მიმავალ ხალხს დაინახავდა, მაშინვე ხვდებოდა, რაშიც იყო საქმე.

— ქარია? — ჰკითხავდა მამას.

— ჰო, შვილო, ქარია. — ეტყოდა მამა.

— ცუდი ქარია, — დედა გაახსენდებოდა ბიჭს.

— ჰო, ცუდი ქარია, — თავზე გადაუსვამდა ხელს მამა. მამას ხეშეში, მძიმე ხელი ჰქონდა. — აქედან უნდა წავიდეთ. მეშინია, ქარმა არ წამართვას შენი თავი.

მაგრამ მერე ქარი შეწყდა და როცა ბიჭმა ეზო-ეზო ჩამოიარა, გაცელებული დარჩა, სოფელი თითქმის დაცარიელებულიყო.

— კუზიან მთაზე წასვლის დროა. — უთხრა ერთ დღეს სტუმრად მოსულ ყედირას მამამ. — ოსმან-ალა სამუშაოდ მეძახის. კარგ გასამრჯელოსაც დამპირდა.

— ძნელი დროა, — ამოიოხრა ყედირამ. — ვინც ავადმყოფობას გადურჩა, შიმშილს ვერ გადურჩება. ასეა აი!

— წავიდოდი, მარა ბიჭს რა ვუყო? — დაიწყო მამამ.

— მე წავიყვან. ჩემთან იცხოვრებს. შენც იცხოვრე. სამივე უფრო კარგად ვიცხოვრებთ. რა ძნელი გადასაწყვეტი ეგ არის? — ხემიდმა ყედირას შეხედა. ხემიდს ძალიან უნდოდა ბიძასთან ყოფნა. კიდევ უფრო მიეკრა, და როცა მიეკრა, ყედირას ერთადერთ თვალში უცნაური ნაპერწკალი აინთო.

იმ წელს დიდი თოვლი მოვიდა. მამამ ყედირას ძველ სახლს ლამფები გამოუცვალა, მაგრამ მაინც ეშინოდა. სახურავის ჩამონგრევისა ეშინოდა. ყედირას მასავით ძველი სახლი ჰქონდა. მოუხერხებელი, მაგრამ რაღაცნაირად მყუდრო და თბილი. უცნაური იყო — ამ სახლში ხემიდს აღარ დასიზმრებია დედა. არც ქარი დასიზმრებია. როცა მამა ოსმან-ალას საქონელს გაჰყვა კუზიან მთაზე, მთელი დღეები ბიძის გვერდით იჯდა. ყედირა, მართალია, ცალი თვალით უყურებდა ქვეყანას, მაგრამ ორი ხელი და დანის ხმარების საოცარი ნიჭი ჰქონდა. ამ ხელებითა და დანით მას ყველაფრის გაკეთება შეეძლო. ციგა მოუნდა ხემიდს? ა, ბატონო, ციგა: კაკანათი მოუნდა? ა, ბატონო, კაკანათი. ერთი სიტყვით, ხემიდს იმდენი სათამაშო ჰქონდა, ოსმან-ალას ბაღიშებს მოსვენება დაეკარგათ: — „ფეხბურღლა მამუდას ბაღვის როგორ უნდა დაგვხარბდესო“. ისინი ხემიდთან ერთად დარბოდნენ ტყეში, იჭერდნენ წვერას, უსაფრთებოდნენ

კურდღელს, აწყობდნენ წისქვილს. მათ მუდამ კარგად ეცვათ მისი ქი-
დან ამოტანილი წულები, ლამაზი, ყვავილებიანი პერანგები და ბოროტუ-
ლისფერი ახალუხები. მოსირმულ ქამარზე კი პაწია ბებუთებზე ^{ქიქვიქვი}
ხემიდს არასოდეს შეხარბებია მათი.

ერთ დღეს ყედირამ თქვა: — გული არაფერზე მიდგება. ეტყობა,
ჩემს ხელებს უფრო კარგი რაღაცის გაკეთება შეუძლიათ. ხის მოცეკვავე
კაცუნებზე რას იტყვი, ა? — მიუბრუნდა ხემიდს. ხემიდმა კი გაოცები-
საგან პირი გააღო და როცა დამუწა, ბიძამისი უკვე შორს იყო — ონტო-
როთის ტყისაკენ მიჩაკუნებდა. ცალი ხელით ჯოხს იბიჯებდა, ცალში
კი ჩიბუხი ეჭირა.

მთელი შემოდგომა და ზამთარი ელოლიავებოდა ყედირა ონტორო-
თის ტყიდან მოტანილ შორს. იღლებოდა, მაგრამ თავს არ ანებებდა.

სულ ბუზღუნებდა.

ერთადერთი თვალი მაქვს და ძილის დროს იმ თვალსაც ვერ ვხუჭა-
ვო. სინამდვილეში კი სახლის უკანა ერდოს ჩრდილი დაეცემოდა თუ არა,
ბერიკაცი უკვე ლოგინში ნებვირობდა, და თავს მაშინ წამოსწევდა მუთა-
ქიდან, როცა კარგად განათებულ ქვეყანას ერთი პირი საქმე მოთავებუ-
ლი ჰქონდა. წამოიწეოდა, გადმოიხრებოდა მისთვის საგანგებოდ გაკეთე-
ბული ტახტიდან. ჯერ ცალ ფეხს გადმოდგამდა — იატაკზე დათვის ტყავი
ეფინა, — მერე მეორეს, — და როცა გასწორდებოდა, სახსრები საშინელ
ტკაცანს დაიწყებდნენ. ყედირა მუდამ გაოცებული აყურადებდა ამ ტკა-
ცანს. ბოლოს ამოიხრებდა:

— დავბერდი, ბაბა, გავხში ალბათ, ბოსელთან რომ წიფლის ხეა,
ისე.

ბერიკაცის ადგომამდე ხემიდი მთელ იმ კუთხე-არემარეს შემოორბე-
ნდა. გვარიანადაც დაიღლებოდა და კერიის პირას დამჯდარი ოჯინჯალზე
ჩამოკიდებული კარდლის ბუყბუყს უსმენდა, ანდა ხის ნაჭერს აწვალებ-
და — კოვზის გამოთლას ცდილობდა, მაგრამ დანა არ ემორჩილებოდა.

— აბა, მოჰყევი სიზმარი! — შეაგებებდა ხემიდი საწოლიდან კვნესა-
კრუსვით წამომდგარ მოხუცს.

რაც მართალი მართალია, ყედირას სიზმრების მოყოლა უყვარდა! მა-
გრამ საოცარი ის იყო, სიზმრებში მუდამ ერთსადაიმავეს ხედავდა —
მდინარეში მობანავე (ფუი ეშმაკს!) ქალიშვილებს და თოვლში სასიკვდი-
ლოდ დაკოდილ დათვის (რა თქმა უნდა, ყედირას თოფით დაკოდილს!).

— რაა, სულ ერთნაირ სიზმრებს რომ ხედავ? — ეტყოდა ბიჭი.

— თვითონაც არ ვიცი, — მხრებს აიწურავდა ბერიკაცი, — ალბათ,
ცალი თვალით რომ ვუყურებ ქვეყანას, იმიტომ.

— ვერ ყოფილა კარგი! — ეტყოდა ბიჭი. — მართლაც რომ ვერ ყო-
ფილა. ცუდ სიზმრებს ხედავ!



ისაუზმებდნენ. კარგად დანაყრდებოდნენ და ყედირა ცეცხლს უკვამლე
 რას, ხეშიდის გვერდით ჩაცუტქედბოდა. რაც ყედირა ამ უცნაურ
 ცილო კაცუნებს თლიდა, ხეშიდს ორი კბილი ჩამოსძვრა და ორი
 ამოუვიდა სანახევროდ.

— და ეს კაცუნები იცეკვებენ? — ვინ იცის მერამდენედ ეკითხებო-
 და მოხუც ბიძას.

— უნდა იცეკვონ, — ვინ იცის, მერამდენედ პასუხობდა ბიძა.
 „მაბეჩებს, — ფიქრობდა ბიჭი, — ხის კაცუნების ცეკვა ვის გაუგია?“
 ყედირას გაეგო. ონტოროთის ტყეში წასვლამდე, სიზმარი ნახა. სიზმა-
 რში ხის გრძელ მერხზე ჩამოწკაპული კაცუნები ნახა. თითს გამოკრავდი
 — წამოიწეოდნენ, ხელებს გამოლიდნენ, — თითს გაუშვებდი — უცებვე
 განლაგდებოდნენ თავთავიანთ ადგილებზე.

გარეთ კი სულ უფრო და უფრო მატულობდა თოვლი. დაიყურსა
 ქვეყანა, თეთრ ხეწარში ჩაიმალა. ჰოდა, სწორედ ასეთ ამინდში გამოვიდა
 ოსმან-ალა სანადიროდ. ოსმან-ალას ძაღლებმა ტახები წამოჰყარეს ნაწის-
 ქვილარის დელეში. ესროლა ოსმან-ალამ — დააცილა. ესროლეს მისმა
 ახმახმა შვილებმა, — იმათაც დააცილეს. მაშინ სამად გაიყვნენ და ფერ-
 დობს შემოარტყეს ალყა.

სროლაზე ხემიღმა გარეთ გაიხედა.
 — რა ამბავია, ჰა? — ჰკითხა ყედირამ.
 — ვიღაცები ჩვენსკენ მოდიან.

— ოსმან-ალა იქნება. ამ თოვლში მაგას თუ ეხალისება თოფის
 სროლა! — თქვა ყედირამ და თავის კაცუნებს მიუბრუნდა. „ცოტაც და
 დავამთავრებ, — ფიქრობდა იგი, — აი, გაუხარდება ხეშიდს!“.

ოსმან-ალა პანტის ძირას ჩასაფრდა. ტახს დაუდარაჯდა. სად იყო და
 სად არა, უცებ ტახი გამოუხტა. საოცრად დიდი ტახი იყო. ესროლა
 ალამ. მაგრამ ეტყობა, ამჯერადაც არ გამოუვიდა მიზანი — დაჭრა მხო-
 ლოდ. გამწარდა ტახი. გამოქანდა. ბებერ პანტას შეასკდა ეშვებით. ქე-
 რქი გადააშპო და მასაც გაშპა სული.

ფერდაკარგულმა, შიშნაჰამმა ალამ ყედირას სახლს გაუხედა. —
 კვამლი დაინახა. ერთიანად სველი იყო, კარგი იქნება თუ ცოტას მოვ-
 შრებით, იფიქრა.

ხოლო ვიდრე ოსმან-ალა თავისი მრუდე ფეხებით ყედირას სახლისა-
 კენ მიიბიჯებდა, მოხუცი ყედირა თავისი მშვიდი, თამბაქოს წვევისაგან ჩა-
 ხლეჩილი ხმით ეუბნებოდა ხეშიდს: — თუ დანას იმორჩილებ, ხე საო-
 ცარი რამაა, ძიავ. ყველას გონია, რომ ხისაგან არ შეიძლება სიხარულის
 გამოთლა. მე კი ერთი შემოდგომა და ერთი ზამთარი ვიწვალე, რვა
 კვერცხი თუთუნი დაეფუტე და აგერ ა, მგონი მოვრჩი საქმეს. და იცო
 ვისთვის ვიწვალე? შენთვის.

მოსუცმა თავისი კორძიანი თითი მიუახლოვა ხის გრძელ მერხზე დასკუბულ კაცუნებს. ძლივს შესამჩნევ დილაკს გამოჰკრა და სასწაული მოხდა — კაცუნები წამოდგნენ, ხელები გაშალეს და ისევ ადგილებზე განლაგდნენ.

ხემიდს სუნთქვა შეეკრა. ყედირამ ახლა ჩქარ-ჩქარა გამოკრა დილაკს და კაცუნები მთლად გადაირიგნენ.

— მართლა არ ცეკვავენ?! — წამოიძახა ბიჭმა.

პარმალზე ძაღლები აყეფდნენ.

— რას ცეკვავენ? — იკითხა ბიჭმა.

— აბა, რას გაიგებ, უხარიათ და ცეკვავენ. — თქვა ბერიკაცმა. წამოდგა. გარეთ გაიხედა.

ოსმან-ალამ სიცივე და სველი ფეხები შემოიტანა სახლში. ცეცხლს სითბო მოაკლდა. ბიჭს მოეჩვენა, ოსმან-ალას ფეხებმა შესრუტეს სითბო.

— კალამ დავმარტხდი, — დაიწყო ოსმანმა, როცა ყედირამ თოფი ჩამოართვა და კედელზე მიაყუდა. — ჩემსისხო ეშვები ჰქონდა იმ შეჩვენებულს. ნაკუწ-ნაკუწად მაქცევდა. მარა გადავჩი. იღბლიანი ვყოფილვარ.

— ამ ჩემ ეზოში მოხდა ეს ამბავი? — იკითხა ყედირამ.

— ღელის თავზე, პანტის გადმოღმა, — სიტყვა „ჩემი“ არ ესიამოვნა აღას.

ერთმანეთი გაიკითხ-გამოიკითხეს, კუზიან მთაზე გახიზნული საქონელი გაიხსენეს, ზვაზე ჩამოაგდეს სიტყვა და უცებ:

— დახე, რა სათამაშო გქონია! — მოისმა ოსმანის ხმა. — მაჩვენე ერთი.

— უჩვენე. — თქვა ყედირამ.

ხემიდი პირველად ხედავდა აღას. მაგრამ სულ ესმოდა: — აღას ტყე, აღას მინდორი, აღას მდინარე, აღას საქონელი, აღას არ ეწყინოს, აღას ვკითხოთ...

ბიჭს დევისტოლა, ყოვლისშემძლე კაცად ჰყავდა წარმოდგენილი ეს ოსმანი. და ახლა, როცა დაგვაჯული, ფეხმრუდე და ჟღალწვერა მამაკაცი შერჩა, ცოტა არ იყოს გაუკვირდა. ამ გონჯ კაცს რად სცემენ ასე დიდ პატივსო.

ხემიდმა უხალისოდ გაუწოდა თავისი სათამაშო.

ოსმანმა წაღმა-უკულმა ატრიალა.

— საიშვილბაზო ყოფილა! — თქვა ბოლოს და დილაკს თითი გამოჰკრა. კაცუნები ამოძრავდნენ. ამოძრავდა აღაც. ამ ხნის კაცი ბალღივით აცეტიდა. ისევ გამოჰკრა თითი... ისევ...

— ჩემი ბაღიშები ამბობდნენ, ყედირას გაუკეთებელი არაფერიაო, არ მჯეროდა. სინდისს გეფიცები, არ მჯეროდა. შენ კი თურმე ოქრო ხელები გქონია, ბაჯაღლო ხელები.

და ვიდრე ოსმან-ალა აღტაცებით შეჰყურებდა ხის მოცეკვავე კაცუ-
ნებს, ხემიდს თავისი საფიქრალი გაუჩნდა: გასულ ზამთარს ყველა
აგად იყო. ფეხის გადადგმა უჭირდა. „ეს იმიტომ, რომ მყრალ ყველა
არ მიბანავიაო“, — ამბობდა ყედირა და ზაფხულზე ოცნებობდა. მისი
კი მოწყინდა ზაფხულის ლოდინი. აიღო და თოვლის კაცუნა გააკეთა, პა-
ტარა, სასაცილო კაცუნა. მარტო იყო და იმიტომ გააკეთა, — ერთად ვი-
თამაშებთო. გახალისდა. მთელი დღე თოვლში კოტრიალებდა, მღეროდა,
თოვლის კაცუნას ელაპარაკებოდა. დაღამდა, თოვლის კაცუნას გარეთ
დატოვება დაენანა. თანაც ეშინოდა — ვაითუ კიდევ ითოვოს, კაცუნა ჩა-
ფლას, ანდა ძაღლმა გააფუქოსო. აიღო და სამზადში ამოიტანა. დილით
ყედირამ უთხრა, მოიტა ყველი, ბორანი დავამზადოთ, საუზმობის დროაო.
სწორედ მაშინ გაახსენდა თოვლის კაცუნა. სამზადის კარი გააღო და
გაქვავდა. თოვლის კაცუნა აღარსად ჩანდა. „ნუთუ გაიპარა?!“.

„რას უდგენარ მანდ?“ — გაბრაზდა ყედირა. „აქ თოვლის კაცუნა
მყავდა. გაპარულა“. „თოვლის კაცს სამზადში რა უნდა, — გაიცინა ყე-
დირამ — წყლად იქცეოდა, გაიპარებოდა, განა არ იცოდი?! მაგრამ არა-
ფერია, მე შენ ისეთ კაცუნას გაგიკეთებ, სულ შენთან იქნება, და ძანაც
რომ უნდოდეს, ვერსად გაიპარება“. „მართლა?“ — გაეხარდა ბიჭს. „მარ-
თლა“. — კვერი დაუკრა ბიძამ.

აი ეს გაახსენდა ხემიდს. ოსმან-ალას ხელში ათამაშებულ ხის კაცუ-
ნებს უყურებდა. გული ამოვარდნას ჰქონდა. დაგ-ღუგ, დაგ-ღუგ, გრღე-
მლზე ჩაქუჩს ურტყამდნენ თითქოს.

— საოცარი რამაა, — თქვა ბოლოს ოსმანმა. — ხის კაცუნების
ცეკვა არ გამიგონია მე! აქ კი... ხი, ხი, ხი... რა კარგად მოგიფიქრებია! —
თავი ასწია. თვალებში უცნაური შუქი გაუკრთა. — აი, გაეხარდებათ
ჩემს ბაღიშებს!

ყედირამ მუგუზალი აიღო, ჩიბუხს ცეცხლი გაუკიდა, გააბოლა და
მერე ხმაურით გადააპურჭყა.

— რამდენი მოგცე? — ჰკითხა ოსმან-ალამ.

— რო არ ვყიდი?

— შენ კიდევ გააკეთებ ასეთს. ხეს რა დალევს ჩვენ ტყეში.

— აკი გასაყიდად არ გამიკეთებია-მეთქი, — განზე გაიხედა ყედი-
რამ, — ხემიდს გავუკეთე. მარტოა ბიჭი, გაერთობა.

— ძროხას მოგცემ! — აღტაცებას ვერ ფარავდა ოსმანი.

ყედირამ თავი გააქნია.

— ორ ძროხას გაძლევ!

— რა ვქნა, ოსმან-ალა, დიდი ხათრი მაქვს შენი, მაგრამ მაგ ხეში
ჩემი სული ჩავდე. სული როგორ გავყიდო?

— მაშ, არ გაყიდი? — დაცხრა ოსმანი. — არ გაძალებ, მარა ორი ან

სამი ძროხა ხომ ამოგიყვანდა ამ სლარიბიდან? წვირეში იხრჩობით. — და ისევ გამოჰკრა თითი ღილაკს.

ყეღირამ აცალა, მერე სათამაშო გამოართვა და მუხლებზე დაიდო. — რა იცის შენმა ბაღვმა მაგ სათამაშოს ყადრი, — და დაფარა ოსმანმა. — ჯერ ჩვილია. გაზრდამდე კიდევ გაუკეთებ. — და უცებ ზარივით წკრიალა ხმით მოჰკრა: — ცივღელეს საყანეს გაძლევ და გავათაოთ ლაპარაკი.

ყეღირას წამით წარმოუდგა ცივღელეს ფერდობი. დიდი იყო ცდუნება. ყეღირა რომ შეეყოვნდა, ხემიდს კიდევ უფრო მძლავრად აუძგერდა გული. სიჩუმე ჩამოწვა. ეს სიჩუმე ყეღირას საოცრად შეცვლილმა ხმამ დაარღვია.

— აკი სულს ვერ გავყიდი-მეთქი!

— ერთი შენც და შენი სულიც! — გაბრაზდა ოსმანი. წამოდგა, აიღო თოფი, გაისწორა ყაბალახი და კარს მიაშურა. ძაღლები წკმუტუნით შეხვდნენ.

— მომწყდით აქედან! — დაიყვირა ოსმანმა და ხეობისაკენ გაემართა.

იმ ღამეს ყეღირა ჩვეულებრივზე უფრო გვიან დაწვა. სულ კვნესოდა და ოხრავდა. ბევრს ახველებდა. ეგონა — ბიჰს რახანია სძინავსო. მაგრამ მოტყუვდა. თავი მუთაქაზე დადო თუ არა, ბიჰიც შეინძრა.

— იქნება მიგვეცა, ა?

— შენ კიდევ არ გძინავს? — გაბრაზდა ყეღირა.

— სამაგიეროდ ყანა გვექნებოდა.

— იყუჩე! — ყრუდ წარმოსთქვა ყეღირამ და ხველამ კინალამ დაახრჩო.

იმ ღამეს ბიჰს პირველად დაესიზმრა დედის სახე. დედა მღეროდა. დედა ურწევდა და მღეროდა. ეს იყო ძალზე ძლიერი, გაზაფხულზე ადიდებულ მდინარესავით ხმაურიანი სიმღერა. მაგრამ ყველაზე უფრო ეს სიმღერა ქარის შხუილს გავდა. დედა თითქოს კი არ უმღეროდა, არამედ ყურის ბიბილოებზე სამყურას ხმელ წკირს უსვამდა. სიზმარი გრძელდებოდა. „სად არის ჩემი ნენე?“ „ქარმა წაიყვანა შენი ნენე“, — ეუბნებოდნენ მეზობლები.

...უცებ ბიჰმა ვილაცის ცხელი სუნთქვა იგრძნო. ახლო, სულ ახლო.

— რა დაგემართა? — ჩაესმა სიბნელეში. ყეღირას ხმა იყო. ბიჰმა თვალები გაახილა.

— ნენე დამესიზმრა.

— ეს კარგია, — უთხრა ყეღირამ. — მე კი მხოლოდ ქალები და დათვები მესიზმრება.

ბიჰმა გაიღიმა.

— ძეტი არაფერი დაგესიზმრა?

— კი, ჩვენი კაცუნები.

— ესეც კარგია. — გაეხარდა ყედირას. — მამაშენი კუზიან მთაზე
სხვის საქონელს მწყემსავს. მეც სხვის სამსახურში დავგლახდი. 
ბედნიერი უნდა იყო. აბა! ასეა აი!

ნაცარში გაღვივებული ნაკვერცხალი გავარდა. სიბნელე
ყო.

— რალაც არ მეძინება, — თქვა ყედირამ. — იქნებ ცეცხლი ავანთო, ა?
გარეთ ქარი ბობოქრობდა. ქარის შხუილი დედის სიმღერას გავდა.
ბიჭი გატრუნული უსმენდა ქარის შხუილს.

მოთხრობა მეორე

ხემიდი მაყვლის ბუჩქებთან იდგა — ჩიტებს უსმენდა. გარშემო ტყე
შრიალებდა. ტყე მაღალი იყო. ბიჭის ფეხებთან რუ მიწანწკარებდა. რუს
მყრალი სუნი ასდიოდა და რასაც ეკარებოდა, ყვითლად ან ქანგისფრად
ღებავდა. ბიჭს არ უყვარდა ეს რუ. მოხუცი ყედირა კი, პირიქით —
მთელი საათობით კბოდესთან იჯდა, ფეხები წყალში ჩაეყო და ღიღინებ-
და.

აქედან, ამ ვაკეზურგიან გორაკიდან ერთი ხელის დადება იყო სოფ-
ლამდე. ნიავი სოფლის მიმართულებით გარბოდა. ხემიდი ხეთა წვერო-
კინების შრიალით ხვდებოდა ამას.

ცაში წეროები გამოჩნდნენ. „აღბათ, შორიდან მოფრინავენ, დალლი-
ლნი ჩანან“.

— ეჭეჭეჭე! — დაიძახა ბიჭმა და ნიავეს დაედევნა. სწრაფად გარ-
ბოდა ნიავი. სოფლისაკენ გარბოდა. მაჩიტელას არხევდა, ონიჭოს თელა-
ვდა, მოცხარს ეფერებოდა, ბაბუაწვერა ხომ სულ გადარია! აი რა ცელქი
ნიავი იყო. ხანდახან ბიჭს ეჩვენებოდა — ერთი ნაბიჯი, კიდევ ერთი ნაბი-
ჯი და ნიავეს უკან ჩამოვიტოვებო. და სწორედ მაშინ, როცა ეგონა, ჩა-
მოვიტოვებო, ნიავი სადღაც მის წინ, ხმელ პიწკებში გაიფაჩუნებდა და
ფერღობებს დაუყვებოდა.

კატიბალახას ტევრში დალლამ გაიტხტიხა. დალლის ხმას ბიჭი ათასი
ფრინველის ხმაში გამოარჩევდა. მოხუცმა ყედირამ ასწავლა. ხემიდმა
მოიხედა. ხელმარცხნივ, ხეობაში, მდინარე უხულოდა. მდინარის გაღმა ნა-
პირი ერთიანად მოტიტვლებული ჩანდა. გამოღმა ნაპირი ბუჩქებს დაე-
ფარა. იქ, სადაც ბუჩქნარი თავდებოდა და ლიტაოდ აყრილი კედრები
იდგნენ — ოსმან-ალას ყანები იწყებოდა. იმ წელს, როცა ხემიდს დედა
მოუყვდა და მამასთან ერთად მოხუც ყედირთან გადავიდა საცხოვრებლად,
ოსმან-ალა ქალაქიდან ამოვიდა. მან თქვა: მთას ხედავთ? მთა ჩემია, ძიავე!

ტყეს ზედავთ? ტყეც ჩემია, ძიავ! მდინარის პირზეც მხოლოდ ჩემმა ყანამ უნდა იღუღუნოს... თევზის დაჭერა არავინ გაბედოს... თევზი მდინარესთან ერთად მე მეკუთვნის! — მეზობლებმა გაოცებით დაეხევიან ფეხმარულდე აღას. მისი ნათქვამი ხუმრობა ეგონათ.

— ასეა, მეზობლებო — თქვა ოსმანმა, — ეს ყველაფერი ქალაქში ვიციდე. უფროსობის მუჰრიც იქ მომცეს.

მას შემდეგ ოსმან-აღას ბიჭები იმ კუთხე-არემარეს ბატონ-პატრონი გახდნენ.

ოსმან-აღას შიშით შეშა ვერავის მოეჭრა, დათვზე ვერავინ წასულყო სანადიროდ, ყანა ვერ დაეთესა, ფრინველი ვერ მოეკლა, საქონელი ვერ გაეშვა საძოვარზე...

სოფელმა უვარგის, მიუვალ ადგილას გადაიჩოჩა.

შემოდგომაზე ხემიდმა პირველად გამოიტანა მამისეული თოფი. დახე, როგორ უცებ დავაჟაკდა! თოფი კუნძზე შემოდო (მხარი კინალამ ჩამოსტეხა) და ტყისავენ გაისროლა. ფოთლები დაცხრილა მხოლოდ. ზოგი ფოთოლი მიწაზეც ჩამოცვივდა.

მოხუცმა ყედირამ უთხრა:

— ადრეა შენთვის თოფი. ბაღვის თოფი ჩილიკა ჯოხია.

არ დაუჯერა. ისევ მოიპარა თოფი. ყანის ბოლოს, პაწია ტაფობზე კურდღელი მოჰკლა.

მამა ოსმან-აღას საქონელს მწყემსავდა კუზიან მთაზე.

ყედირა შეშინდა. მაგრამ მერე იხუმრა.

— ეს იცი, ვისი ყანაა?

ოსმან-აღას ყანა იყო.

— ვიცი! — უპასუხა ბიჭმა.

— მაშასადამე, კურდღელიც ყანის პატრონისაა, ნანადირევი გავუგზავნოთ.

ბიჭმა თვალეები მოჰუტა და ბერიკაცს გაუღიმა.

— გავუგზავნოთ, — თქვა ბიჭმა, — ოღონდ, როცა მეორეს მოვკლავ, მაშინ...

„დიდი იშკილბაზი ვინმე იზრდება ეს ხემიდი!“ დასკვნა ყედირამ. მარჯვენა თვალი დიდთოვლობას დათვმა ამოთხარა, მარცხენა კი ყედირას გულივით დაბერებულყო და ძლივს ხედავდა მზეს. „რა უნდა დაინახოს კაცმა ლიბრგადაკრული თვალით?!“ ყედირას დაჯორკნილი სახლი ედგა, თითქმის სანახევროდ მიწაში ჩაფლული. ერთადერთი სარკმლიდან ხეობა ჩანდა. იქ, გაღმა გორაზე, უზარმაზარი სახლი იდგა — გოროზი, ლამაზი, მაღალი წაბლებით შემოკავებული. მზეს ფართო აივანი უყვარდა. ყედირას სარკმელში კი ეზარებოდა შეხედვა — ვერ ეტეოდა და იმიტომ.

იმ დღეს ხემიდი ყედირასთან ერთად ბრუნდებოდა რუდან.

სოფლისა და ტყის საზღვარზე ოსმან-ალა იდგა. ზურგი მხისკენ მიეშვირა. ჯოხი დაებიჯა, თოვლივით თეთრი ყაბალახი უცნაურად დაეკოსა და ილიმებოდა.

— ჰეი, ყედირ, სად იპოვე ეგ ბელი? — ილიმებოდა ოსმანი.

— მამუღასია, ჩემი ძმისა, — ხმა იცნო ყედირამ.

— ჩემი მწყემსის? — სახე გაუნათდა აღას.

სიტყვა „ჩემი“ არ მოეწონა ხემიდს.

— აჰა, შენ, ბაქლავა, გამომართვი! — თქვა ოსმანმა და ვეებერთელა ჯიბიდან ნამცხვარი ამოიღო. — ცოდვა ხარ, სიტკბო გაკლია, ალბათ.

ბიჭმა შორს დაიჭირა თავი.

— გამომართვი! — უთხრა ყედირამ.

— არ მინდა, — ხმა ამოიღო ხემიდმა, — რომ გამოვართვა, მერე იტყვის, მომპარაო.

— გაუზრდელი ბელი ყოლია ჩემს მწყემსს! — შეიდრინა აღამ. აღმართს შეჰყვა. სასაცილო ფეხები ჰქონდა. მოკლე, დაგრეხილი.

სწორედ ამ მოკლე, დაგრეხილი ფეხებით იყო იგი ქალაქში.

მეორედ იყო.

სოფლებებმა იფიქრეს — თუ წინა ჩასვლაზე ეს კუთხე-კუნჭული იყიდა, ახლა გოდერძის უღელტეხილამდე მიუწვდება ხელიო.

მაგრამ ოსმან-ალა მოტეხილი, ნაავადმყოფარი დაბრუნდა ქალაქიდან.

— წახტა ქვეყანა, — თქვა, — ღარიბები მდიდრებს ეომებიან. ხალხი აირია. უფროს-უმცროსობა დაიკარგა.

— კარგი ომი ყოფილა, — დაასკვნა ყედირამ, — მაგრამ უფრო უკეთესი იქნება, აქამდეც თუ მოაღწევს.

— ვერ მოაღწევს, — ცივად მოჰრა აღამ. — გზები არა გვაქვს, ბილიკები არა გვაქვს, თანაც სადაცაა დათოვს კიდეც. შეეზარება.

ცალი ყური მაინც ეჭირა ქვევითკენ.

მთის კორტოხზე ცხოვრობდა. მაღლიდან უყურებდა ქვეყანას. არაფერი გამომეპარებო.

მაგრამ ომი სულ სხვა მხრიდან მოვიდა.

ამან სულ გააცოფა აღა.

დილით, როცა ხემიდი კაკანათის დასაგებად ჩავიდა ხევში, დიდი თოვლი დატკეპნილი დახვდა.

მთელი სოფელი ერთად რომ შეყრილიყო და ხეობაში გაეველო, ამდენ ნაკვალევს მაინც ვერ დაამჩნევდა. აი, რამ გააკვირვა ბიჭი.

მოხუცი ყედირა ყველას უყვარდა. მთაზე წავიდოდა — მთა იყო მისი მეგობარი. ტყეში წავიდოდა — ტყე იყო მისი მეგობარი. მდინარესთან მივიდოდა — მდინარე მხოლოდ ყედირასთვის გასაგებ ენაზე იწყებდა შხუილს. ყედირა ჩიტებსაც უყვარდათ. თოვლში მხოლოდ მისი სახ-

ლის პარმალზე პოულობდნენ საკენკს. დაიწკაპებოდნენ ნალოამი და დილიდან მოყოლებული, გვიან ღამემდე ხალისიანად ქავექავებდნენ. იმ დღეს, როცა ბიჭი ხეობიდან დაბრუნდა, ჩიტები აღუქავეს ქაენ-დნენ.

პარმალზე ყედირა იდგა.

— სტუმრები გვეწვიენ, — თქვა მან. — მამაშენი კი კუზიან მთაზე იზამთრებს. ოსმან-ალას საქონელს უვლის, ტფუ!

ბიკს გაუკვირდა — მათ პატარა სახლში ტევა არ იყო. ტევა არ იყო სახლის გვერდით საბძელში. უცხო ადამიანები ისხდნენ ცეცხლთან. შემწვარი ცხვარი პატარ-პატარა ნაჭრებად დაეჭრათ და მადიანად შეექცეოდნენ.

— შენია? — ჰკითხეს ყედირს, როცა ხემიდი დაინახეს.

— ჩემი ძმისაა.

— ძმა სადღაა?

— შორსაა აქედან. საქონელს უვლის.

— კარგად ცხოვრობთ, — თქვა ჯმუხა მამაკაცმა, რომელსაც ყინულისფერი თვალები ჰქონდა. — ეტყობა, ბევრი საქონელი გყოლიათ.

— ჰე, — ამოისროლა ყედირამ, — სხვის საქონელს უვლის.

— კარგი ბიჭი ჩანს. — თქვა ჯმუხამ. — მეცა მყავს ამოდენა ბიჭი.

მის გვერდით მჯდომი ჭალარა მამაკაცი ცეცხლს მიეფიცხა.

— შორს არიან ჩემები, ძალიან შორს.

— მაინც? — დაეკითხა ყედირა.

— ამ მთებს იქით მინდვრებია, მერე მთებია, მერე...

— შორს ყოფილა, — დაეთანხმა ყედირა.

— თქვენთან ბევრი ფრინველია, ნადირობთ? — დაინტერესდა ფაფახიანი ჭაბუკი.

— იცოცხლე, ბევრია, — თქვა ყედირამ, — მაგრამ ვინ განადირებს. ფრინველი ოსმან-ალასია.

— ნადირი?

— ნადირიც.

უცხო ადამიანებმა გაიცინეს.

— რა გაცინებთ? — იკითხა ყედირამ.

— ისე, — თქვეს სტუმრებმა.

ხემიდს მოეწონა მათი სიცილი.

— რა გქვია? — ჰკითხა ხემიდს ჯმუხა მამაკაცმა.

უთხრა.

— შენა?

— ქრისტეფორე. დუდკა.

— უცნაური სახელი გქონია.

მამაკაცმა ისევ გაიღიმა.



ბიჭს მისი ვარსკვლავი მოეწონა.

— გაიზრდები, შენც გექნება ასეთი ვარსკვლავი.

ბიჭს გაეხარდა. ცოტა ხნის შემდეგ უცნაურსახელიანი გვერდით იჯდა. სტუმრები მღეროდნენ. ბიჭმა ყურები დაიცო.

— რატომ შევები ამას? — ჰკითხა ღუღკამ.

— ძალზე ხმამაღლა მღერით, — თქვა ბიჭმა, — სიმღერა ჩუმად უნდა, ძალზე ჩუმად, შენთვის...

სტუმრებმა ისევ გაიცინეს. მერე რამდენი არ ეცადნენ ხმადაბლა ემღერათ, არაფერი გამოუვიდათ.

— გადაეჩვივნენ სიმღერას, — თქვა უცნაურსახელიანმა, — სულ ომობენ და ომობენ.

— ხელები მექაეება, — გამოეხმიანა ჭალარა მამაკაცი, — ირგვლივ ამოდენა ხეებია. ხელები საქმეს მთხოვენ... სახლს ავაშენებდი...

— რას იზამ, — თქვა ღუღკამ, — ომია.

ღილით ხემიდი ნაჯახის ხმამ გააღვიძა.

ჰუპ! ჰუპ! — მღეროდა ნაჯახი.

ხემიდმა მძიმე კარი გამოაღო და გაიჭვრიტა.

ოსმან-ალას ხეები მიწაზე იწვნენ.

— რატომ მოსჭურეს? — იკითხა ბიჭმა.

— სახლი უნდა აგვიშენონ, — თქვა ყედირამ, — მაღალ სახლში უნდა იცხოვროთო, მზე უნდა დაიამხანაგოთო.

— ოსმან-ალას რომ ეწყინოს?

— რას ამბობს? — იკითხა ჭალარა მამაკაცმა. მას ნაჯახი ეჭირა.

ყედირამ გაიცინა.

ჭალარა მამაკაცმა გაიცინა.

გაიცინა ქრისტიფორემაც.

— რა გაცილებთ? — იკითხა ხემიდმა.

— ისე, ვიცინით. — თქვეს სტუმრებმა.

ყედირამ ჩიბუხი გააბოლა.

— უცხო ადამიანები მოვიდნენ — სითბო ამოიტანეს. თითქოს ჩემი შვილები არიან. ამ უშვილო კაცს ახლა ასი შვილი ჰყავს. აბა! უფრო მეტი — ორასი შვილი.

ოსმან-ალა ერთი თვის შემდეგ გამოჩნდა სოფელში. მან უკვე იცოდა: ჯარისკაცებმა სახლი აუშენეს მოხუც ყედირას.

— ქალაქურად ცხოვრობ. — თქვა მან, როცა ყედირას თეთრი სახლი ნახა. — ჩემსავით ცხოვრობ. ბევრი ფანჯრები გქონია. — სახლში შეიხედა. — დახე, მაგიდაც გქონია. გრძელი სკამიც. სკამზე ჯდომა თუ იცი, ყედირა?

მოხუცმა არაფერი უპასუხა.

— ჩემი ტყე გაგიჩანაგებია, — განაგრძო ოსმანმა, — ცოდვა დაგა-
დგია.

მოვიდნენ მეზობლები. შეხედეს თეთრ სახლს — სახლში ზინთისკენ იდგა, სასიამო, დამატორობელი. შეაღეს ფართო კარი, მაინც მარჯვნივ — დაბალჭერიან სახლებს იყვნენ ნაჩვევი. დასხდნენ გრძელ სკამზე, ხე-
ლები მაგიდაზე დააწყვეს და ერთმანეთს გაუღიძვეს.

— წახტა ქვეყანა, — შეიღრინა აღამ. — ფეხბურღლა ყედირა მალალ
სახლში ცხოვრობს. მზის დაარხატაშებას აპირებს...

იმ გაზაფხულზე მამა აღამ წასულა მთაში.

— გვეყოფა, რაც შენი საქონელი ვმწყემსეთ, — უთხრა მამამ აღას.
— აწი საკუთარ თავს უნდა მივხედოთ.

— შიმშილით მოკვდები.

— არ მოკვდები. ყანას დავთესავ.

— გაბედე და მდინარისპირს წააწენწე ხელი!

— შენ შეგეკითხები სწორედ!

— ხეების მოჭრა შეგჩჩეს. დაგავიწყდა, რომ ჩემი ხეებით აიშენეთ
სახლი?!

— არაფერი არაა აქ შენი! — თქვა მამამ. — ყალბია შენი მუჭრი.

იმ დამეს ყედირას თეთრ სახლს ცეცხლი გაუჩნდა. საშინლად ტაკატუ-
ნებდა ცეცხლი. ჯერ ერთი კედელი ჩამოინგრა, მერე — მეორე.

მთელი სოფელი მოგროვდა. იმოდენა ხანძარი იყო, ხეობამდე ყველა-
ფერი ჩანდა. ყედირა ფეხშიშველა იდგა. ხემიდისთვის ჩაეველო ხელი და
ერთიანად კანკალებდა.

— ყველაფერი დაიწვა, — თქვა ყედირამ.

ბიჭს მხოლოდ ახლა გაახსენდა თავისი სასაცილო, მოცეკვავე კაცუნე-
ბი. ატირდა.

— რა გატირებს? — ჰკითხა მამამ.

ბიჭი უარესად აღრიოლდა.

— რა გატირებს? — ბიჭი ათრთოლებულ მკერდზე მიიკრა ყედირამ.

— ჩემი კაცუნები... — ძლივს ამოღონღლა ბიჭმა. ყედირას ბოღმა ახ-
რჩობდა.

— ვიცო, ვინც იზამდა ამას. — თქვა მამამ.

— ჩვენც ვიცით, — თქვეს სოფლელებმა.
თოფებითა და კეტებით დაიძრნენ ოსმან-აღას სახლისაკენ. აღას სახ-
ლში არავინ იყო. შვილებიანად გაქცეულიყო აღამ.

ერთ კვირას ეძებდნენ, მეორე კვირას ეძებდნენ, მერმე მამამ თქვა:

— არა უშავს, უკეთეს სახლს ავაშენებთ!

ერთმანეთის მიყოლებით წაიქცნენ მალალი ხეები.

— ჰუბ! ჰუბ! — ხმაურობდა ნაჯახი.

ხემიდი მღეროდა. თავისთვის მღეროდა. უხმოდ მღეროდა. მისი სიმღერა დაახლოებით ასეთი იყო: „მე რომ არწივი ვიყო, ლამაზი, გულზე ვიქნებოდი არწივი, დაგეწოდი და თვალს ამოგკორტნიდი, ოსმან-ალა! მე ვიყავი ელვა ვიყო, ძლიერი ელვა, მოგძებნიდი და ერთიანად დაგბუგავდეს, ოსმან-ალა! დრო მიდის, მიდის... მე გავიზრდები... ჰე, რა სწრაფად გავიზრდები... ჩავიცვამ ტყავის ქულაჯას, დავიბნევ ვარსკვლავს და როცა უცნაურსახელიანი კაცივით ძლიერი ვიქნები — მე უსათუოდ დავეჭიდები შენს ბიჭებს, ოსმან-ალა! ტყეში გიპოვი, ტყეში მოგგუდავ, სახლში შემასწრებ, სახლიანად ამოგწვავ... თუმცა, სახლი, ვისიც არ უნდა იყოს, მაინც ცოდოა“...

მოთხრობა მისამი

შვიდი წლის შემდეგ სოფელში გეოლოგები ამოვიდნენ.

— რას ეძებთ? — ჰკითხა მათ ყედირამ.

— მადანს.

— მადანი რაღა ბედენაა? — გაუკვირდა მასპინძელს.

— ოქროა, ვერცხლია, ტყვიანა... ერთი სიტყვით, მიწის სიმდიდრეა.

— ოქროს და ვერცხლს რა უნდა ჩვენს მიწაზე! — გაუკვირდა ყედირას. — რაც სიმდიდრე გვქონდა, ოსმან-ალამ წაიღო თან.

გეოლოგებმა გაიცინეს.

მათ შორის ერთი ქალი ერია. ძალიან ახალგაზრდა ქალი იყო. მოკლედ შეკრეჭილი თმა უხდებოდა. მასაც სხვებივით ზურგჩანთა ჰქონდა გადაკიდებული.

— საოცარია, — ერთადერთი თვალი კიდევ უფრო დაძაბა ბერიკაცმა, — სწორედ ასეთ ქალებს ვხედავდი სიზმრებში.

გეოლოგებმა ერთმანეთს გადახედეს.

— ჩვენ კი გვეგონა, უჩადროდ რომ არის, ამან გააოცაო, უჩადრო ქალი აქ ყველას უკვირს.

— ქალს რად უნდა ჩადრი, — იშოვა სალაპარაკო ყედირამ, — ლამაზი ქალისთვის ჩადრი იგივეა, რაც ჩემი თვალისთვის — ლიბრი. ქალი პირნათელი უნდა იყოს, მზეს უღიმოდეს, ქვეყანას უღიმოდეს...

გეოლოგებს ყბედი ეგონათ გზად შეხვედრილი ბერიკაცი, აჩქარდნენ.

— სოფლსაბჭოს თავმჯდომარეს ვეძებთ, იქნებ გვასწავლოთ მისი სახლი.

— ასე გეთქვათ თავიდან, — კიდევ უფრო გახალისდა ყედირა, — ჩემს ძმას ეძებთ თურმე. ჩემი ძმა აი, ამ ლამაზ სახლში ცხოვრობს, წამოდით.

— თქვენ სადღა ცხოვრობთ? — ჰკითხა ახალგაზრდა ქალმა.

— მეც იქვე ვცხოვრობ, — გაიღიმა ყედირამ.

მაგრამ სოფლსაბჭოს თავმჯდომარე შინ არ აღმოჩნდა.

— აკი შინ არისო, — ეწყინათ გეოლოგებს.

— მოვა, — თქვა ყედირამ. — მანამდე კი რძე დალიეთ, თავლი მი-
რთვით, ბეთმეზი ივემეთ. თუ გეამებათ, ხმელ წაბლსაც გამოგიტანთ.
სტუმრებმა ისევ გადახედეს ერთმანეთს და დარჩნენ.

ყედირას ჯარისკაცები გაახსენდა. ჯარისკაცების წასვლის შემდეგ სტუ-
მარი არ ჰყოლია. ბერკაცს კი სტუმრები უყვარს. ჰეი, როგორ უყვარს!
სტუმრებმა ყოველთვის ათასნაირი ამბების მოყოლა იციან. მაგრამ ყედი-
რასთვის ყველაზე მთავარი მაინც ქალაქია. შორეული, ლურჯი ზღვით
გარშემორტყმული ქალაქი. ამ ქალაქში გემები მოდიან. მოსიარულე
სახლები მოდიან. ეს სახლები თურმე ერთმანეთზე ყოფილან გადაბმულნი
და მთავარ, წინ მიმავალ სახლს ემორჩილებიან. გაჩერდება მთავარი სახ-
ლი, აღარ უნდა მეტი წასვლა, დანარჩენებიც დადგებიან, ძვრასაც ვერ
იზამენ უმისოდ. ასე ყოფილა აი. უფროს-უმცროსობა ცოდნით თურმე.
აბაა!

შეღამებულზე ხემიდი გამოჩნდა.

სტუმრებმა გოცებით გადახედეს ერთმანეთს.

— ესაა თავმჯდომარე? — ჰკითხეს ყედირას.

— ეს მომავალი თავმჯდომარეა. — თქვა ყედირამ. — ცხოვრება შე-
იცვალა, წინათ ოსმან-ალას შიშით ჩიტი ვერ გადაუფრენდა მის სახლს,
ახლა კი ჩვენი ბაღვები მის ეზოში ჩილიკა ჯოხს თამაშობენ. მის სახლში
წიგნებს სწავლობენ.

ყედირამ თითქმის მთელი საკუჭნაო გამოალაგა.

— მიირთვით, — ამბობდა იგი, — მიირთვით. მართალია, ღარიბად
ვცხოვრობთ, მაგრამ გული თბილი გვაქვს. სტუმრები გვიყვარს!

— ამას ჩვენც ხედავთ, — უხაროდათ სტუმრებს.

— ძალიან ცოტას სჭამთ, — საყვედურობდა ყედირა, — ნეტა შემეძ-
ლოს, ჩემს მადას გათხოვებდით. ჩიტებივით იკენკებით. ჭამა მადიანი უნდა.
ხემიდს შეხედეთ, ერთ იჯრაზე ხარს მოათავეებს, აბაა!

სტუმრები იცინოდნენ. იცინოდა ხემიდი. არ იცინოდა ყედირა —
სევდა შემოაწვა. თავისი ახალგაზრდობა გაახსენდა.

სახლის გარშემო ხეები შრიალეზდნენ.

— ამ მიწაზე წინათ ვენახი ხარობდა. — ამბობს გრძელცხვირა ჭაბუ-
კი და ხეების შრიალს უსმენს. — სანაქებო ღვინო დგებოდა თურმე.

— რა უნდოდა ჩვენს მიწაზე ვენახს? — უკვირს ყედირას. — ჩვენს
მიწაზე ვენახი ვერ იხარებს.

— ხარობდა და იხარებს კიდევ, — ამბობს გრძელცხვირა. —



— ჩვენ! — ამბობენ სტუმრები.

ყელირა თავის ძმისშვილს უყურებს. მორცხვად ზის ხემილი, კუთხეში ზის, თავისთვის, გულისყური კი სტუმრებისკენ აქვს, სიტყვა რომელიმე გამოეპარება...

— აი, ასეთ ხელობას რომ ისწავლიდე! — ოცნებით ამბობს ყელირა.

— ისწავლის. — ამბობენ სტუმრები, შეიძლება უკეთესი ხელობაც ისწავლოს. ჯერ კიდევ ბავშვია. მთავარია, წიგნი უყვარდეს...

— იცოცხლე, უყვარს... — უხარია ყელირას და უცებ სტუმრებს მიმართავს, — სიტყვა უნდა გითხრათ, სტუმრებო... რა ვიცი, ალბათ, ყბედი გგონივართ, სარაკუნა მოშვებული გგონივართ. მაგრამ ასე იმიტომ გავიკრიფე ენად, ხალხს იშვიათად ვხედავ. ტყეს, მიწას და მდინარეს ველაბარაკები ხოლმე. ისინი მისმენენ. ჰოდა, ახლა მინდა თქვენც მომისმინოთ. ხანდახან, როცა ჩვენს ცხოვრებას მოუხედავ უკან, რატომღაც ჩვენი პატარა მდინარე გამახსენდება... გესმით მისი შხუილი? (სტუმრები სმენად იქცნენ). ხმაურობს! მე მესმის მისი ენა. ეს იმიტომ რომ ჩემი მდინარე ჩემისთანა კაცის ცხოვრებასა გავს. ჯერ კლდე მოუნდომა გასრესა, მერე ბორცვებმა შუაში მოიქციეს და კინალამ წელში გაწყვიტეს. ძაინც მოდიოდა. უჭირდა. მაინც მოედინებოდა. ხვატი დახვდა, ხვატს გაუძლო. მთა დააწვა, — მთასაც გაუძლო და გამოაღწია. აი, როგორი მდინარეა! ამ მიწის შვილია. და იცით, რატომ ხმაურობს ასე? იმიტომ, რომ, როგორც იქნა, ყველა სიძნელე ჩამოიტოვა და შვეებით ამოილუნთვა. აბა! ასეა აი!

უსმინეს სტუმრებმა. მოეწონათ მოხუცი. შეუყვარდათ. თავისი ალალი გულისთვის შეუყვარდათ, უთხრეს:

— ჩვენ კიდევ მოვალთ, ძია ყელირ, ჩვენ აქ ბევრი საქმე გვაქვს მოსავარებელი.

ნაღვლიანად გაიღიმა ყელირამ.

— სტუმრებმა დაპირება იცით მართო... ხმელა სიტყვა კი არ მიყვარს.

— მოვალთ, — თქვეს ახალგაზრდებმა.

— არ მოხვალთ. — თავი გააქნია ყელირამ. — გზები ჩვენ არა გვაქვს. შეგეზარებათ.

მაგრამ მეორე გაზაფხულზე ერთიანად აქლოშინებულმა ხემილმა ფართოდ გააღო კარები და დაიყვირა:

— ყელირ ბიძა! შენი სტუმრები ამოვიდნენ!

„როგორ დაბოხებია ხმა,“ — გაიფიქრა ყელირამ და ძლივს წამოსწია ტახტიდან წელი.

— ამბობ, სტუმრები ამოვიდნენო?

— აბა! შენ გიკითხეს.

ყედირას ეამა. ახლა უფრო სწრაფად დაიწყო ჩაცმა.
— მერე სად არიან?
— ხეობაში. რაღაცას ზომავენ. ასე თქვეს, ძია ყედირას
გავუყვანოთო.

— მართლა ასე თქვეს?
— ასე თქვეს, ასე! — ძლივს ითქვამდა სულს ბიჭი — მთელი სო-
ფელი მათთანაა.

— მე რაღას ვუციდი აქ? — გაიკვირვა ყედირამ. მიხვდა, მუხლებში
აღარ ჰქონდა ადრინდელი ძალა. გული კი, გული ისევ მაგარი ჰქონდა. ამა-
ყი, უტეხი. ამას რომ მიხვდა, ერთადერთ თვალიდან კურცხალი გადმოუგო-
რდა. ხემიდი ამ დროს თავდაღმართში გარბოდა. კარგი კიდეც, რომ
ბაღეს არ დაუნახავს, — გაიფიქრა ყედირამ და დიდი, კოჟრიანი ხელით
ცრემლი მოიწმინდა.

მოთხრობა მეოთხე

ახლა, როცა ყედირას ამდენი მეგობარი და მოყვარე გაუჩნდა, უკვე
აღარ სცალია მკითხველისათვის. ჩვენც ნუ შევაწუხებთ. იჯდეს თავის შუქ-
თბილ კერასთან, გაართოს სტუმრები ტყუილ-მართალით. ყედირა ხომ მთე-
ლი სიცოცხლე დუმდა! ჰოდა, ვიდრე იგი მთის ამბავს ყვება, მდინარისა და
დიდთოვლობას დაკოდელი დათვის ამბავს ყვება, ჩვენ ხემიდს გავყვით.
მით უმეტეს, ეს წუთია იგი ონტოროთის ტყისაკენ მიმავალ ბილიკს და-
ადგა და კუზიან მთისკენ აიღო გეზი. კუზიან მთაზე კი სოფელში ახალ-
შექმნილი არტელის საქონელია დაბინავებული. უდარდელად მიაბიჯებს.
ან არა და, რა აქვს შესაშფოთებელი? მუხლი მაგარი აქვს, მკლავი ძლი-
ერი, თვალი უტყუარი, ხოლო თუ ნადირი გამოუხტა... ნადირისთვის ხე-
მიდს ახალთახალი თოფი აქვს გახაზირებული.

...მთელი დღე მიაბიჯებდა ხემიდი. მხრებში მოხრილი მიაბიჯებდა,
ფეხს მძიმედ ადგამდა. უჭირდა აღმართი. ღამემ საყორნიას მთასთან მო-
უსწრო. ვიდრე მიაბიჯებდა, ვერ გრძნობდა სივრილეს, მაგრამ დასაძინე-
ბელი ადგილი შეარჩია თუ არა, მაშინვე იგრძნო ბორიოს სუსხი. ტყიდან
მოშორებით, კლდის მოფარებით დაანთო ცეცხლი. ხმელი პიწკები შეაგ-
როვა, ხის გამხმარ კუნძუზე მიდო თავი, და როცა ბორიო ჩადგა, დაიძინა.

დილით ისევ ბორიომ გააღვიძა. წამოდგა. წყაროზე დაიბანა პირი,
უსმინა ჩიტების ჭიკჭიკს, მზის ამოსვლას უყურა, წყაროს ზედაპირზე მო-
სრიალე დანა-დანას უყურა, და როცა წასვლა დააპირა — ადამიანის
ნაფეხურებს მოჰკრა თვალი. ახალი ნაფეხურები იყო. ხემიდი დაუკვირდა
— ადამიანი ტყიდან მოვიდა და ისევ ტყისაკენ გაბრუნდა. „დადლილი,

დასუსტებული კაცის ნაკვალევია, — დაასკვნა ხემიდმა. — ხშირად ის ვენებდა“.



ნაკვალევს გაჰყვა. „ნეტა ვინ უნდა იყოს? იქნებ ისიც კუზიან მთისაკენ მიდის? იქ ხომ სხვა სოფლიდანაც ჰყავთ საქონელი?!“.

ხემიდი სწრაფად მიაბიჯებდა. მზე საშუაღლეოზე იდგა, როცა ბერიკაცი დაინახა. ბერიკაცი ხის ქვეშ იწვა. სახე ყაბალახით დაეფარა. ხემიდს შეეშინდა. იქნებ მკვდარია? ფრთხილად მიუახლოვდა, მიაყურადა — ბერიკაცს თავქვეშ თოფი ჰქონდა შემოდებული და მშვიდად ფშვინავდა. ხემიდს მისი გარღვიება დაენანა, დაღლილი ჩანს, ეძინოსო. და კოცონი დაანთო, მდინარეში დაჭერილი კალმახები დაფატრა, გამოწელა და ჯოხზე ააცვა.

თევზი აშიშხინდა თუ არა, ბერიკაცმაც გაიღვიძა, წამოვარდა, თოფი მოიმარჯვა.

— სალამი ეფენდი! — უთხრა ხემიდმა. — კარგია, რომ გაიღვიძეთ, ერთად ვისაუზმებთ.

— სადაური ხარ? — ჰკითხა ბერიკაცმა, ისე რომ თოფი არ დაუშვია.

— სადაური ვიქნები, — თქვა ხემიდმა და ცეცხლზე შეწიწკინებულ კალმახები თხმელის ფოთლებზე დააწყო. — აქაური ვარ. მდინარის გაღმელო.

— მდინარის გაღმელთან სადილად არ დავჯდები. ყველა მდინარის გაღმელი მეზოზღება, — თქვა ბერიკაცმა. — წადი აქედან!

— ნება თქვენია, — გოაცება ძლივს დაფარა ხემიდმა. — ჭალარა ბრძანდებით. მე კი თქვენს ჭალარას ვცემ პატივს. ცუდს როგორ გაკადრებ! მაგრამ რატომ უნდა წავიდე? ეს ცეცხლი მე დავანთე. საუზმეც მოვიმზადე. თქვენი ნათქვამი კი არ გამიგონია.

— კარგი, აბა, იჯექი. ჯერჯერობით არ მიშლი ხელს. მაგრამ იცოდე, — სხვის მიწაზე ზიხარ.

— როგორ, ეფენდი?

— ჩემს მიწაზე ზიხარ. ჩემს მიწას ტკეპნი. ეს ჩემი მდინარის თევზია. ოსმან-ალა გაგიგონია?

— ეს რომელი? — ძლივს გაიხსენა ხემიდმა. ხუმრობაა, თორმეტი წელი გავიდა მას შემდეგ! — სოფელი რომ გადაწვა? არა, არ გამიგონია.

— არ გამიგონიაო, და სოფლის გადაწვა კი გაიხსენე! — უცნაურად დაიჰყანა ბერიკაცი.

— ვთქვათ, რომ გამიგონია, მერე? — თევზს კუდი მოატეხა ხემიდმა.

— არაფერი. — თქვა ბერიკაცმა. — ეს მისი მიწაა.

— უყურე შენ! — ახლა მეორე თევზს წაეტანა ხემიდი.

— დასცინი კიდევ, — თქვა ბერიკაცმა, — მე კი მეგონა, მართლა იცოდე ჭალარის პატივისცემა.

— თქვენ თვითონ სადაური ბრძანდებით, ევენდი. — საუბრის განა-
ლება სცადა ჭაბუკმა.

— შორიდან მოვედი. ძალიან შორიდან. თევაზი რომ თევაზის მსოფლიოს
ლის მოახლოებას რომ იგრძნობს, ისიც თავის მდინარეს მიაშურებს.
ყველას თავის მამულ-დედულში უნდა სიკვდილი. დავილაღე. დიდი ხანია
მოვდივარ.

ხემიდმა თავი ასწია.

ბერიკაცი ხის გამოშვერილ ფესვზე დამჯდარიყო და თოფი მუხლებზე
დაედო.

— გამოდის, რომ სასიკვდილოდ ემზადებით!

— ასეა. — კვერი დაუკრა ბერიკაცმა. — დიდი დღე აღარ დამრჩე-
ნია. ეს ადგილები ჩემია, აქ ვაპირებ სიკვდილს.

— ეპა! — ხმაურით გააწყლაპუნა ენა ხემიდმა. — რა დროს სიკვდი-
ლია. ბიძაჩემი თქვენზე ჯაბანია. ოთხმოცდარვა წლის გახდა ამ გაზაფხუ-
ლზე. კიდევ ოთხმოცი უნდა ვიცხოვროო, ამბობს.

— რა ჰქვია ბიძაშენს?

— ყედირა.

— ვიცნობ ბიძაშენს. იცხოვროს, თუნდაც კიდევ ასი წელი, რა მენაღ-
ვლება?! მე კი სიცოცხლე მომბეზრდა. სხვის მიწაზე წაწალი მომბეზრ-
და. მიტომაც მოვედი.

ბიჭმა გაიღიმა.

— ჩვენს ადგილებში სიკვდილი ძნელია, — თქვა მან, — ჩვენთან პი-
რიქითაა — სიცოცხლის გასახანგრძლივებლად მოდიან, მთავრობამაც ასე
დაადგინა, ონტოროთის ტყე და მისი მიდამოები სიცოცხლეს ახანგრძლი-
ვებსო. სანატორიუმები ავაშენეთ.

— ჩემთვის არა, — თვალები უცნაურად დაკუსა ბერიკაცმა, — მე
მტერი ვარ თქვენი, შენი მტერი ვარ.

— ჩემი? — გაიკვირვა ხემიდმა და ჩაფიქრდა. — რატომ უნდა იყოთ
ჩემი მტერი?

— შორი ამბავია. მე კი ლაპარაკი მეზარება.

ხემიდს ბერიკაცის ნათქვამი ენიშნა. გონების კუნჭულში რაღაც შე-
ინძრა, შეიშმუნა, შეშფოთდა.

— თუ არ გეწყინებათ, თქვენი სახელი მითხარით, ევენდი, — თქვა
ხემიდმა.

— მე თვითონაც არ ვიცი, რა მქვია, — უღალ წვერზე ხელი ჩამოისვა
ბერიკაცმა. — მქონდა სახელი, მარა დამავიწყდა. ნუ გეშინია, მართლა
მტერი როდი ვარ! მეც შენსავით მდინარის გაღმა დავიბადე. წინათ ვერა-
ვის ვიტანდი. ამ ადგილების დანახვა მეზარებოდა. ადამიანების დანახვა
მეზარებოდა, ახლა კი გულმა აქეთ გამომიწია, კვედები, ალბათ. სიკვდი-



ლი მეძახის, ალბათ. შორიდან მოვედი-მეთქი. ჩემს საკუთარ მიწაზე დაე-
ბრუნდი. შენ თევზზე დამეპატიჟეო, მეუბნები. სინამდვილეში კარგადაა
უნდა იყოს. ეს მე უნდა გეპატიჟებოდე, რადგან თევზი ჩემს მდინარეშია
დაჭერილი, შენც ჩემი ტყის კუნძზე ზიხარ, კოცონიც ჩემს მიწაზე და-
გინთია... ჰიიჰ! ჩემს მიწაზე ქურდივით დავდივარ.

ხემიდმა უყურა, უსმინა და დაასკვნა: უცნაური ბებერია. ხელები
ძლიერი აქვს, სახეც მკაცრი და დაკუნთული, სული კი გამოფშუკურებუ-
ლი ექნება, ჩვენს ბოსელთან რომ წიფლის ხეა, ისე.

— ვერ გადამიწყვეტია, — თქვა ბერიკაცმა, — გული ორად გამეყო.
ახალმა მთავრობამ სოფელი შესცვალა. გუშინ მთიდან ვუყურებდი სო-
ფელს. ფეხბურდლა ისმაილას ბაღვები წიგნებით მოდიოდნენ! რათ უნდა
ფეხბურდლა ისმაილას ბაღვებს წიგნი? მაგათი საქმე სამწყესური და მო-
ჯამაგირეობაა.

ხემიდმა არაფერი უთხრა. მან იცნო ბერიკაცი: ოსმან-ალა!

ხანძარი გაახსენდა ხემიდს. თორმეტი წლის წინანდელი ხანძარი. და-
ნახშირებული ხის მოცეკვავე კაცუნები გაახსენდა. მთელი სხეული უთრ-
თოდა. თორმეტი წლის წინანდელი სიმღერა მოიგონა ხემიდმა, ჩუმი,
მრისხანებით სავსე სიმღერა.

ახლა? თითონაც ვერ მიხვდა, რად იჯდა ასე მშვიდად. აკი თქვა, შენი
მტერი ვარო... ჰა! პირდაპირი ყოფილა. უშიშარი ყოფილა. ამ მიწაზე უნ-
და მოვკვდეო. ჰა! იქნებ... და ცერად გადმოხედა ბერიკაცს.

— კარგი, — თქვა ბერიკაცმა, — დავჯდები შენს გვერდით. რაც არ
უნდა იყოს, ერთი მიწის შვილები ვართ. კალმახსაც შეეკვამ, ნომ ჩემს
მდინარეში დაიჭირე?

ხემიდს უკვირდა, რატომ იჯდა ასე მშვიდად.

გულს მიაყურა. გულიც საოცრად მშვიდად ფეთქავდა.

თუ ოსმან-ალა არაა? — დაეჭვდა უცებ.

— წელან კინლამ მოგკალი, — უთხრა ბერიკაცმა, — წამიც და
ტყვიას დაგარკობდი. ცეცხლს ფიჩხი რომ შეუკეთე, მაშინ მინდოდა შე-
ნი მოკვლა.

ხემიდს ცივმა ოფლმა დაასხა.

— მაგრამ გადავიფქვრე, ვთქვი, იცოცხლოს მეთქი. რაც არ უნდა
იყოს, ახალგაზრდა ხარ. შენ არაფერი დაგიშავებია ჩემთვის. რა ჰქვია
მამაშენს?

— მამული! — უთხრა ბიჭმა.

— მწყემსი მამულა? — წამოიძახა ბერიკაცმა. — ვიცნობდი. უენო,
გულჩახვეული კაცია. ვერასოდეს გაიგებ, რას ფიქრობს. — და უცებ აე-
ნთო. თოფი შემართა. — წადი! გამშორდი! წადი აქედან! მე ისევ მინდა
შენი მოკვლა!

ხემიღმა გაღიმება სცადა.

— მომკალი მერე!

— აიღე შენი თოფი და გამეცალე!

ხემიღი წამოდგა. თვითონაც გაკვირვებული დარჩა, რატომ ქართული
ლიტერატურა

— გზადაგზა მოიხედე. შეიძლება გესროლო.

— მესროლე მერე! — უხალისოდ თქვა ხემიღმა.

ახლა მთელი სხეული უზუოდა. რა იყო ეს? შიში თუ შეურაცხყოფით გამოწვეული ჟრჟოლა? ვერ მიხვდა. მაგრამ როცა კოცონს გაშორდა და დათვისთავა კლდეს გაუსწორდა, მობრუნდა. ბერიკაცი თოფმომარჯვებული იდგა. უმიზნებდა.

„მაშინებს, — გაუელვა ხემიღს. — იქნება უნდა, რომ მე მივარჯო უშბლში ტყვია? თუ ეს უცნაური ბერიკაცი ოსმან-აღაა, ტყვიას როგორ დავამადლი. მაგრამ თუ ოსმან-აღა არაა და უბრალოდ შეშლილია, მაშინ?“

— მაინც უნდა მოგკლა. თავი დაიცავი! — დაიძახა ბერიკაცმა და თოფი დასწია. ხემიღს გაეცინა.

— მე კი შენი სიკვდილი არ მინდა. იცხოვრე. გქონდეს ეს მიწა, ვინ გართმევს?

— შენ მართმევ, შენ! — ჩახრინწული ხმით წამოიძახა ბერიკაცმა და ისევ შემართა თოფი. ხემიღი მიხვდა, — მესვრისო. მიწაზე დაწოლა დააპირა, ტყვიამ თავზემოთ გაიზუზუნა.

ხემიღმა ჰაერში გაისროლა და გაწვა.

„ოსმან-აღა! ოსმან-აღა!“ — ყვიროდა გონება. ყვიროდა სხეული. ხელების გარდა ყველაფერი უთრთოდა. ბალახი მაღალი იყო. ხემიღი ბუჩქებისაკენ გაბობლდა. ტყვიამ ისევ გაიწივლა ყურთან. აი, ბუჩქებიც. აწი ბერიკაცი ვეღარ დაინახავს ხემიღს. ახლა მთავარია წყარომდე მიაღწიოს... ხოლო თუ წყარომდე მიაღწია, მერე ზურგიდან მოუვლის ბერიკაცს. საშუადღეოზე ასული მზე გამკრთალდა. ყოველ შემთხვევაში ასე მოეჩვენა ხემიღს. მიწა კი სველი იყო და მწებადი. სახე მოიწმინდა. ლოყაზე ტკივილი იგრძნო. სისველე იგრძნო. ხელზე დაიხედა. წითლად შეღებოდა ილიყო ხელი. ტყვიას ყურთან კი არ გაუზუზუნია, არამედ ლოყა გაუკაწრავს. ჰა! და იმ წუთს, როცა ხესთან ჩაცუცქულ ბერიკაცს ზურგიდან უბირებდა შეპყრობას, მას გაახსენდა ბავშვობისდროინდელი სიმღერა. ჩუმი სიმღერა. ეს სიმღერა მრისხანებითა და შურისგებით იყო სავსე. მაგრამ ცა იყო მოწმე, ხემიღს ერთხელაც არ გაუფიქრებია იარაღის ხმარა. ბერიკაცის შეპყრობა ცოცხლად უნდოდა. ეს იყო და ეს.

სხვა დანარჩენი...

ცაა არწივის, გორები ქორის,
 მინდორში ჩიტებს ბურღლავს მიმინო,
 შენც შენი გზები მითხარი თორემ,
 ამ გზებზე ისეც უნდა ირბინო.
 საბა სულხანის ბებერი ტორი
 გონიოს კედლებს გზნებად ატყვია,
 სიცრუის სიბრძნე გაგაჩნდეს თორემ,
 რა ხმალი დაგცემს, ანდა რა ტყვია.
 კლდეზე გაწვება და გააზმორებს,
 დაჭრილი ვეფხვი, სისხლის ბწკლიანი,
 ეს სიცხე გქონდეს, ეს ბული თორემ,
 აქ ლოდი ისეც ნაპერწკლიანობს.
 ღრმას და ღონიერს ჩაეყურებ მორევს,
 ზღვის ზარიანი მეხლება ზვირთი,
 ეს ზვირთი გქონდეს, ეს ჯანყი თორემ,
 დანარჩენს ისეც ნახავ და იტყვი.
 გადმოაგორებს ჭოროხი მორებს,
 ჭოროხი რჯულით მქუხარე ასე,
 ეს ღვედი გქონდეს, ეს ყვეთი თორემ,
 რამდენსაც გინდა ნახავ და გასცემ.
 გაედევნება სამრეკლო გორებს,
 ჩამოუყვება ზარები ხევებს,
 ეს წესი გქონდეს, ეს რწმენა თორემ,
 სხვას ისეც დასჭრი და გაახევებ.
 ბალახებს, ყვავებს, წვიმებს და თქორებს,
 მხოლოდ ალერსი მიიტანს გულთან,
 ქუსლში ეკალი ფეთქავდეს თორემ,
 ვარდი წაიღონ რამდენიც უნდათ.
 ციხის ნეკნები, ჟანგი და ყორე,
 მტრის თუ მოყვარის კერძია მუდამ,

სულში ვენახი ყვაოდეს თორემ,
ღვინო დალიონ რამდენიც უნდათ.
ცაა არწივის, გორები ქორის,
შენ გულზე იდებ ღონიერ ხელებს,
ეს მიწა გქონდეს, ეს წყალი თორემ,
სხვა დანარჩენიც იქნება მერე.



ჩურჩულით... ფხვნიანად...

მამულის ბედი თუ უბედობა
ყელმოღერებულ გედივით გალობს,
მის ყველა მეფეს და მის დედოფალს
ჟამის კვერთხი და გვირგვინი წყალობს.

მამულის ბედი თუ უბედობა
განძივით გასდევს დროსა და მანძილს
და ღობე-ყორეს ლოცვად ედება
კოცონი მისი მოწოლილ ვაზის.

იღვიძებს მისი ძველი მარნები,
წინაპრის სქელი ფერფლი რომ აძევს
და ლეგენდები, როგორც ფარნები
განათებენ მღუმარე ტაძრებს.

არა იმიტომ, რომ სცემს საფეთქლებს
მყრყოლავი უნით ღრეობის ჩქამი,
მე შენი ობლის კვერი გავტეხე
და წინ ჯავრივით დავიდგი ჯამი.

და ვამბობ, ცოდვად მოეც შენდობა,
და ღირსი ჰყავი მარადი ზიზღის,
ამ მიწის ბედი თუ უბედობა,
ვისაც არ უზის წინაპრის სისხლი.

და ვყვირი, წყევლად მოეც შენდობა,
ბალამად ხორბლის ხმიადი თბილი,
ამ მიწის ბედი თუ უბედობა,
ვისშიც არ ბადებს დარდასა და ტკივილს,

განა სიყვარულს ნიშავს ღონიერს?!
არგულწრფელობას ღიმილის ტბორი?!
გატყვირო მისი კენჭი მარილი
და გადმოუგდო სტრიქონი ორი...

ეხ, ჩემო მიწავ, სულის აკლებავ,
ცაო, ჩიტების ჭიკჭიკით სავსევ,
დაგსაჯა ალბათ განგებ განგებამ,
რომ გაგაჩინა ლამაზი ასე.

ატყვია შენი ხელის ლავაში
მიზგიტების თუ ტაძრების კარებს...
შენ ბევრს ჰგონიხარ ქალი ლამაზი,
ქალი, რომელიც ახარებს თვალებს.

შენ ბევრს ჰგონიხარ ნისლის პირბადე,
ვარდის სუნთქვა თუ მიმოზის ტოტი,
კი არ იციან სად დაიბადე,
სად იყავი და საიდან მოდი.

კი არ იციან, რა გადიტანე,
რა უღმობელი ჭენება დროთა,
რით დაგეკვალთა ტანი ტიტანი,
რა გიდუღებდა სისხლსა და ქოთანს.

კი არ იციან, ჩანგთან, ჩონგურთან,
დედამ რამდენი დამარხა განძი,
და შენს კედელზე ცოცხალ ჩუქურთმად,
რად ამოჰკვეთეს მარჯვენა კაცის.


ეხ, ჩემო მიწავ, სულის აკლებავ,
ცაო, ჩიტების ჭიკჭიკით სავსევ,
დაგსაჯა ალბათ განგებ განგებამ,
რომ გაგაჩინა ლამაზი ასე.

სამრეკლოების აწვდილ ხელების,
მე გაუგონარ ყიყინას ვისმენ,
და შენი ძველი ევანგელით,
მამაღლებს ჩემი ახალი ქრისტე.

ნუ ეგონება წარღვნა, მეხოზა,
შენს ფოთლებს ქარი, ბალახებს — ცელი,
შენი მტკაველი ეზო მეყოფა,
რომ შევაჯერო სამყარო ვრცელი.



იქ, სადაც ძველთა ძვლების ალაგი
ბოლავს და ზარზმა გუგუნებს გულთან,
ჩურჩულით უნდა ილაპარაკოთ
და ფეხაკრეფით იაროთ უნდა.



საქართველო

საქართველოვ,
ვინაც შენი
სილამაზე იხილა,
შენი ჩრდილი იჩრდილა და
შენი ხილი იხილა,


შენი ცა და შენი მიწა
ვინაც ახლო გაიცნო,
სიძულვილი დაივიწყა,
სიყვარულით აივსო.

აბა ვის არ მოხიბლავდა
ბედთან შენი კვეთება,
შენი აზრის სიმაღლე და
შენი სულისკვეთება,
შენი თავშეკავება და
შენი თავგამეტება,

ამტანობის, გამტანობის,
გამძლეობის უნარი,
შენი ზეცის, შენი მინდვრის
ფერი გაუხუნარი.

მიყვარს შენი ცა მაღალი
და მზე ოქროს თმიანი,
ფრთაფარფატა შენი ნისლი,
ქათიანი, რძიანი,

დიდებული შენი მიწა
ზღვიანი და მთიანი,
ხნიერი და სხმეირი და
ძლიერი და მთლიანი.



მ მ ძ ა ხ ი ს

მეძახის შენი ბიბინა ველი
და შენი დიდი სინათლის ღვარი,
შენი ცის ფერი,
შენი მზის ჩქერი,
შენი წარსული და მომავალი.

შენში მარადი სიცოცხლე ფეთქავს,
მშვენებით ღვივი,
იღვრები სითბოდ.
და თუ სიმაღლე არსებობს ქვეყნად,
შენ ხარ — ყველაზე მაღალი ფიქრო!

მინდა შენი ცით სული ავივსო,
შენი ცხელი მზით გული გავრუჯო,
ჩემო თბილისო,
ჩემო კრწანისო,
ჩემო ხერთვისო და არტანუჯო;

კლდევ პიტალო
და მთათ კორტოხო,
გულგადაშლილო ველო მწყაზარო,
ჩემო მტკვარო და ჩემო ჭოროხო,
ჩემო ენგურო და ალაზანო!

ხმა გამაგონე, გულის გამღები
და სიყვარულის მაღლი მომფინე,
დამალოცინე შენი ბალები
და შენი ზვრები დამაკოცინე!

შენი ცვარნამის სუნთქვა მეძახის,
მოლზე მძივებად გაბნეულების,
გადაფოთლილი შენი ვენახი,
შენი ჭალა და ანეულები;

შენი „ლილეო“ და შენი „ნანა“ —
ჩვენი სიცოცხლის ტკბილი ჰანგები,
ჟუჟუნა წვიმა, შრიალა ყანა,
მზით შემოსილი განთიადები.

მეძახის შენი ფუძე და კარი,
და გადაუხდელ ვალით მავალებს
შენი სინათლის უწყვეტი ღვარი,
შენი წარსული და მომავალი.

* * *

ჩუმად, ჩუმად, გაზაფხულის ქარო,
იაიებს არ დაუფრთხო ძილი;
შეხე, კვირტი რა უთქმელად ხარობს,
შეხე, ვაზი სიხარულით ტირის.
ატამს ამკობს ელვარება თვალთა
და სიამით იშმუშნება ნუში...
გაუშლია მადლიანი კალთა
მამულს, მზე რომ ჩახატვია გულში.

სიჭაშურის ციხე

I

სიმტკიცედ ჩვენთა ---
სულთა მათთა,
მკლავთა,
ნაღვანთა,
აქ ყამმა
ქართველ კაცთ მიანდო
შენი ასვეტა.
წლების მჭრელ კბილმა
დახრა შენი მაგარი ძვალი,
ისართა,
შუბთა,
ხანჯალთა ელვით
რომ იყო მორთულ და წამომდგარი-
გაფრენილს ცისკენ
არწივულ მზერით,
დიდება ძველი მიწისკენ გწევს,
რომ იყო
ახალ დღეთა ზიარი,
ძალა, სიმღერა მძლეეთა მძლე.

II

შორით ნამგზავრო,
მოხველ,
გელის ახალი შარა
და მზე სიყვარულს გიგზავნის ჯარად-
ძველი იარა,
ფიქრი,

სულის მუდმივ თხიზლობა
მორჩა,

გპატრონობს უშფოთველი მარადისობა.

და მსურს ტყეთა ჰანგს
შენთა ხმათა სიმიც ერიოს,
რომ მუდამ მწამდეს


ვერაფერი ვერ მოგერევა.

მთათა ბილიკებს

მედიდურად როცა აყვები,

ბარი მოგძახის:

სიყვარულით გვეამაყები.



აკთხონიღ რიასაშიძე

მრგელი დელებასტი

ნ ა რ კ მ მ მ მ

უსუფი ჯირკზე ჩამოჯდა და ჩიბუხი გააბოლა. ახლად იგრძნო ბერიკაცმა დაღლა. მთელი დღე მუხლი არ ჩაუხრია, მანდარინის ბალი გადაბარა, დიდთოვლობის დროს დამტვრეულ ხეებს მოეფერა, ხმელი ტოტები მოაშორა. დაიღლა კაცი. პატარა ხნისაც აღარაა, სამოცდაათს მალე მიუკაკუნებს.

ნათაზი ღრმად დაარტყა მოხუცმა. კვამლი ბოლქვა-ბოლქვა გამოუშვა და ფიქრებიც თან გააყოლა. რამდენი ოფლი ჩაუქცევია უსუფ ჭანიძეს ამ მიწაში, მაგრამ არ ნანობს, პირიქით, კმაყოფილია. მისი ნაამაგარი კარ-მიდამო ავთვალს არ ენახებოდა. კარგ მეურნედ იცნობენ სოფელში. მარჯვენას უქებენ გამრჯე კაცს. ხუმრობა ხომ არ არის, ოცდახუთი წელი იმუშავა კოლმეურნეობის ბრიგადირად. კარგი შვილები დაზარდა და ყველა გზაზე დააყენა. განსაკუთრებით მანაც უფროსმა ჯალიშვილმა გუგულომ ასახელა..

„კვიცი გვარზე ხტისო“ — ჩურჩულებს ბერიკაცი.

ატმის ხეებს ცეცხლი წაჰკიდებია. ერთიანად აფეთქებულან. დასავლეთიდან სიომ დაჰქროლა და ხანძარივით გადაარწია ატმის ტოტები.

ფურცლობისა და ყვავილობის დრო იყო. ძალუმად იგრძნობოდა გაზაფხულის სუნთქვა. გრილი მიწისა და ნამის სურნელი ტრიალებდა ჰაერში. უსუფი წამოდგა, ლობესთან მივიდა და ჭოროხის ხეობას გადახედა.

მზე ჩადიოდა.

მთების უზარმაზარი ჩრდილები ზღაპრული დევებივით იწვნენ ჭალებში.

ხეობაში ბინდი წვებოდა.

მყუდროებას ჯოჯოს წყლის შხუილი არღვევდა.

— უსუფ, ჰაუ, უსუფ!.. — შემოესმა ძახილი.

ალაგესთან სიყრმის მეგობარი რეფიყ პაპაძე იდგა.



— აა, შენ ხარ ჭო? გადმოდი ძიავ, რაღას უყურებ.. — დაუსწრებლად უსუფმა სტუმარს.

რეფიცი ხვნეშით გადმოვიდა ალაგებზე. ბერიკაცები მორბევიანად დასდნენ.

— ოჯახში ხომ კარგად, ხომ მშვიდობაა? — ჰკითხა უსუფმა.
 — რა გვიშავს, ვცოცხლობთ. თქვენ რასა იქმთ, სულ დამივიწყე ამ ბოლო დროს, — უსაყვედურა მეგობარს რეფიციმა.

— ეჰ, ველარ ავუთავდი ამდენ სტუმრიანობას. — თქვა უსუფმა.
 — რა ამბავია, რა მოხდა ასეთი?

— არ იცი თუ?!
 — არაფერი ვიცი.
 — ჩამორჩენილხარ ძიავ, გაზეთს მაინც არ კითხულობ?
 — აღარ იტყვი რა მოხდა ამისთანა?!
 — ჩემი გუგული სოციალისტური შრომის გმირი გახდა. — ხმამალა

თქვა უსუფმა.
 — რას ამბობ, რამდენი ხნის ამბავია?
 — ორი დღის წინ გადმოსცა რადიომ, გუშინწინდელ გაზეთშიც იყო...
 — ასე გეთქვა, ოჯახს შენებულო...

უსუფს ჩაეღიმა.
 — გვასახელა ბალანამ, მომილოცავს ძიავ!
 — გმადლობთ, შენც გაგახარა გამჩენმა.
 — ჩამოვიდა მოსკოვიდან?
 — წაღან ბაღიშმა ამომიტანა ამბავი, ჩამოვიდაო.

— გახსოვს ამ ოცდაათი წლის წინათ რომ გითხარი, ამ ვოგოსაგან სახელოვანი ქალი დადგება-მეთქი? აკი ახლა ჩემი ნათქვამი!

— დღევანდელ დღესავით მახსოვს, ჩაის პლანტაციის მახლდა მაშინ...
 ეჰ, რამდენმა წყალმა ჩაიარა მას აქეთ.

უსუფმა ჩიბუხიდან ფერფლი გადმობერტყა, ბარს დასწვდა და სტუმარს სახლისაკენ წაუძღვა.

— გულიზარ, ჭალო, გამოიხედე, სტუმარია, — გასძახა უსუფმა სამზარეულოში მოფუსფუსე მეუღლეს.

გულიზარი ღიმილით შეხვდა სტუმარს.
 — მობრძანდი, რეფიცი ბატონო.
 — ნუ სწუხდებით, რძალო, მალე წავალ.

უსუფმა ტანზე გამოიცვალა და მეუღლეს მიუბრუნდა.

— მე და რეფიცი იბრაიმიან მივდივართ, გუგულის ვნახავთ, საქმეს რომ მოათავებ, შენც ამოდი.

უსუფი და რეფიცი ტატიით დაადგნენ გზას.
 დადამდა. სოფელში ნათურები აკიაფდნენ. კლუბ-კანტორის ეზოდან ახალგაზრდების სიცილ-ტყარცალი ისმოდა.



ბერიკაცებმა წარსული დროება მოიგონეს.

გამთენიისას მამლები რომ შეუხშირებდნენ ყვილს და გაიხსნებოდა, აქა-იქ გაიჭრიალებდა ისლით დახურული ქოხის კარი. დირეს ზანტად გადმოაბიჯებდნენ კაცები, ლაფაროში თოხებს მოძებნიდნენ, ალესავდნენ და ეზოს გადაღმა გადავიდოდნენ. საღამოს წელმოწყვეტილი, გასავათებული ბრუნდებოდნენ შინ და ხვდებოდათ კვამლით სავსე ქოხები და გაყვითლებული ბავშვები.

— ნენი მშია, ჭადი მინდა!... — ღნაოდნენ ბალები.

გული უკვდებოდა ოჯახის მარჩენალს.

ხმელა მჭადი ენატრებოდათ და... ვერ მოჰყავდათ სამყოფად.

გამოხდა ხანი. სიცოცხლის შუქმა ამ ღვთისაგან მივიწყებულ სოფელშიც შემოანათა და დაბეჩავებული გლეხკაცის გული იმედით აღავსო.

ახალმა ცხოვრებამ მძლავრად გაშალა მხრები, სიკეთე, ბედნიერება და სიხარული მოიტანა. მშრომელმა კაცმა შვებით ამოისუნთქა.

და ახლა, როცა მტრედისფრად ინათებს, ერთბაშად ახმაურდება სოფელი, თითქოს ერთსადაიმავე დროს იღება მტკიცედ ნაშენი ქვითკირის სახლების კარები, კიბეებს მსუბუქად ჩამოირბენენ მოღიმარი ადამიანები და მოასფალტებულ შარავჯაზე გასულნი მშვიდობის დილას უსურვებენ ერთმანეთს. მერე ჯგუფ-ჯგუფად მიაშურებენ ჩაის პლანტაციებსა თუ ციტრუსების ბაღებს და არემარეს ხალისიანი შრომის სიმღერით ახშიანებენ. საღამოს მოღლილი და კმაყოფილი ბრუნდებიან ოჯახებში და მათ ხვდებათ ბავშვების უღვევი ღიმილი, სითბო, სიხარული და მყუდროება...

მოხუცებმა შუკაში შეუხვიეს. მათ თანასოფლელი მამულ რეკემადე დაემგზავრა. საღამო მშვიდობისა უსურვეს ერთმანეთს.

— საით გაგიწევია, მამულ? — ჰკითხა უსუფმა.

— მეც თქვენი გზა მაქვს... ჰო, მართლა მომილოცნია, ძალიან კი გავგახარა გუგულიმ.

— ასეა, დღეს ადამიანი შრომაშია მშვენიერი, შრომით ფასდება, — თქვა რეფიყმა.

— ასეა, ძიავ, ასე. მერე როგორ ფასდება აღარ იკითხავ? აგერ გუგულიც ალალი, პატიოსანი შრომით არ გახდა დაფასებული და სახელიანი?! აფერუმ მაგის ქალობას, თავიც ისახელა და ჩვენც გვასახელა, — დაუმატა მამულმა.

ბერიკაცები ისე იყვნენ გართული საუბარში, რომ არც კი გაუგიათ როგორ მიადგნენ იბრაიმ ლორთქიფანიძის სახლს. უსუფი დაწინაურდა, მას სიძე გამოეგება.

— ო, მობრძანდით, ზევით ავიდეთ, ყველანი იქ არიან.

იბრაიმმა სტუმრები ხალხით სავსე ოთახში შეიყვანა. ნუგბარი ქორბით დახვავებულ სუფრასთან მსხდომნი ქეიფის ეშხში შესულობდნენ. თამადა ენამზეობდა.

— ქართველი ერის ბურჯს, გლეხკაცს გაუმარჯოს! მის ალალ-მართალ გულს, მის მარჯვენას გაუმარჯოს!

სადღეგრძელოს „მრავალუამიერი“ მოჰყვა.

გუგული ქალებში იჯდა და ვინ იცის მერამდენედ ჰყვებოდა მოსკოვურ შთაბეჭდილებებს, ნანახსა და განცდილს.

გული სიხარულს ველარ იტევდა.

გმირობას ულოცავდნენ გუგულის.

მეორედ დავიბადეო, გაიძახოდა იმ საღამოს უსუფ ჭანიძე. გულიზარიც ფარვანასავით თავზე ევლებოდა შვილს, წამდაუწუმ ეკითხებოდა მოსკოვის ამბებს.

მაინც რა დიდი გული ჰქონია სოფელს, ფიქრობდა გუგული, რა სიყვარული შესძლებიათ ამ დალოცვილ ადამიანებს. დღემდე ამას ვერც წარმოიდგენდა. ისიც სოფლის უბრალო ადამიანია და არასოდეს უფიქრია იმაზე, რომ მთელი სოფელი ადევნებდა თვალს მის შრომას, აფასებდა მის მარჯვენას. ახლა კი? ახლა მთელი სოფელი აქ, მის ოჯახში მოსულა.

მართლაც, რა მოსიყვარულე გული ჰქონია სოფელს!

* * *

ისევ გაიხსნა ფიქრის გორგალი...

ისინი დგებოდნენ ერთად, თვალხატულა გოგონა და ცხრათვალა მზე. გოგონას რატომღაც ყოველთვის მალლა ეჭირა თავი მზისკენ. ალბათ ეშინოდა, არ დაესწრო ამოსვლა.

ფეხშიშველი გაირბენდა ცვრიან ბალახზე. ბოჩოლას მიესიყვარულებოდა. ასკინკილით გადაირბენდა ეზოს და სოფლის გოგო-ბიჭებში გაერეოდა. წაბლნარის მთაზე ადიოლდნენ, ტყეში სოკოს ეძებდნენ დალამებად. იქედან ხელისგულივით ჩანდა ზღვა. ზოგჯერ განმარტოვდებოდა, ბექობზე მდგომი სევდიანად გაჰყურებდა ზღვაში ჩამავალ მზეს. ბინდი წვებოდა ზღვაზე, შორს ცა უერთდებოდა ზღვას. გოგონა იდგა უხმოდ და გაუნძრევლად.

— ვინ გაიგონა ციცაის ამდენი სოფელ-სოფელ ტანტალი? — ჯავრობდა უსუფი.

— რა უშავს ნეტაი, ჯერ ბაღია, — დაუყვავებდა გულიზარი.

— იძახე ბავშვია, ბავშვია და კაი ვინმე დაგიდგება. აქედან უნდა მიჩვიო ხელსაქმეს! — უსაყვედურებდა უსუფი მეუღლეს.

გოგონა კი მოჩვენებასავით შეიპარებოდა ოთახში, წვებოდა ჩუმიად და ფიქრობდა ხვალინდელ დღეზე.

სკოლის მერხიდან ეზიარა მეჩაიის მძიმე შრომას. ჯერ მამას დაჰყვებო-



და პლანტაციის და ეხმარებოდა რითაც შეეძლო. კარგად ახსოვს, რო-
გორ უხაროდა პირველად რომ ექვსი კილოგრამი ჩაის ფოთოლი დაეკრეფა.
წელი წელს მისდევდა. გუგულის დაამთავრა რვა კლასი. გაზაფხულის
ბოლოს სკოლის მერხიდან ჩაის პლანტაციას მიაშურა. მერე, როცა თითები
ფოთლის კრეფაში გაიწაფა და დიდებსაც აღარ უდებდა ტოლს, ცალკე
ნაკვეთი მოითხოვა.

გუგული იცოდა დიდი სიყვარული მეგობრისადმი, გააჩნდა ადამიან-
ნის გაგების უნარი, გულთახედვა. ზოგიერთივით თავის თავს არ წამოსწევ-
და წინ. იგი ამ თვისებებს მეტადრე კოლექტიური შრომის დროს ავლენდა.
რგოლის წვერებთან ხელიხელჩაკიდებული მუშაობდა. ამიტომაც არ
გრძნობდნენ ისინი დაღლას, მათი შრომა მუდამ ხალისიანი და ბარაქიანი
იყო.

გუგული სიტყვის ფასიც კარგად იცოდა და მუდამ სიტყბოსა და
სიყვარულს აფრქვევდა მეგობრებში. იცოდა, რომ ენით შეიძლება მოჰკლა
ადამიანი და მომაკვდავი მოარჩინო. ეს კეთილი გული მიუძღოდა მეგ-
ზურით მომავლისაკენ.

გუგული თხოვდებოდა, ხმა გავარდა სოფელში. სხვაგან ვერ გავუშვებ-
თო, ამბობდნენ ერგელები. სხვაგან არც აპირებდა გათხოვებას. მისი
გულისწორიც ერგელი ვაჟკაცი იყო — იბრაიმ ლორთქიფანიძე.

მოდინაო, დაიძახა მახარობელმა და მთებმაც ბანი მისცეს.

„მოგვყავს დედალი ხობობი“... მღეროდნენ მყარები.

დიდი საზრუნავი გაუჩნდა გუგულის. ოჯახს მიხედვა, მოვლა, პატრო-
ნობა უნდოდა. ვადიოდა დრო და იზრდებოდა ოჯახი. სამი შვილი შეეძი-
ნათ გუგულის და იბრაიმს. უფროსი მეშვიდე კლასშია, შუათანა — მეექ-
ვსეში, ნაბოლარა კი მესამე კლასში დადის. თოთხმეტი წელიწადია სა-
კუთარი კერა გაიჩინეს და მას შემდეგ ხარობს ფუძემყარი ოჯახი.

შრომაში ათენებდა და აღამებდა ხელმადლიანი ქალი.

1969 წელს გაზაფხულზე ცუდი ამინდები დაიჭირა. უკვე აპრილი
იდგა და ზამთარი გეგონებოდათ. ისეთი ქარი ქროდა, ისე წვიმდა და
ხანგამოშვებით ისეთ თოვლწყაპსაც გამოურევდა, რომ გარეთ ძალი არ
გაიგდებოდა.

მართალია, ავღარმა ჩაის ბუჩქის ვეგეტაცია შეაჩერა, მაგრამ გუგუ-
ლის მაინც არ ეშინოდა. იცოდა, მალე დადგებოდა ტაროსი. ზოგიერთი
ამბობდა, უამინდობის გამო მოსავალი არ იქნებოდა. ამიტომ ფართობი გავა-
დიდოთო, მაგრამ გუგული ჭანიძე ფიქრობდა, ფართობის გადიდება კი
არაა მთავარი, მოსავლიანობის გადიდებააო. ჩაის კრეფის წესების ზუს-
ტად დაცვა ადიდებს მოსავალს, ზრდის მის ხარისხს. ყველაფერი ეს კა-
რგად იცოდა გუგული და ამიტომაც მთელი დღე ჩაის ბუჩქებში ტრი-
ალებდა. ცოდნისა და დაუზარელი შრომის წყალობით, უამინდობის მიუ-
ხედავად გუგულიმ შვიდი ტონა ჩაის ფოთოლი მოკრიფა.

გუგულისათვის მთავარი მომავალი წლისთვის მზადება იყო. სიტყვა თქვა, რვა ტონა ჩაის მოგვრეფო და თავს ხომ არ შეირცხვენდა. მის ვეკ არ ჩვევოდა სიტყვის გატეხა. ენერგია გააათკეცა. შემოდგომაზე გუგული ჩაის პლანტაციის გასუფთავებას, შებარვას, გასხვლას, შეწამვლას, ნიადაგის განოყიერებას შეუდგა. ჩაის ბუჩქებს ფესვებს უფხვიერებდა, გრძობდა რომელს რა უჭირდა. თითქოს მიწის ძახილიც ესმოდა, დამაპურე და წლის სარჩო ჩემზე იყოსო. გვალვას დროს დახეტილ მიწას, რომ შეხედავდა, სწყურია და პირი იმიტომ დაუღიაო, იტყოდა. მამის სიტყვები აგონდებოდა — მიწა ადამიანივით სუნთქავს, სწუხს და ხარობსო. მიწასაც ესმოდა მისი, მიწაც გრძობდა მის დიდ სიყვარულს და ისიც აღარ იშურებდა მადლსა და ბარაქას.

ცუდ ამინდს თავს არ უდებდა. სპეცტანსაცმელში გამოწყობილი მზრუნველ ხელს არ აკლებდა ჩაის ბუჩქებს. თუმცა ძალიან უჭირდა, თვითონ სხლავდა პლანტაციას, ბარავდა, შეჰჭონდა ორგანული და მინერალური სასუქები.

შუადღისას შეისვენებდა, სულს მოიბრუნებდა, ახლა ტოტებდამძიმებულ ხეხილს გადახედავდა, მერე ოქროსფერი ნაყოფით დახუნძლულ ციტრუსების ბაღს შეავლებდა თვალს. იქიდან ფერდობებზე გადაიტანდა მზერას, მრავალი ჭირ-ვარამის მომსწრე ჭოროხის ხეობის ცქერითაც დატკბებოდა და მშობლიური მიწა-წყლის სიყვარულით დატყვევებული ქალი ისევ საქმეს მიეძალებოდა.

თვალსა და ხელს შუა ჩაილია ზამთარი, არემარე ამწვანდა, კვირტები დაიბერა და დასკდა. გაზაფხულმა დამატობელი სურნელი მოჰფინა სოფელს. ჩაის ბუჩქებზე ლორთქო კვირტები წამოიზარდა, დუყებიც გაიშალა და აი კიდევაც შეეხო ალერსიანი თითები. ეს გუგული იყო. ისე თავდავიწყებით კრეფდა, რომ მის ირგვლივ თუ ვინმე იყო არ ეგონა. როცა სიმღერა ჩაესმა, მხოლოდ მაშინ მოაგონდა, რომ მარტო არ იყო, რომ რგოლის წევრებიც მასავით თავაუღებლივ კრეფდნენ ჩაის ფოთოლს.

გუგული ჭანიძემ სიტყვა შეასრულა, ნახევარ ჰექტარზე რვა ტონაზე მეტი ჩაის ფოთოლი მოკრიფა, და ქვეყანაც ალაპარაკა.

სახელოვან მეჩაიეზე წერდნენ რესპუბლიკური და ცენტრალური გაზეთები. ალაპარაკდა რადიო, ტელევიზია.

* * *

ადამიანის ცხოვრებაში არის ისეთი წელი, რომლის დავიწყება შეუძლებელია. ასეთია გუგული ჭანიძისათვის 1971 წელი. მღელვარე, დაუვიწყარი დღეების წელი.

გუგული ჭანიძე საქართველოს კომუნისტური პარტიის ოცდამეოთხე ყრილობის დელეგატია. და აქ განიცადა უდიდესი ბედნიერება — საბჭოთა

კავშირის კომუნისტური პარტიის ოცდამეოთხე ყრილობის დელეგატად აირჩიეს.

მატარებელი რუსეთის ტრამალებზე მიქრის.

გუგულის რატომღაც ეჩვენება, რომ გზა უსაშველოდ გაგრძელდა და აღარ თავდება. ასეა, ფიქრები უსწრებენ დროსა და მანძილს.

კურსკის ვაგზალში გულთბილად შეხვდნენ კომუნისტთა დიდი ფორუმის მონაწილეებს — საქართველოს კომპარტიის აჭარის საოლქო კომიტეტის პირველ მდივანს ალექსანდრე თხილაიშვილს, აჭარის ასსრ მინისტრთა საბჭოს თავმჯდომარეს ლევან დავითაძეს, საქართველოს საზღვაო სანაოსნოს უფროსს ანატოლი კაჭარავას, ხელვაჩაურის რაიონის სოფელ ერგეს ვ. ი. ლენინის სახელობის კოლმეურნეობის მეჩაიეს გუგული ჭანიძეს. ბათუმის მანქანათსაშენი ქარხნის ხარატს ვლადიმერ დოლიძეს, საქართველოს საზღვაო სანაოსნოს ტანკერ „ალექსეევკის“ ბოცმანს კარონ ოსაძეს.

და აი გუგული ყრილობაზეა.

დილის ათი საათია. დარბაზი მქუხარე ტაშით შეხვდა საბჭოთა კავშირის კომუნისტური პარტიის ცენტრალური კომიტეტის პოლიტბიუროს წევრებს.

დელეგატებმა და სტუმრებმა დიდი ყურადღებით მოისმინეს სკკპ ცენტრალური კომიტეტის პოლიტბიუროს წევრის ამხ. ნ. ვ. პოდგორნის სიტყვა.

ყრილობამ აირჩია პრეზიდიუმი, სამდივნო, სარევიზიო კომისია და სამანდატო კომისია.

გუგული ჭანიძეს ისევ დიდი პატივი ხვდა წილად — სამანდატო კომისიაში აირჩიეს.

სამანდატო კომისიის წევრები თავიანთ ადგილებს იკავებენ. გუგულის გვერდით ახალგაზრდა ქალი დაჯდა.

— კლავა სმირონოვა, ორიოლის ოლქიდან, — გაეცნო იგი ქართველ მეჩაიეს.

მწველავ კლავა სმირონოვასაც შრომამ გაუთქვა სახელი.

კლავასა და გუგულის მოღიმარი კაცი მიუახლოვდა. იგი ჯერ კლავას მიესალმა, მერე გუგულის მიუბრუნდა და რუსულად ჰკითხა:

— თქვენ საიდან ბრძანდებით, ქალბატონო?

— საქართველოდან.

— ო, ძალიან კარგი, ჩემო ბატონო, — ახლა ქართულად თქვა მან და ხელი მაგრად ჩამოართვა გუგულის.

ნეტავი ვინ უნდა იყოს, ფიქრობდა გუგული, თითქოს ნაცნობი სახე აქვს, თითქოს სადღაც უნახავს, მაგრამ ვერაფრით გაიხსენა. მერე მოაგონდა — გაზეთებში, ტელევიზორში არაერთხელ უნახავს ეს ადამიანი. პო, ნამდვილად ისაა, სსრ კავშირის უმაღლესი საბჭოს პრეზიდიუმის მდივანი

მიხეილ გიორგაძე. უხერხულად იგრძნო თავი, ამდენ ხანს როგორ ვერ ვიცანიო, ჯავრობდა.

— რა გქვიათ, ქალბატონო? — ისევ ჰკითხა პრეზიდენტის მდივანმა.

— გუგული... ჭანიძე.

— ძალიანაც კარგი. სად მუშაობთ?

— მეჩაიე ვარ, ხელვაჩაურის რაიონის სოფელ ერგეს კოლმეურნეობის წევრი.

— დღეს კი ყრილობის დელეგატი, არა?

— დიახ, ბატონო მიხეილ, დიდი ბედნიერება მხვდა წილად.

— მეც უბრალო მუშა ვიყავი, ერთ დროს ტრაქტორისტიც ვახლდით, ასე დაიწყო ჩემი ბიოგრაფია.

შესვენების შემდეგ გუგულიმ და კლავამ კრემლის ყრილობათა სასახლის დარბაზში სსრ კავშირის უმაღლესი საბჭოს პრეზიდენტის მდივანთან ერთად სამახსოვრო სურათი გადაიღეს.

გუგული ჭანიძე, როგორც ყველა დელეგატი, გულდასმით ისმენდა პარტიის ცენტრალური კომიტეტის საანგარიშო მოხსენებას, დელეგატებისა და საზღვარგარეთელი სტუმრების გამოსვლებს. განსაკუთრებით კი სოფლის მეურნეობის საკითხები აინტერესებდა.

გუგულის სიამაყის გრძნობა დაეუფლა მაშინაც, როცა ამხანაგი ვ. პ. მქავანაძე საქართველოს მშრომელთა სასახელო საქმეებზე, მეჩაიეთა წარმატებებზე, მათს დაუღალავ შრომაზე ლაპარაკობდა. მან ყრილობას აღუთქვა, რომ ქართველი მეჩაიეები 1975 წლისათვის სამშობლოს მისცემენ 300 ათას ტონა „მწვანე ოქროს“. ყრილობის დღეებში შეიტყო მახარაძის რაიონის მეჩაიეთა ინიციატივის შესახებ, მოეწონა და მხარი დაუჭირა მას.

კრემლის ყრილობათა სასახლეში გულში ჩამწვდომი სიტყვები გაისმა, საქართველოს მოწინავე ადამიანები დააჯილდოვეს. გუგული ყურს არ უჯერებდა, სოციალისტური შრომის გმირთა შორის მისი გვარიც რომ დაასახელეს.

გაოგნებული იდგა, უცებ ვიღაც გადაეხვია და გადაკოცნა.

— ძვირფასო გუგული, გილოცავ სოციალისტური შრომის გმირის საპატიო წოდების მინიჭებას, — პირველმა რუსთავის ქიმიური კომბინატის მუშამ ნანა სიხარულიძემ მიულოცა მთავრობის უმაღლესი ჯილდო.

ამდენი სიხარული ერთად.

გუგული ცრემლებს მალავდა. დიდ სიხარულსაც სცოდნია თურმე კრემლი.

ყრილობათა სასახლის ფოიეში ნაცნობი თუ უცნობი ყველა ულოცავდა და დაჯილდოვებას, მოწინებთ ართმევდნენ ხელს სახელოვან ქართველ მეჩაიეს.

სასტუმროში დეპეშების დასტა დახვდა. ვინ არ ულოცავდა. საიდან

არ მოდიოდა მოსკოვში მილოცვის დეპეშები. ყველაზე ამაღლებელი მაინც თანასოფელთა — ერგელთა დეპეშა იყო.

„ჩვენო ძვირფასო გუგული!“

დღეს ზღვა სიხარულია ერგეში, რადიომ და გაზეთებმა სასიხარულო ცნობა მოგვიტანეს: შენ, ჩვენი სოფლის სახელოვან ქალს, მთავრობამ დიდი პატივი დაგდო და პატიოსანი, დაუზარელი შრომისათვის სოციალისტური შრომის გმირის მაღალი წოდება მოგანიჭა, ბარაქალა შენს ქალობას, რომ გვასახელე და გავგახარე“.

ისევ მშობლიური კუთხე, ისევ მშობლიური სოფელი, ნაცნობი მთები, ველ-მინდვრები, საყვარელი გზები, სახლები, ეზოები... სახლშიც ბევრი დახვდა მოსალოცი დეპეშა.

ვეტერანმა მეჩაიემ ასმათ ყიყუაძემ მიულოცა მთავრობის მაღალი ჯილდო. სიყრმის მეგობრის ლეილა ლეონიძის დეპეშაც აქაა. ეს დეპეშა საქართველოს საბჭოთა მეურნეობების მინისტრს ა. ლვინჯილიას გამოუგზავნია.

— ახლა ესეც წაიკითხე, — უთხრა გულიზარმა შვილს და ხელში კიდევ ერთი დეპეშა მისცა.

„ძვირფასო გუგული!“

გულითადად გილოცავ მთავრობის უმაღლეს ჯილდოს, სოციალისტური შრომის გმირის საპატიო წოდების მინიჭებას. გისურვებ ახალ წარმატებებს შრომით საქმიანობასა და ბედნიერებას პირად ცხოვრებაში.

ალექსანდრე თხილაიშვილი“.

* * *

შუალამე გადასული იყო, სტუმრები რომ წავიდნენ.


დილაბნელზე ადგა გუგული, საოჯახო საქმე მოითავა და პლანტაციისაკენ გაეშურა. ფეხად მიესწროთ რგოლის წვევრებს.

ერთი კვირის შემდეგ აჭარის პარტიული აქტივის კრებაზე მოიწვიეს. კრება თეატრში გაიმართა. სახელოვანი მეჩაიე გუგული ჭანიძე კრების პრეზიდენტმა. კამათშიც გამოვიდა.

დარბაზი ტაშით შეხვდა სახელოვან ქალს. გუგული თავაწეული იდგა ტრიბუნაზე. მოეწონათ მისი საქმიანი სიტყვა.

— მინდა, — თქვა კრებაზე გუგულიმ, — რაც შეიძლება მეტი გავაკეთო მშობლიური კომუნისტური პარტიისათვის, ჩვენი საყვარელი სამშობლოს, ხალხის საკეთილდღეოდ და ამით გავამართლო ლენინური პარტიის წევრისა და ყრილობის დელეგატის სახელი.

ყოველ დილით პლანტაციისაკენ მიიჩქარის. ყოველ დღეს ახალი სიხარული მოაქვს გმირი ქალისათვის. საქმის, შრომის სიყვარულმა დაღლაც კი დააფიქსა. და მეც არ მინდა ჩემს ნარკვევს აქ დაუფსვა წერტილი. ცხოვრება ხომ გრძელდება.



მოვუაროთ და მოგვივლინ

ამ ცოტა ხნის წინათ თბილისში გაიმართა საქართველოს მწერალთა მეშვიდე ყრილობა, რომელმაც განიხილა 1966-1971 წლების ქართული საბჭოთა ლიტერატურა და მისი განვითარების ამოცანები, სიამაყის გრძნობით გადაავლო თვალი ნახევარი საუკუნის მანძილზე გავლილ გზას და აღუთქვა კომუნისტურ პარტიას, რომ მხატვრული სიტყვის ქართველი ოსტატები მომავალშიც მთელ თავიანთ ნიჭს, ენერჯიას მოახმარენ კომუნისტიკის ნათელ იდეალებს, ხალხის ინტერესებს.

ყრილობაზე მწერლებმა დააყენეს მნიშვნელოვანი საკითხები, რომლებიც მარტო ლიტერატურის სფეროს კი არა, მთელი ჩვენი ერის ცხოვრებას ეხება. ასეთი არის პოეტ ფრიდონ ხალვაშის სიტყვაც, რომლის სტენოგრაფიულ ჩანაწერს ვთავაზობთ „ქორიხის“ მკითხველებს.

მე მგონია, ახლა ჩვენი ეროვნული სიხარულის მიზეზი და სიამაყის თვალსაჩინო საფუძველი ისიცაა, რომ საუკუნეობით დედა-სამშობლოს მოწყვეტილი სამხრეთ საქართველოს ერთი ლამაზი კუთხე დღეს თავისი გამართული ქართულით, თავისი გამთელებული კალმით და საკუთარი წიგნით, მოკრძალებით, მაგრამ მტკიცედ შემოდის მწერლობაში.

გადაჭრით შემოიძლია ვთქვა, რომ ჩემი მხარის ადამიანი იმ დიდი, ბნელი მარტოობიდან ახალ, ეროვნულ სინათლეზე ქართულმა წიგნმა გამოიყვანა.

საბჭოთა სინამდვილემ ახალი მალამო დაადო ჩვენს ეროვნულ ტკივილებს.

ვმრავლდებით, ვიზრდებით, ვმდიდრდებით, მაგრამ, ნათქვამია, სწორედ ლხინში უნდა გაიხსენო მოძმეო. მშობლიურ ენაზე წიგნი მრავალ ასი ათას თანამემამულეს ენატრება სადღაც და სადღაც, ხოლო ჩვენს კალამს, ჩვენს წიგნს იმ მამულიშვილთა სიყვარულიც სჭირია.

ჩვენი პარტიის 24-ე ყრილობის გადაწყვეტილებებმა ახალი ფიქრები და იდეები მოგვცა, ქვეყნებსა და ხალხებს შორის კულტურული და სულიერი ურთიერთობის ახალი ხიდეები გასდო.

განსაკუთრებით ერთი მოდგმის ხალხთა შორის ასეთი ხიდი მშობლიურ ენაზე დაწერილი წიგნია.



უცხოეთში მცხოვრებ თანამემამულეებთან ცხოველი კულტურული ურთიერთობა აქვთ ჩვენს საბჭოთა თანამოქმედებს — უკრაინელებს, ბელარუსელებს, ხეებს, ბალტიისპირელებს; უზბეკნიან წიგნებს, მიდიან მწერლებს. პირობები უფრო სხვანაირია და რთული. მაგრამ დრომ, განათლების საერთო აღმავლობამ, ინფორმაციამ, ადამიანის განათლებულმა სულმა თავის თავში მაინც გაამთელა ეროვნულობის დაწყვეტილი სიმები. ჩვენი ქვეყნის საერთაშორისო მდგომარეობა, მისი ხასიათი უფლებას გვაძლევს ვისარგებლოთ მოპოვებული პირობებით და მოვიტხოვოთ, რათა ყველა თანამემამულეს, ყველგან მივაწვდინოთ მის ენაზე დაწერილი წიგნი და უფრო ფართოდ გავუღოთ კარი ჩვენში სტუმრად თუ სამუდამო საცხოვრებლად ჩამოსულ ჩვენებურებს.

აქ ბატონმა დემნა შენგელაიამ განაცხადა და მეც მინდა გავიმეორო: მინდა თანამოკალმეთა ერთგვარი მადლობა გამოვხატო საქართველოს კომუნისტური პარტიის, ჩვენი ქვეყნის იმ მაღალ სახელმწიფო მოღვაწეთა მიმართ, რომელთაც იზრუნეს და მალე ათეული ქართული ოჯახი ფერეიდან იდან საქართველოს მიწას დაუბრუნდება.

ეს იმედის დიდი სხივია, რომელიც საუკუნოვან წყვილად გასტრის და მილიონიან თანამემამულეთა სულს გაანათებს.

გარექართველთათვის ბევრი რამის გაკეთება შეუძლია ჩვენს რადიოს, ტელევიზიას. მთავარია, ჩვენ, თვით საქართველო, ყოველდღიურად გრძნობდეს თავისი სულისა და სხეულის იმ ნაწილს, ვიცოდეთ, რომ რასაც ვქმნით და ვაკეთებთ, განსაკუთრებით სულიერი კულტურის დარგში, ეს იმათი ზიარცაა.

მე არ მინდა, აქ ცალკე გამოვყო და ვილაპარაკო აჭარის მწერლებზე. მოხსენებაში ზოგიერთი მათგანი მოიხსენიეს. მაგრამ მაინც ვიტყვი: ამ ბოლო წლებში ჩვენს განყოფილებაში მომუშავე მწერალთა რამდენიმე წიგნი მკითხველმა დიდად შეიყვარა. ზოგიერთი რუსულად და სხვა ხალხთა ენებზეც ითარგმნა, ხოლო ჩვენი დრამატურგების პიესები დღეს ბევრ თეატრში იდგმება. აქ თანამომხსენებელმა დრამატურგის დარგში ზოგიერთი მათგანი გააკრიტიკა, მაგრამ თვით ეს გაკრიტიკება სასარგებლო საქმედ და ავტორთა დაფასებადაც მიმაჩნია.

ჩვენ გვითქვამს და კვლავ ვამბობთ, რომ ლორიას, მალაზონიას, გვარიშვილის, ვარშანიძის, შერვაშიძის, სალუქვაძის, ჯაყელის, როყვას გვერდით ქართულ მწერლობაში ჩვენი კუთხიდან ახლა შემოვიდნენ ნიჭიერი პოეტები, მწერლები: ზ. გორგილაძე, ა. სამსონია, ლ. სეიდიშვილი, შ. ზოიძე და სხვები.

ჩვენ ვვაქვს ერთი პატარა ორთვიანი ჟურნალი, რომელსაც ჩვენი სურვილითა და ინიციატივით გამოვუცვალეთ სახელი და დავარქვით „ჭოროხი“. ნებაყოფლობით გამოვიყვანეთ იგი ავტონომიურობის ჩარჩოებიდან და საქართველოს მწერალთა ცენტრალურ ხელმძღვანელობას

დავუქვემდებარეთ. ამით ვითომ ისა ვთქვით, რომ არ შეიძლება მწერლობაში არსებობდეს კუთხურობა, საოლქო დაყოფა. წიგნი და ჟურნალი ენაზე გამომავალი, მთელი ხალხისათვის ხელმისაწვდომი უნდა იყოს. მაგრამ „სოიუზგენატის“ ორგანოებმა ანგარიში არ გაუწიეს ნული თვითშეგნების ჩვენებულ პრინციპს და „ჭოროხი“ ისევ მდინარე ჭოროხთან დატოვეს. ჩვენ მოვითხოვთ, ეს ჟურნალი მთელ საქართველოში გავრცელდეს.

როგორც მოხსენებაში აღინიშნა, საქართველოს სანაოსნოს ჩამოყალიბებამ, ქართული ალმით მსოფლიო ოკეანეებში ხომალდების სვლამ კიდევ უფრო ახლობელი გახადა ჩვენთვის ზღვა, მაგრამ ჩვენს მწერლებს მაინც ნაკლებად იტაცებს ზღვის თემა. ჩვენი მამაცი ქართველი კაპიტნები და მეზღვაურები ქართველ ლიტერატორებს იწვევენ თავიანთ გემებზე, წამოდით, დროებით მაინც იცხოვრეთ ჩვენთან ერთად, გაიცანით ჩვენი ძნელი და მღელვარე ცხოვრება და მხატვრული სიტყვით უთხარით ამაზე მკითხველსო.

სანაოსნოში გამოდის გაზეთი „მორიაკ გრუზიი“. მგონი უსამართლობაა, რომ ეს გაზეთი სანახევროდ მაინც ქართულ ენაზე არ გამოდის.

ამასთან დაკავშირებით, მინდა აქვე დავძინო, რომ, სამწუხაროდ, ზოგიერთს ჰგონია, თითქოს ქართული ენა მარტო ლექსის და მოთხრობის მწერალთათვისაა განკუთვნილი. მშობლიურ ენას ჩვენს საზოგადოებრივ ყოველდღიურობაში ჯერ კიდევ არ აკისრია ის როლი, რაც მას საბჭოთა კონსტიტუციამ მიაკუთვნა. განსაკუთრებით მრეწველობაში და მშენებლობებზე ზოგიერთებს ურჩევნიათ ცუდად ილაპარაკონ და წერონ რუსულად, ვიდრე კარგად — ქართულად.

მაგრამ, მიუხედავად ამისა, როგორც აქ ბრძანა ნიკოლოზ ტიხონოვმა, ქართული ენა არ მოკვდება, არც დასუსტდება.


გამოცდილებით დავრწმუნდი, — ხანდახან მწერლის უშუალო ცოცხალი სიტყვა, შეხვედრა, თვით ნაწარმოებზეც კი მეტს ნიშნავს მკითხველისათვის. ასეთი შეხვედრები ჩვენში ხშირია და, უნდა ითქვას, ამის მოწყობა ორგანიზაციულად და ფიზიკურად ყოველთვის არც ისე ადვილია. მე ვერ გავიგე, რატომ არ არსებობს ჩვენში მწერალთა კავშირთან პროპაგანდის ბიურო, რომელიც დიდ სამუშაოს ასრულებს რუსეთის, უკრაინის და სხვა რესპუბლიკათა ლიტერატურულ ცხოვრებაში. მას მწერლისათვის მნიშვნელოვანი ეკონომიური დახმარების გაწევაც შეუძლია.

ამხანაგებო, დასასრულ კიდევ ერთხელ მინდა ვისარგებლო შემთხვევით და წუთით გადავუხვიო ლიტერატურულ საკითხს. შეგახსენებთ ერთ სამწუხარო ამბავს: გასული ზამთრის მოულოდნელმა სისასტიკემ მძიმე უბედურება დაატეხა თავს აჭარის მთის მოსახლეობას. ზემდგომმა პარტიულმა და საბჭოთა ხელმძღვანელობამ სწრაფად და ყოველნაირად იზრუნა დაზარალებულთა დასახმარებლად; ამისათვის მადლობა და მადლობა!

მაგრამ საჭიროა ერთხელ კიდევ დავაკვირდეთ და გავითვალისწინოთ, რომ ჩვენს მხარეში მოსახლეობა ძალზე იზრდება, მიწა კი მცირე ^{საქონლებში,} კაპან ადგილებზე დასახლება კი საშიშია.

მთავრობამ რამდენიმე ოჯახს გამოუყო მიწის ნაკვეთები მეზობელ რაიონებში, მაგრამ, ჩვენი ფიქრით, ეს საქმე უფრო გაბედულად უნდა კეთდებოდეს. ჩვენებური გლეხიკაცი მიწისა და შრომის დიდი მოყვარულია. მესხეთში თუ სხვა მეზობელ რაიონებში უამრავი თავისუფალი მიწაა. გავიყვანოთ ჩვენი მთის მოსახლეობის ნაწილი იქ, დავასახლოთ, იმუშაოს, იცხოვროს, შექმნას დოვლათი, დაეპატრონოს თავის ქართულ მიწას.

ჩვენს მწერლობაზე, ჩვენს ლიტერატურაზე დიდადაა დამოკიდებული ხალხის კულტურული ამაღლება, თაობის ერთიანი ეროვნულობის გრძობით აღზრდა. ჩვენ, ამ კარგი მიწის პატრონებმა, ამ ჩვენი ტკბილი საქართველოს შვილებმა, განსაკუთრებით მწერლობაში, უნდა ამოვიღოთ ჩვენი ლექსიკონიდან სიტყვა „აჭაური“, „იჭაური“. მამული ჩვენი ერთობლივი ბრძოლით, სისხლითა და ტანჯვით მოგვიპოვებია. მოვუაროთ მას და ისიც მოგვივლის.



შოთა ქაჩიძე

აღორძინებული სიტყვა

საუკუნეთა მანძილზე აჭარა, როგორც მესხეთის ერთ-ერთი ნაწილი, საქართველოს ეკონომიურად და კულტურულად დაწინაურებულ მხარეს წარმოადგენდა. საკმარისია ვთქვათ, რომ სწორედ აჭარამ მოგვცა გამოჩენილი ქართველი მეცნიერი და მწერალი ტბელი აბუსერიძე. მაგრამ მე-16 საუკუნიდან მოკიდებული აჭარის მდგომარეობა მკვეთრად შეიცვალა. იგი თანდათანობით ხელთ იგდეს ოსმალთა დამპყრობლებმა, რომლებიც მოსახლეობის სასტიკ ექსპლოატაციას როდი დასჯერდნენ და მისი ასიმილაცია, ეროვნული გადაგვარებაც განიზრახეს.

მთელი სამი საუკუნის განმავლობაში აჭარა გმირულად ებრძოდა უცხოელ დამპყრობლებს. ბოლოს დადგა ნანატრი ჟამი. რუს-ქართველთა მხედრობის დახმარებით იგი კვლავ შეუერთდა დედა-საქართველოს. ამ დღიდან

დაიწყო აჭარის ხელახალი აღორძინება. სულ მოკლე დროში ბათუმში გახდა საქართველოს ერთ-ერთი თვალსაჩინო სამრეწველო და კულტურული ცენტრი. აქ იბეჭდებოდა ქართული და რუსული წიგნები, გამოდიოდა გაზეთები, გაიხსნა სკოლები, ბიბლიოთეკა, თეატრი. აჭარაში სხვადასხვა დროს მოღვაწეობდნენ ქართველი ინტელიგენციის საუკეთესო წარმომადგენლები — დ. კლდიაშვილი, ი. მესხი, გრ. ვოლსკი, დ. კასრაძე; ხშირად ჩამოდიოდნენ ი. ჭავჭავაძე, ა. წერეთელი, ალ. ყაზბეგი, აგრეთვე გამოჩენილი რევოლუციონერები, მათ შორის: ალ. წულუკიძე, ფ. მახარაძე, ი. სტალინი. ბათუმი გადაიქცა რევოლუციური მოძრაობის მძლავრ კერად არა მარტო საქართველოში, არამედ მთელ ამიერკავკასიაშიც. უკვე ჩვენი საუკუნის დამდეგს აქ შეიქმნა ლენინურ-ისკრუ-



ლი მიმართულების სოციალ-დემოკრატიული კომიტეტი.

და მაინც, აპარამ თავი ვერ დააღწია ეკონომიურ და კულტურულ ჩამორჩენილობას. წინსვლისა და პროგრესის ტემპი ძლიერ ნელი იყო. ქართველი საზოგადოებრიობის ღონისძიებანი ამ მხრივ, მისი ძმური დახმარება საკმარისი არ აღმოჩნდა, მეფის მთავრობას კი არათუ არ აინტერესებდა აპარის ეკონომიური და კულტურული დაწინაურება, არამედ ყოველმხრივ ხელს უშლიდა და აბრკოლებდა მას. ცარიზმის კოლონიური პოლიტიკის ერთგული მოხელეები იქამდე მივიდნენ, რომ შეეცადნენ აეყარათ აპარის მოსახლეობა და გადაესახლებინათ მშობლიური მიწა-წყლიდან, ვითომცდა როგორც თურქები. გასაგებია, რომ სადაც კი ხელი მიუწვდებოდათ, ისინი სდევნიდნენ ყოველივე ქართულს, აფერხებდნენ მოსახლეობის ეროვნულ გათვითცნობიერებას.

ამ მხრივ ფრიად დამახასიათებელია „ბათომის გაზეთის“ დახურვის ისტორია. რეაქციულად განწყობილ ელემენტებს არ მოსწონდათ მისი მიმართულება, ეროვნულ-განმათავისუფლებელი იდეების პროპაგანდა და ვითომდა იმ მოტივით, რომ ვერსად იშოვეს ქართული ენის მცოდნე ცენზორი, დახურეს ერთადერთი ქართული პერიოდული ორგანო. ამავე დროს მათ თავი ვერ შეიკავეს და ბათუმიდან გაასახლეს გაზეთის ფაქტიური რედაქტორი სპ. კელი-

ძე, რითაც გამოააშკარავეს ბათომის გაზეთის“ დახურვის მიზეზი.

ასეთ ვითარებაში არათუ ძნელი, შეუძლებელიც კი იყო ლიტერატურისა და ხელოვნების ნამდვილი აღორძინება, აპარის კულტურული დაწინაურება. და თუ იგი მაინც წინ მიდიოდა და ვითარდებოდა, ეს იყო ცალკეულ პირთა თავდადების, უპირველეს ყოვლისა კი პროგრესული ქართველი ინტელიგენციის საუკეთესო წარმომადგენელთა მშობლიური ზრუნვის შედეგი. უკვე რევოლუციამდელ პერიოდში აღიზარდნენ და ფართო საზოგადოებრივი მოღვაწეობის ასპარეზზე გამოვიდნენ ისეთი თვალსაჩინო მწერლები და პუბლიცისტები, როგორიც იყვნენ ა. მიქელაძე, მ. და პ. აბაშიძეები, გ. კაიკაციშვილი, მ. ჭყონია, ხ. თხილაიშვილი და სხვ. როცა 1919 წელს საქართველოში იქმნებოდა მწერალთა პირველი ორგანიზაცია, გ. ტაბიძესთან, კ. მაყაშვილთან, ე. ბარნოვთან, ს. შანშიაშვილთან, კ. გამსახურდიასა და სხვებთან ერთად დამფუძნებელი კრების მუშაობაში მონაწილეობისათვის მიწვეული იყვნენ მემედ და ჰაიდარ აბაშიძეები. მარტო ეს ფაქტიც კმარა იმის ნათელსაყოფად, თუ რადიდი ნაბიჯი გადადგა აპარამ წინ კულტურული აღმავლობის გზაზე დედა-საქართველოსთან შეერთების შემდეგ.

მაგრამ მხატვრული სიტყვის ნამდვილი აღორძინება აპარაში

დაიწყო მხოლოდ საბჭოთა ხელი-
სუფლების დამყარების შემდეგ,
როცა საქართველოს ამ უძველესი
პროვინციის ეკონომიური და
კულტურული დაწინაურებისათვის
ზრუნვა სახელმწიფოებრივი
საქმე გახდა. გაიხსნა სკოლები,
კლუბები, ქონ-სამკითხველოები,
გაჩაღდა ბრძოლა წერა-კითხვის
უცოდინარობის ლიკვიდაციისათვის,
ახალი ყოფის დასაწერგავად.
ამავე დროს აშენდა ახალი ფაბრიკა-
ქარხნები, მთლიანად შეიცვალა
სტრუქტურა სოფლის მეურნეობამ
და მტკიცედ დაადგა აღმავლობის
გზას, გაფართოვდა ვაჭრობა,
ამაღლდა ხალხის მატერიალური
კეთილდღეობის დონე. ყველაფერი
ეს ქმნიდა მოსახლეობის კულტურული
დონის ამაღლების აუცილებელ
პირობებს და, მამასადამე,
ლიტერატურის განვითარების
მყარ საფუძველსაც. ერთი
მხრივ, დღითიდღე ფართოვდებოდა
მკითხველი აუდიტორია, ხოლო
მეორე მხრივ, იზრდებოდა
მწერალთა ახალი კადრები.

ლიტერატურის განვითარებისათვის
აჭარაში განსაკუთრებული მნიშვნელობა
ჰქონდა მწერალთა ახალი თაობის
აღზრდას. ჯერ ერთი, იმხანად
ბათუმში თითო-ორიოლა მწერალი
თუ ცხოვრობდა და ადგილობრივ
აღმანახებსა თუ ყურნალებში
ძირითადად თბილისელი მწერლები
მონაწილეობდნენ, შემდეგ (და ეს
არის მთავარი) ლიტერატურას უნდა
დაექმყოფილებინა ახალი მკითხველის
მოთხოვნები, გამოეხატა

ხალხის ინტერესები, სოციალისტების
მშენებელთა ფიქრები და გრძობები,
განემსკვალა მწიფე ხელის
ველი კომუნისტური მსოფლიო
ველობით და ამ დიდ საშვილი-
შვილო საქმეს, ისე, როგორც ყველგან,
სათავეში ჩაუდგა პარტიული
ორგანიზაცია.

სწორედ პარტიული ორგანიზაციის
ზრუნვის შედეგი იყო, რომ უკვე
ოციანი წლების დამდეგს ლიტერატურაში
შემოსვლა იწყებს გუშინდელმა
გლეხებმა და მუშებმა, რომლებმაც
თავის თავზე გამოსცადეს ძველი,
დუხჭირი ცხოვრების მთელი საშინელება,
გამსკვალული იყვნენ ლენინის იდეებით,
შეხაროდნენ ახალ ცხოვრებას და
გადმოგვცემდნენ სოციალურად და
სულიერად განთავისუფლებული
მშრომელის ფსიქოლოგიას, მის
საუკეთესო იდეებს.

ამ მხრივ ფრიად საგულისხმოა
ხასან (ხარიტონ) კომახიძის შემოქმედებითი
გზა. იგი გლეხი იყო, წერა-კითხვა
გვიან, 40 წლისამ ისწავლა. 1928 წელს
მან გამოსცა საინტერესო კრებული
„ფუხარას სიტყვა“. მართალია, ეს
სიტყვა მხატვრულად ძლიერი არ
ყოფილა, ისევე როგორც ბევრი მისი
თანამოკალმისა, მაგრამ მაინც იკვლევდა
გზას მკითხველის გულისაკენ,
რადგან უაღრესად გულწრფელი და
აღალი იყო, ადვილად გასაგები
მცირემკოდნე მკითხველისათვის.
აი ამიტომ პოელობდა იგი მხარდაჭერას,
თანაგრძნობას.

ცნობილი პარტიული მოღვაწე ერმილე ბედია, რომელიც იმჟამად ბათუმში მუშაობდა, „ფუხარას სიტყვის“ წინასიტყვაობაში ამის თაობაზე წერდა: „თავისებურია ხასან კომახიძის წიგნი როგორც შინაარსით, ისე თქმით, მაგრამ სასიამოვნო და სასუკუარია ის სწორედ ასეთი ფერადობით, რადგან მასში ბევრად მეტია ფუხარული სიახატე და მხურვალეობა, ვინემ დიდსა და ხელოვანი მგოსნის ფირუზოვან სიტყვებში. აჭარისტანის ფუხარა მუშა და გლეხი, თუ მოზარდი თაობა გაცილებით ღრმად შეიგრძნობს ხასან კომახიძის თქმასა და ნათქვამს, ვინემ სხვა ვინემ, თუ ვინდ „დიდი მწერალი“. ამიტომ არის, რომ მთელი ჩვენი გულწრფელი თანაგრძნობა ეკუთვნის ხასან კომახიძეს“.

მწერალთა ახალი კადრების აღზრდას დიდი ამაგი დასდო პარტიულმა გაზეთმა „ფუხარამ“, რომელსაც ცნობილი ქართველი პროლეტარული პოეტი ნოე ზომლეთელი ხელმძღვანელობდა. მის ფურცლებზე სისტემატურად იბეჭდებოდა ახალგაზრდა მწერლებისა და პოეტების მოთხრობები, ნარკვევები, ლექსები, წერილები ლიტერატურასა და ხელოვნებაზე. გავიდა რამდენიმე წელიწადი და შესაძლებელი გახდა აჭარაში პირველი მწერალთა ორგანიზაციის შექმნა (1927 წ.). ეს იყო საქართველოს პროლეტარულ მწერალთა ასოციაციის აჭარის განყოფილება. მის ბირთვს შეადგენდნენ პ. ლო-

რია, პ. რურუა, ვ. მახარაძე, თ. ლეჟავა, შ. კობახიძე, გრ. შავიშვილი, ჯ. ნოლაიდელი, დ. ბუთხაძე, ი. ჯ. თხილაიშვილი, გრ. ნუცუბიძე, ლ. შარაშიძე, ნ. მალაზონია, ნ. იმედაშვილი და სხვ.

მწერალთა ამ ორგანიზაციამ თვალსაჩინო როლი შეასრულა აჭარის ლიტერატურულ ცხოვრებაში, ხელი შეუწყო ლიტერატურული ძალების შემდგომ კონსოლიდაციას, ხალხის ცხოვრებისა და მწერლობის დაახლოებას, მათი კავშირის განმტკიცებას, მაღალი იდეურობისა და პარტიულობის პრინციპის დანერგვას. აქვე ისიც უნდა ვთქვათ, რომ პროლეტარულ მწერალთა ასოციაციის საქმიანობაში საერთო დადებითან ერთად იყო უარყოფითიც და 1932 წელს პარტიის ცენტრალური კომიტეტის დადგენილების შესაბამისად იგი დაიშალა. დაიშალა საქართველოს პროლეტარულ მწერალთა ასოციაციის აჭარის განყოფილებაც, სანაცვლოდ შეიქმნა საქართველოს მწერალთა კავშირის აჭარის განყოფილება, რომელიც დღესაც არსებობს და მწერალთა კავშირის 20-მდე წევრს, აგრეთვე ათობით ლიტერატორს აერთიანებს.

ოცდაათიანი წლები აღინიშნა ლიტერატურის ახალი მძლავრი აღმავლობით. სწორედ ამ პერიოდში შეიქმნა ჩვენი მხარის ცხოვრების ამსახველი პირველი რომანები (პ. ლორიას „ჩაი“, „დელი მურადი“), პოემები (ნ. მალაზონიას „გულიზარი“), პიესები (პ.

ლორის, ა. შერვაშიძის დრამატული ნაწარმოებები), შეიქმნა და განვითარდა ლიტერატურული კრიტიკა (ლ. შარაშიძე, ალ. ჩავლეიშვილი, ნ. პაიჭაძე). ლიტერატურაში მოვიდნენ ახალი ნიჭიერი კადრები: მ. ვარშანიძე, ნ. გვარიშვილი, გ. სალუქვაძე, კ. რუსიძე, უფრო მოგვიანებით კი ფრ. ხალვაში, ვ. კანდელაკი და სხვ.

მხატვრული სიტყვა შექმნა განვითარდა დიდი სამამულო ომის პერიოდში. შეიქმნა პატრიოტული სულისკვეთებით გაყვნილი ლექსები, პოემები, მოთხრობები, რომანები, დრამატული ნაწარმოებები, რომლებიც მასებს უნერგავდნენ ჩვენი საბოლოო გამარჯვების რწმენას, უღვივებდნენ სამშობლოს სიყვარულს, მტრის სიძულვილს, ფრონტისა და ზურგის მებრძოლებს შთააგონებდნენ გმირული საქმეებისათვის. ზოგიერთი მწერალი (მ. ვარშანიძე, შ. იოსელიანი) იარაღით ხელში ებრძოდა პიტლერელ დამპყრობლებს, ამავე დროს განაგრძობდა ნაყოფიერ ლიტერატურულ მოღვაწეობას. თამამად შეგვიძლია ვთქვათ, რომ ომის პერიოდში აჭარის მწერლობამ პირნათლად მოიხადა თავისი პატრიოტული მოვალეობა სამშობლოს წინაშე, ცხადყო იდეურ-მხატვრული მოწიფულობა, უსაზღვრო ერთგულება კომუნისზმის საქმისადმი, სოციალისტური სამშობლოსადმი. იგი იყო პარტიის ერთგული თანაშემწე, მისი დიადი იდეების პროპაგანდისტი.

ახალი თვალსაჩინო შემოქმედებითი წარმატებებით აღინიშნა ომის შემდგომი პერიოდი, განსაკუთრებით ბოლო ოცწლეული. ეს თვალნათლივ ცხადყო ჯერ კიდევ აჭარის ლიტერატურისა და ხელოვნების დეკადამ, რომელიც თბილისში გაიმართა 1957 წლის დამდეგს. დეკადას მოულოდნელი, მაგრამ სავესებით დამსახურებული დიდი წარმატება ხვდა. მისი შედეგები სპეციალურ სხდომაზე განიხილა საქართველოს მწერალთა კავშირის გამგეობის პრეზიდიუმმა და საჭიროდ ცნო აჭარას ჰქონოდა საკუთარი ლიტერატურულ-მხატვრული ორგანო. მალე, 1958 წლიდან, ბათუმში გამოსვლა იწყო ჟურნალმა „ლიტერატურული აჭარა“, რომელიც შარშან გადაკეთდა საქართველოს მწერალთა კავშირისა და მისი აჭარის განყოფილების ორგანოდ და ეწოდა „ჭოროხი“. უკვე მეცამეტე წელია გამოდის ეს ჟურნალი და საკმაო ავტორიტეტი მოიპოვა მკითხველსაზოგადოებრიობაში. იგი განუხრელად ახორციელებს ლიტერატურის ლენინური პარტიულობის პრინციპს და თვალსაჩინო წვლილი შეაქვს ლიტერატურის განვითარებაში. განსაკუთრებით დიდია მისი როლი ახალგაზრდა შემოქმედთა გამოვლინება-აღზრდაში.

აჭარის მწერლობა დღეს ქართული მხატვრული ლიტერატურის ერთი თვალსაჩინო შენაკადი, განუკვეთელი ნაწილია. მისი ძირითადი საზრუნავი მუდამ იყო

და არის თანამედროვეობის ასახვა. ჩვენი მწერლები თავიანთ უწმინდეს მოვალეობად და ღირსების საქმედ თვლიან მთელი ნიჭი და უნარი მოახმარონ პარტიის პოლიტიკის განუხრელად განხორციელებას, პარტია კი მოგვიწოდებს უფრო დავუახლოვოთ ლიტერატურა ხალხის ცხოვრებას, სიმართლით ავსახოთ ჩვენი გმირული თანამედროვეობა, კომუნიზმის მშენებელთა უმდიდრესი და უღამაზესი სულიერი სამყარო. ლიტერატურა ღრმად უნდა შეიჭრას ხალხის ცხოვრებაში და აქტიური მონაწილეობა მიიღოს ახალი ადამიანის აღზრდაში.

სწორედ თანამედროვეობა იყო და არის უფროსი თაობის მწერალთა შემოქმედების ძირითადი თემა, მწერლებისა, რომლებსაც განსაკუთრებული ამაგი მიუძღვით მხატვრული სიტყვის განვითარებაში. მათგან პირველ რიგში უნდა დავასახელოთ ბელეტრისტი პარმენ ლორია. იგი ერთ-ერთი ყველაზე პოპულარული მწერალია საქართველოში. მისმა რომანებმა „ჩაი“, „განთიადი ხევში“, „მეველუდი“, „შვილები“, „ნაირა“, „დაზვიდან დაზგამდე“, „საიმედო მომავალი“ და სხვ. მკითხველთა სიყვარული და საერთო აღიარება დაიმსახურა. მათი გმირები არიან ახალი ცხოვრებისათვის მებრძოლი ადამიანები, მუშები და კოლმეურნეები, რევოლუციონერები, რომლებიც მუდამ მზად არიან საკუთარი სიცოცხლეც კი შესწი-

რონ ხალხის, სამშობლოს ბედნიერებას.

გარდა რომანებისა, პარმენ ლორიამ გამოაქვეყნა ბევრი მოთხრობა, იუმორისტული ნაწარმოები, მცირე ფორმის დრამატული თხზულებები და პიესები „მეგობრობა“, „ნაირა“, „დინარა“, რომლებიც ილია ჭავჭავაძის სახელობის ბათუმის სახელმწიფო თეატრმა დადგა და დამსახურებული წარმატებაც ხვდათ. ახლანან პ. ლორიამ პიესად გადააკეთა თავისი ერთ-ერთი საუკეთესო რომანი „განთიადი ხევში“ („დეღი მურადი“), რომელშიც მწერალმა დიდი სიმართლით და ოსტატობით ასახა ბრძოლა საბჭოთა ხელისუფლების განმტკიცებისათვის აჭარაში. პიესა დადგა ბათუმის სახელმწიფო თეატრმა და სპექტაკლი არანაკლებ შთაბეჭდილებას ტოვებს, ვიდრე რომანი. მწერლის ბოლოდროინდელი ნაწარმოებებიდან ყურადღებას იქცევს აგრეთვე ორი მოთხრობა — „სართიჭალელი ჭაბუკი“ და „საით?“ მათგან პირველი მოთხრობა ეძღვნება ნაკლებად ცნობილ რევოლუციონერს, ლეგენდარული კამოს უახლოეს თანამებრძოლს გიგო მათიაშვილს. მეორე მოთხრობაში მწერალმა აღძრა ახალგაზრდობის აღზრდის, ადამიანის მორალური სახის ჩამოყალიბებასთან დაკავშირებული პრობლემები და საინტერესოდაც გადაწყვიტა არჩეული თემა.

გარკვეული წვლილი შეიტანა ლიტერატურის აღმავლობაში

ცნობილმა მუშა-პოეტმა პარმენ რურუამ. იგი ახალი ცხოვრების, განახლებული აჭარის, ჩვენი სოციალისტური სამშობლოს გულწრფელი მომდერალი იყო.

პ. რურუა სამწერლო ასპარეზზე გამოვიდა ჯერ კიდევ რევოლუციამდე, 1911 წელს, როცა „ბათუმის გაზეთში“ გამოაქვეყნა თავისი პირველი ლექსი „იმედი“. მას შემდეგ იგი სიცოცხლის უკანასკნელ დღემდე გულწრფელად ემსახურებოდა მშობლიურ ხალხს. შრომა და სიკეთე იყო მისი პოეზიის ძირითადი თემა. პოეტს ადამიანის ღირსების საზომად მუდამ მიაჩნდა პატიოსანი, თავდადებული შრომა, რომელშიც თითქოს სხეულდება ყოველგვარი სიკეთე — მატერიალურიც და სულიერიც. დიდი სამამულო ომის პერიოდში განსაკუთრებით მკაფიოდ გამოიკვეთა პ. რურუას პატრიოტული მისწრაფებანი, სოციალისტური სამშობლოს მხურვალე სიყვარული.

ნაყოფიერად მოღვაწეობდა პარმენ რურუა საბავშვო პოეზიაშიც. მან შექმნა ათობით საყმაწვილო ლექსი, აგრეთვე პოემები, რომელთაგან გამოირჩევა ხალხურ მოტივებზე აგებული ზღაპარი-პოემა „ნაცარქექია“. პოეტის ეს ნაწარმოები რუსულადაც ითარგმნა და ცალკე წიგნად გამოვიდა ბათუმში 1944 წელს.

საბჭოთა საქართველოს თანატოლა ნესტორ მალაზონიას პოეზია (პირველი ლექსი პოეტმა გამოაქვეყნა 1921 წლის აპრილში).

მისი ძალისა და ძლიერების წყარო მუდამ იყო და არის მშობლიური კავშირი თანადროულობასთან. დიდი კომუნისტური იდეურობა. ალბათ, გადაჭარბებული არ იქნება, თუ ვიტყვით, რომ ჩვენი ხალხის, ჩვენი ქვეყნის ცხოვრებაში არ ყოფილა ასე თუ ისე მნიშვნელოვანი მოვლენა, რომელსაც ნ. მალაზონია არ გამოხმაურებოდეს. ამდენად მისი შემოქმედება საბჭოთა საქართველოს, ჩვენი ხალხის შრომისა და ბრძოლის მხატვრული მატანეა. ეს თემატიკური აქტუალობა პოეტმა დღემდე შეინარჩუნა. სულ ცოტა ხნის წინათ მან გამოაქვეყნა მძაფრი პუბლიცისტური ლექსი, რომელიც მიუძღვნა ამერიკელ მშრომელთა თავისუფლებისათვის უშიშარ მებრძოლს, ზანგ კომუნისტ ქალს ანჯელა დევისს.

ლირიკულ ლექსებთან ერთად ნ. მალაზონიას ეკუთვნის რამდენიმე პოემა, მათ შორის აჭარის რევოლუციური წარსულის ამსახველი „გულიზარი“. ამ პოემის მნიშვნელობა არ ამოიწურება მისი იდეურ-მხატვრული ღირსებებით. იგი იყო პირველი პოემა, რომელიც აჭარაში დაიწერა და აჭარის ცხოვრებას ასახავდა.

პარალელურად ნ. მალაზონია დაუღალავად ემსახურება ნორჩ მკითხველებს და დღემდე საბავშვო ლექსების რამდენიმე კრებული გამოაქვეყნა. მისი ლექსები პატარებს უნერგავენ მაღალ ზნეობრივ თვისებებს, სოციალისტური სამშობლოს სიყვარულს.



სულ ახლახან ნ. მალაზონიამ კალამი სცადა პროზაში და ცალკე წიგნად გამოაქვეყნა ვრცელი მოთხრობა „ორი გასროლა“. მკითხველებს მოეწონათ აგრეთვე პოეტის ახალი პოემა „შავი ზღვის პირას“, რომელიც ბათუმელ მენავეთობეთა ცხოვრებას ასახავს.

ნ. მალაზონია კვალიფიციური მთარგმნელიც არის. იგი თარგმნის ქართულიდან რუსულადაც; მათ შორის საკუთარ ლექსებს.

უფროსი თაობის მწერალთაგან ყველაზე უმცროსია ამირან შერვაშიძე. თხუთმეტი წლისაც არ იყო იგი, როცა 1928 წელს ცალკე წიგნად გამოსცა პატარა მოთხრობა „ფატმა“. მართალია, ა. შერვაშიძე დღესაც მუშაობს პროზაში, ბევრი ისტორიულ-პუბლიცისტური და ლიტერატურულ-კრიტიკული სტატიის ავტორიც არის, მაგრამ უპირველეს ყოვლისა იგი დრამატურგია და მნიშვნელოვანი დამსახურებაც მიუძღვის ამ ჟანრის განვითარებაში.

ა. შერვაშიძის პიესების უმრავლესობა აჭარის სინამდვილეს ასახავს („ოქროს სამაჯურები“, „მზე“, „პატარა შეცდომა“, „სიმღერა შევარდენზე“ და სხვა). მათგან განსაკუთრებით მნიშვნელოვანია ისტორიულ-რევოლუციური დრამა „მზე“, რომელიც აჭარაში საბჭოთა ხელისუფლებისათვის ბრძოლის საინტერესო ეპიზოდებს გადმოგვცემს.

დიდი სამამულო ომის წლებში ა. შერვაშიძემ დაწერა ისტორიულ-პატრიოტული დრამა „მხე-

დართმთავარი ბავრაციონი“, რომელიც დღემდე რჩება დრამატურგის საუკეთესო ნაწარმოებად. ეს პიესა წარმატებით იღვებოდა ი. ჭავჭავაძის სახელობის ბათუმის სახელმწიფო თეატრში.

მწერალი ორგანულად განიცდის არა მარტო მშობლიური, არამედ სხვა მოძმე ხალხების სიხარულსა თუ ტკივილებს. ორი პიესა მიუძღვნა მან უკრაინელი ხალხის ცხოვრებას — „კრავჩუკის ცრემლები“ (1940 წ.), რომელიც თავის დროზე უკრაინის ოცამდე თეატრმა დადგა, და „ლესია“. ამ პიესას დიდი წარმატება ხვდა გამოჩენილი უკრაინელი პოეტის დაბადების ასი წლისთავისადმი მიძღვნილ კონკურსში. იგი უკვე დადგა ლესია უკრაინკას მშობლიური ქალაქის — როვნოს თეატრმა, დასადგმელად ამზადებენ სხვა თეატრებიც.

დიდი წარმატება ხვდა აგრეთვე ა. შერვაშიძის ჰეროიკულ დრამას „ვივა კუბა“. 1962 წელს იგი სევასტოპოლის თეატრის დადგმით გადასცა ცენტრალურმა ტელევიზიამ და ჩვენი ქვეყნის მილიონობით მასურებელმა ნახა.

უფროსი თაობის მწერალთა მხარიმხარ ნაყოფიერად იღვწიან პოეტები ნ. გვარიშვილი, გ. სალუქვაძე, ფრ. ხალვაში, რომლებიც ომის წინ და ომის პერიოდში გამოვიდნენ სამწერლო ასპარეზზე.

ნანა გვარიშვილი პირველი პროფესიონალი აჭარელი პოეტი ქალია. მისი პოეზიის მთავარი თემაა

აქარელი ქალი, ახალი ყოფაცხოვრება, მშობლიური ბუნება, სიყვარული. პოეტმა ქალმა თვალსაჩინო წვლილი შეიტანა საყმაწვილო ლიტერატურის განვითარებაშიც. ფართოდ არის ცნობილი მისი საბავშვო პოემა „ზღაპარი „დედა-ენაზე“, აგრეთვე ლექსები და პოემები „თითისტოლა“, „მელია და წიწილა“, „ორი კიჭი“. ბოლო დროს ნ. გვარიშვილმა თავი გამოიჩინა როგორც მთარგმნელმაც, თარგმნა თურქი პროგრესული პოეტების ლექსები და გიუნ-თექინის რომანი „ნარჩიტა“.

მრავალფეროვანი თემატიკით გამოირჩევა გიორგი სალუქვაძის ლირიკა. აქტუალურ საზოგადოებრივ პრობლემებთან ერთად პოეტს იზიდავს ინტიმური თემებიც, რომლებსაც თავისებურად, ორიგინალურად წყვეტს. მისი პოეზიის ლირიკული გმირი საბჭოთა სინამდვილით შთაგონებული თანამედროვე ადამიანია, რომელსაც მშვიდობა, შრომა და სიკეთე თავისი სიცოცხლის უმაღლეს მიზნად მიაჩნია. ბუნებრივია, ამის გამო მისი ინტიმიც საზოგადოებრივად ღირებულია. ეს განსაკუთრებით მკაფიოდ ჩანს პოეტის ლექსების ბოლო კრებულში „ღღე“.

გ. სალუქვაძეს მკითხველი იცნობს აგრეთვე როგორც ნიჭიერ საბავშვო პოეტსა და მთარგმნელს. შარშან მან ცალკე წიგნად გამოსცა ს. ესენინის ლექსები და პოემები, თარგმნა აგრეთვე რუსი საბჭოთა პოეტების, კორნელის, რასინის, კალდერონის ნაწარმოებები.

ოცზე მეტი წიგნის ავტორია ფრიდონ ხალვაში. მისი ლექსები „გენაცვალე“, „მე არ ვიქნებოვარ“ და ბევრი სხვა ფართო პოპულარობით სარგებლობენ მკითხველ საზოგადოებრიობაში. ახლახან მან გამოაქვეყნა კიდევ ერთი მშვენიერი ლექსი „იანანა“.

ფრ. ხალვაშის პოეზიაში დიდი ადგილი უკავია „მოგზაურულ“ ლექსებს. პოეტი იყო ევროპის, აზიის, ამერიკის ქვეყნებში და თავისი შთაბეჭდილებები გაგვიზიარა ლექსების რამდენიმე ციკლში. ყველაზე სრულად ეს თემა წარმოდგენილია ფრ. ხალვაშის ლექსების ბოლო კრებულში „ნუგეში“, რომელსაც მკითხველთა და ლიტერატურული კრიტიკის მოწონება ხვდა.

ლექსებთან ერთად პოეტმა გამოაქვეყნა რამდენიმე მოთხრობა და რომანი „საყვედური“. თავისი წვლილი შეიტანა ფრ. ხალვაშმა დრამატურგიის განვითარებაშიც. მან დაწერა სამი პიესა, რომლებიც წარმატებით იდგმებოდა ბათუმის „სახელმწიფო თეატრის სცენაზე. დრო და დრო იგი თარგმნის აგრეთვე რუსი და თურქი პოეტების ცალკეულ ნაწარმოებებს.

ომისშემდგომ პერიოდში, როგორც აღვნიშნეთ, სწრაფად განვითარდა ლიტერატურის ყველა ძირითადი დარგი, უპირველეს ყოვლისა კი პროზა. პ. ლორიას მხარში ამოუდგა პროზაიკოსთა ახალი თაობა, რომელმაც ცოტა როდი გაკეთა ჩვენი სინამდვილის მხატვ-

რული ასახვისათვის და ბევრი სა-
ინტერესო ნაწარმოები შექმნა.

დიდი შემოქმედებითი ნაყოფი-
ერებით გამოირჩეოდა აჭარაში
მოღვაწეობის დროს პროზაიკოსი
კაპიტანი რუსიძე. მან ზედღზედ გა-
მოაქვეყნა რომანები „მოუსვენარი
ადამიანები“, „ბეწვის ხიდზე“,
„ნაზიბროლა“, „კიდილი მთებ-
ში“, აგრეთვე მოთხრობების კრე-
ბული „კაეის ნატეხი“. ამ ნაწარ-
მოებებში მწერალმა არაერთი საი-
ნტერესო მხატვრული სახე შექ-
მნა.

წარმატება ხვდა იუსუფ ფაღა-
ვას გაბედულ ცდას — მან პირვე-
ლმა ქართულ პროზაში ასახა აჭა-
რის შორეული წარსული, აჭარე-
ლთა ბრძოლა უცხოელ დამპყრო-
ბთა წინააღმდეგ, დედა-საქართვე-
ლოსთან კვლავ შეერთებისათვის.
ახლა ჩვენში ძნელად თუ იპოვით
მკითხველს, რომელიც არ იცნობ-
დეს ი. ფაღავას ისტორიულ რომა-
ნებს „ჩაუქმქრალი კერა“ და „ქედ-
უხრელნი“. ყურადღება მიიქცია
აგრეთვე მწერლის საბჭოთა სინამ-
დვილის ამსახველმა რომანებმა.

ქართული სოფლის ცხოვრება
არის მიხეილ გორგილაძის შემოქ-
მედების ძირითადი თემა. მწე-
რალს განსაკუთრებით იზიდავს
სოციალურ-ზნეობრივი პრობლე-
მები. ეს კარგად ჩანს მოთხრობე-
ბის ბოლო კრებულშიც „სოფლის
აღმართი“.

გამომცემლობა „ნაკადლის“
პრემიით აღინიშნა ალ. ჩხაიძის სა-
ყმაწვილო მოთხრობა „როცა ბავ-

შვობა მთავრდება“. პრემია მიიღო
ქა მწერლის მეორე მოთხრობით
„მეგობრობა“. ბოლო წლებში
ნძილზე თვალსაჩინო ადგილი და-
იკავა ალ. ჩხაიძის პროზაში ზღვის
თემამ (მოთხრობები „ზღვისპირა
ქალაქში“, „ზღვის შვილი“, „ზღვა
და ოთხი ქალიშვილი“).

ნიჭიერი იუმორისტი მწერლის
სახელი დაიმკვიდრა ალექსანდრე
სამსონიამ. ფართოდ არის ცნობი-
ლი მისი ვრცელი მოთხრობები
„ჩემი შვილი სიმონი“, „ზღვა, მზე
და სიყვარული“, მოთხრობების
კრებული „ჩვენ ნიჭიერები ვართ“
და სხვა.

პროზის განვითარებაში თავიან-
თი წვლილი შეაქვთ პოეტებსაც.
მათ შორის ნ. მაღაზონიას, ფრ.
ხალვაშს, ჯ. ჯაყელს, შ. როყვას.
ჯემალ ჯაყელს ეკუთვნის რომანე-
ბი „გულის საუნჯე“ და „მზე მაღ-
ლა იქნება“, აგრეთვე მოთხრობე-
ბი, ხოლო შოთა როყვა უპირატე-
სად იუმორისტულ-სატირულ მო-
თხრობებს წერს.

სასიხარულოა, რომ პროზაიკო-
სთა რიგებს განუწყვეტლივ ემა-
ტება ახალი ძალები. ომისდროინ-
დელი ქართული სოფლის ამსახვე-
ლი რომანი დაწერა ომის ვეტე-
რანმა, ყურნალისტმა გიორგი ლო-
რთქიფანიძემ. ნაყოფიერად მოღ-
ვაწეობენ ნ. მოდებაძე, გ. სანაღი-
რაძე, ნ. ძირკვაძე, ჯ. ხოფერია, ნ.
ჟღენტი და სხვ.

თანამედროვეობა, ჩვენი ყოვე-
ლდღიური ცხოვრება, ბრძოლა
მშვიდობისა და კომუნისმისათვის

შთაავონებს პოეტებს ჯემალ ჯაყელს. შოთა როყვას, ქსენია მჟავიას, ლადო სეიდიშვილს, რევაზ ართილაყვას, ჯემალ ქათამაძეს, ზურაბ გორგილაძეს. მათ განსხვავებული ხმა, საკუთარი რაკურსი, ინდივიდუალობა აქვთ, მაგრამ საერთო იდეური მრწამსი და საერთო მიზანი აახლოებს ერთმანეთთან.

ღრმა პატრიოტული გრძნობითაა გამსჭვალული შოთა როყვას პოეზია. პოპულარობით სარგებლობენ მისი იუმორისტულ-სატირული ლექსები, რომელშიც პოეტი დასცინის სინამდვილის უარყოფითს მოვლენებს. ჯ. ჯაყელს განსაკუთრებით იზიდავს სოციალურ-ეთიკური პრობლემები, თუმცა მის პოეზიაში დიდი ადგილი უკავია პატრიოტულ მოტივსაც. ლ. სეიდიშვილის ლექსები გამოირჩევა პლასტიკურობით, განზოგადებისაკენ მისწრაფებით. მისთვის ცხოვრებისეული ფაქტი იმდენად არის ღირებული, რამდენადაც მოვლენის, მთელის შემადგენელ ელემენტს წარმოადგენს. ქართულ ხალხურ პოეზიასთან უშუალო კავშირი იგრძნობა ქს. მჟავიას, ჯ. ქათამაძის, რ. ართილაყვას ლექსებში. თემატიკურად მრავალფეროვანია ზ. გორგილაძის პოეზია. მის ლირიკულ გმირს ყველაფერი აინტერესებს, რითაც კი ცხოვრობს თანამედროვე ადამიანი. ბევრს მოველოდით უღროოდ დაღუპული ნიჭიერი პოეტის ლევან გელაძისაგან. მან

არაერთი შესანიშნავი პატრიოტული ლექსი დაგვიტოვა, რომლებიც დღესაც განაგრძობენ სიცოცხლეს

აქვე უნდა დავასახელოთ ი. მელია, შ. ზოიძე, ც. ანთაძე და სხვები.

ომისშემდგომ პერიოდში განსაკუთრებით სწრაფად განვითარდა დრამატურგია. ახლა ჩვენი დრამატურგების პიესები საქართველოსა და მოძმე რესპუბლიკების ბევრ თეატრში იღვმება.

რამდენიმე საინტერესო პიესა დაწერა ბათუმში მოღვაწეობის დროს ვალერიან კანდელაკმა. მათგან საუკეთესოა ჰეროიკული კომედია „მაია წყნეთელი“. იგი საქართველოს ბევრმა თეატრმა დადგა და ყველგან უამრავი მაყურებელი ჰყავდა. კომედია გადაიღეს კინოფირზეც.

ცენტრალური პრესის, მათ შორის გაზეთ „პრავდის“ მაღალი შეფასება დაიმსახურა ალექსანდრე ჩხაიძის დრამამ „ხიდი“, რომელიც თანამედროვეობას ასახავს. იგი ჩვენი ქვეყნის ბევრ თეატრში დაიდგა. რესპუბლიკური მეორე პრემია დაიმსახურა დრამატურგის პიესამ „მომავალ შეხვედრამდე“, რომელიც შემდეგ მარჯანიშვილის სახელობის თეატრმა დადგა. აღ. ჩხაიძეს ეკუთვნის აგრეთვე პიესები „იზუზუნე, ფუტკარო“, „როცა ბავშვობა მთავრდება“ და სხვა.

საქართველოს ბევრ თეატრში დაიდგა შოთა როყვას დრამა „დე-

და“. დრამატურგის დამსახურებად უნდა მივიჩნიოთ, რომ იგი სკეტჩებით, ვოდევილებით, „მცირეფორმიანი“ დრამატული იუმორისტული ნაწარმოებებით ამდიდრებს ჩვენი დრამატული კოლექტივების ჯერჯერობით ღარიბ რეპერტუარს.

250-ჯერ დაიდგა ბათუმის თეატრის სცენაზე ალ. სამსონიას კომედია „ჩემი შვილი სიმონი“. ამავე თეატრში წარმატებით მიდიოდა მისივე პიესები „ზღვა და სიყვარული“ და „ძველი ქოლგა“. ახლახან დრამატურგის კომედია „ვაჩე ვაჩეიშვილი და სხვები“ დასადგმელად მიიღო მარჯანიშვილის სახელობის თეატრმა.

მთელი მსოფლიო მოიარა მხატვრულმა ფილმმა „ჯარისკაცის ქალი“, რომელიც ბათუმელი კინოდრამატურგის სულიკო ჟღენტის სცენარის მიხედვით შექმნა „ქართულმა ფილმმა“. ახალი დიდი გამარჯვება მოიპოვა ს. ჟღენტმა ვ. ი. ლენინის დაბადების ასი წლისთავისადმი მიძღვნილ სრულიად საკავშირო კონკურსში. მისმა სცენარმა „დედის ოცნება“ პირველი პრემია მიიღო.

ასეთია გზა, რომელიც მხატვრულმა ლიტერატურამ განვლო აჭარაში საბჭოთა ხელისუფლების ნახევარსაუკუნოვანი ისტორიის მანძილზე, და მისი თანამედროვე მდგომარეობა.





აპელ სუკუნიძე

ლენინი საქართველოში სოციალისტური მშენებლობის ამოცანების შესახებ

საბჭოთა ხელისუფლების დამყარების შემდეგ საქართველო ჩაება სოციალისტური მშენებლობის ფერხულში. ამ საქმეში ქართველ მშრომელებს დიდად დაეხმარა ლენინი. საქართველოს კომუნისტებისადმი გამოგზავნილ წერილებში მან მოგვცა საყურადღებო მითითებები, რომლებიც ქვეყნის პოლიტიკური და ეკონომიური ცხოვრების ღრმად შესწავლის საფუძველზე შეიმუშავა. არსებითად ეს იყო სოციალისტური მშენებლობის დაწყების გეგმა, რაც ძირითადად აღმოცემულია ლენინის 1921 წლის 2 მარტისა და 14 აპრილის ცნობილ წერილებში (ტ. 32, გვ. 189-190, 397-400).

ამ წერილებში ლენინმა უპირველესად საქართველოს თავისებურებებზე გაამახვილა ყურადღება, რამდენადაც ჩვენს ქვეყანას რუსეთისაგან განსხვავებულ პირობებში უხდებოდა სახალხო მე-

ურნეობის აღდგენა. მართალია, მას შეეძლო გამოეყენებია „მთელი ის მდიდარი გამოცდილება, რომელსაც იძლევა საბჭოთა ხელისუფლების პრაქტიკა რუსეთში“, მაგრამ აუცილებელი იყო „1917-1921 წლების გამოცდილების არა ანბან-სიტყვა“, არა „რუსული შაბლონის“ ბრმად გადმოღება, არამედ „სული, აზრი, გაცვეთილები“. ლენინის ასეთი მითითება საქართველოს კონკრეტული ვითარების გათვალისწინების შედეგია. შინაური და გარეშე მტრების მოსალოდნელი შემოტევის შემთხვევაში ქვეყანა ახლა მარტო აღარ იყო. მას შეეძლო საბჭოთა რუსეთის დახმარების იმედი ჰქონოდა, მაშინ როცა ამ უკანასკნელს, ლენინის სიტყვით, „არსად არ ჰქონია პოლიტიკური და სამხედრო დახმარება“. შემდეგ, ამ დროისათვის საერთაშორისო ურთიერთობაც ხელსაყრელი იყო სოციალისტური მშენებლობისათ-

ვის ჩვენ, ლენინის მითითებით, „კაპიტალიზმის კედლის შენგრევა აღარ“ გეჭირდებოდა. თანაც, ინტერვენციისა და სამოქალაქო ომის წლებში იმპერიალიზტებმა „ხელეუბნი მოიწვეს“ რუსეთზე და ამის გამო საქართველოზე აშკარა შემოტევას ვერ გაბედავდნენ. მაშასადამე, „ევროპაც და მთელი მსოფლიოც 1921 წელს ის აღარაა, რაც 1917 და 1918 წლებში იყო“. ამასთან, ჩვენი ქვეყანა უფრო გლეხური იყო, ვიდრე რუსეთი. სამაგიეროდ ამ უკანასკნელზე უკეთ შეეძლო „უფრო სწრაფად და უფრო ადვილად მოეგვარებინა „თანაცხოვრება“ და საქონელგაცვლა კაპიტალიზტურ დასავლეთთან“. მართალია, ეს არ იყო „ყველა ძირითადი თავისებურება“, მაგრამ აღნიშნულიც კმაროდა იმის გასაგებად, რომ საქართველოში „აუცილებელია სხვაგვარი ტაქტიკა“. ლენინი აქვე მიუთითებდა ამ „სხვაგვარი ტაქტიკის“ ძირითად პრინციპებს: „აუცილებელია ქართველი ინტელიგენციისა და წვრილი ვაჭრების მიმართ დათმობათა განსაკუთრებული პოლიტიკა“; „მეტი სირბილე, სიფრთხილე და დამთმობლობა წვრილი ბურჟუაზიის, ინტელიგენციის და განსაკუთრებით გლეხობის მიმართ“. და შემდეგ: „უფრო ნელი, უფრო ფრთხილი, უფრო სისტემატური გადასვლა სოციალიზმზე — აი რა შესაძლებელი და აუცილებელი კავკასიის რესპუბლიკებისათვის

რუსეთის სფს რესპუბლიკისაგან განსხვავებით“.

აქედან გამომდინარე ქართველი კომუნისტების წინაშე დასახა რიგი ღონისძიებანი, რომელთა შორის უპირველესი იყო ქართული წითელი არმიის შექმნა. „საჭიროა დაუყოვნებლივ შევაიარალოთ მუშები და უღარიბესი გლეხები და ამნაირად შევექმნათ საქართველოს მტკიცე წითელი არმია“. აღნიშნავდა რა ამ საკითხის მნიშვნელობას, ლენინი შემდეგ მიუთითებდა: „აქ ხუმრობა არ შეიძლება, ეს პოლიტიკურად აბსოლუტურად აუცილებელია“. ამ დირექტივის საფუძველზე 1922 წლის მარტში ბათუმში შეიქმნა წითელი ბრიგადა, რომელიც შემდეგ ქართული დივიზიის ბირთვი გახდა.

ლენინი ყურადღებას აქცევდა ახლადშექმნილი არმიის განმტკიცებასაც. „აბსოლუტურად აუცილებელია, — სწერდა იგი ს. ორჯონიკიძეს, — რომ საქართველოს საბჭოების ყრილობამ მიიღოს გადაწყვეტილება საქართველოს წითელი არმიის უეჭველი გაძლიერების შესახებ და რომ ეს გადაწყვეტილება ნამდვილად შესრულდეს... ეს პოლიტიკურად აბსოლუტურად აუცილებელია, და როგორც თქვენ პირადად, ისე საქართველოს ცენტრალური კომიტეტი პასუხს აგებთ ამისათვის მთელი პარტიის წინაშე“. ამ მიზნით ლენინმა მოითხოვა სამხედრო კურსა-

ნტთა სკოლის შექმნა. საჭიროა „2-3 ათასი წითელი კურსანტი, აქედან ათას ხუთასი კომუნისტი, რომ ამ კურსანტებს (როგორც კადრებს) შეეძლოთ არმიად გამ-ლა. როცა ეს საჭირო გახდება, — ეს აბსოლუტურად აუცილებე-ლია“.

საქართველოს თავდაცვისუნა-რიანობის განმტკიცებასთან ერ-თად ლენინი ყურადღებით ეკიდე-ბოდა ქვეყნის სახალხო მეურნეო-ბის აღდგენას. კერძოდ, მნიშვნე-ლოვან ღონისძიებებს სახავდა მი-წათმოქმედების შემდგომი განვი-თარების უზრუნველს აყოფად. სოციალიზმზე გადასვლის გაად-ვილების მთავარ პირობად მას მორწყვა მიაჩნდა: „მორწყვას განსაკუთრებით დიდი მნიშვნე-ლობა აქვს, რათა ავამაღლოთ მიწათმოქმედება და მესაქონლეო-ბა რადაც უნდა დაჯდეს“. იგი და-ბეჯითებით აღნიშნავდა, რომ „მო-რწყვა ყველაზე მეტად საჭი-როა“, რადგანაც „ყველაზე უფ-რო გარდაქმნის მხარეს, აალო-რძინებს მას, დაასამარებს წარ-სულს, განამტკიცებს სოციალი-ზმზე გადასვლას“. ამ მითი-თებას უდიდესი მნიშვნელობა ჰქონდა სოფლის მეურნეობის შე-მდგომი განვითარებისათვის, რამ-დენადაც უვარგისი ფართობების ათვისების პრაქტიკულ მოთხოვნას წარმოადგენდა. ამის საფუძველზე ჩვენში ფართო საირიგაციო სამუ-შაოები დაიწყო, რამაც მალე სა-ყოველთაო ხასიათი მიიღო. მაშინ საბჭოთა მთავრობამ დახმარების

სახით საქართველოსათვის გაიჭო-ერთ მილიონ მანეთამდე. ამის შე-დეგად უკვე 1922 წლისათვის სოფ-ლი დატვირთვით ამოქმედდა მთე-რი ძველი არხი, ხოლო მომდევნო წლებში გაიჭრა ახალიც.

ცნობილია, რომ საქართველოში საბჭოთა ხელისუფლება მაშინ და-მყარდა, როცა რუსეთი სამხედრო კომუნისზმიდან ნეპზე გადადიოდა. ამიტომ ქართული სოფელი ერთ-ბაშად მოექცა ახალი ეკონომიური პოლიტიკის პირობებში. ეს დადე-ბითი მოვლენა იყო და მას ჩვენში მოჰყვა მუშათა კლასისა და გლე-ხობის კავშირის შემდგომი განმტ-კიცება. მაგრამ ნატურალურმა სა-სურსათო გადასახადმა, რაც დასა-ბეგრი ობიექტების გაუთვალისწი-ნებლად ზაფხულში მინდვრის სა-მუშაოების დამთავრების შემდეგ შემოიღეს, სოფლად მნიშვნელო-ვანი გართულებანი გამოიწვია: შე-მცირდა საქონელგაცვლა, გლეხი მოწყდა ბაზარს, შენელდა ფულის ტრიალი და სხვ. გაიგო რა შექმნი-ლი ვითარება, ლენინმა სასურსა-თო კომისარიატის რწმუნებულს 1921 წლის 7 ივლისს მისწერა: „ვითვალისწინებ რა საქართველოს მძიმე სასურსათო მდგომარეობას, წინადადება გექლევათ ივლისის განმავლობაში გაგზავნოთ თბილი-სში 100.000 ფუთი პური“. ამის გარდა, საქართველომ რუსეთისა-გან მიიღო 80.000 ფუთი სიმინდი, 15 ვაგონი შაქარი, 600 ვაგონი მა-რილი, ფართო მოხმარების სა-ქონელი და სხვ. ქართული სოფ-ლისადმი ლენინის ყურადღება

ამით არ ამოწურულა. თავის წე-
რბილებში იგი არაერთგზის მოით-
ხოვდა: „ერთბაშად ეცადეთ გააუ-
მჯობესოთ გლეხთა მდგომარეო-
ბა“.

სახალხო მეურნეობის გარდაქ-
მნისათვის ბრძოლაში ლენინი დიდ
მნიშვნელობას ანიჭებდა ქვეყნის
ელექტროფიკაციას. ამიტომ ქართ-
ველ კომუნისტებს ურჩევდა: „მთე-
ლი ძალღონით განავითარეთ მდი-
დარი მხარის საწარმოო ძალები,
თეთრი ნახშირი“. რისთვისაც საჭი-
როა დაუყოვნებლივ „დაიწყეთ
ელექტროფიკაციის დიდი სამუშა-
ოები“. კიდევ მეტი, მან რუსეთის
შესაბამის ორგანოებს მოსთხოვა:
„ახლავე დამყარდეს უმჭიდროესი
კონტაქტი საქართველოსთან ელ-
ექტროფიკაციის მიზნით საქართვე-
ლოს მდინარეთა ძალების გამო-
ყენების გეგმის თაობაზე“. ამის
შედეგად, საქართველოს ელექტ-
როფიკაციისათვის გამოყვეს ჯერ
750 ათასი მანეთი, ხოლო შემდეგ
მილიონი მანეთი (ოქროთი). უკვე
1922 წლიდან გაჩაღდა დიდი სა-
მუშაოები: საფუძველი ჩაეყარა
ზაპესს, საქართველოს სხვადასხვა
რაიონში დაიწყეს ელექტროსად-
გურების მშენებლობა, რამაც ია-
ფი ენერჯია მიაწოდა სოფლის მე-
ურნეობასა და მრეწველობას.

ლენინი კარგად იცნობდა საქა-
რთველოს მდიდარ წიაღისეულ სი-
მდიდრეებსაც. იგი აღნიშნავდა:
„ნავთი, მარგანეცი, ქვანახშირი
(ტყვარჩელის მაღაროები), სპი-
ლენჯი — ასეთია უდიდეს სამთა-
მადნო სიმდიდრეთა ოდნავადაც

არასრული სია“. ლენინი ხელახლა
რომ საქართველოს სახალხო მეურ-
ნეობაში შექმნილი დეფიციტის
ბეჭების გადალახვა საკუთარი ძალებით
მეტად რთული იყო. ამიტომ
დასაშვებად მიაჩნდა საბჭოთა ხე-
ლისუფლებისათვის მისაღებ პი-
რობებში ჭიათურის მარგანეცის
საბადო კონცესიის სახით გადაეცა
უცხოეთის ფირმებისათვის. ამას,
როგორც ლენინი აღნიშნავდა, მუ-
შათა კლასისათვის უნდა მიეცა
სურსათი და წარმოების ხელმძღ-
ვანელობის ცოდნა, დაეჩქარებინა
ბუნებრივ სიმდიდრეთა დამუშავე-
ბა-გამოყენება და სხვ. ამიტომ
მოითხოვდა: „ეკონომიური მხრივ
ყოველნაირად, გაძლიერებოთ,
სწრაფად გამოვიყენოთ კაპიტალი-
სტური დასავლეთი კონცესიებისა
და საქონელგაცვლის პოლიტიკა-
ში“. ლენინი შემდეგ წერდა: „და-
აჩქარეთ საზღვარგარეთიდან პუ-
რის შემოტანა საქართველოში კო-
ნცესიების (მარგანეცი) და სხვ.
სანაცვლოდ“.

საგულისხმოა, რომ ლენინი თა-
ნახმა იყო კონცესიების არამართო
გაცემისა, არამედ აღებისაც. ს.
ორჯონიკიძისადმი 1921 წლის 17
ივლისს გამოგზავნილ ბარათში
ლენინი აღნიშნავდა: „ჩვენთვის გა-
ნსაკუთრებულ მნიშვნელობა ექ-
ნებოდა თურქებისაგან კონცესიად
მიგველო ბათუმის სამხრეთით მდებ-
არე სპილენძის საბადოები, რომე-
ლიც მათ ხელში გადავიდა. მა-
ცნობეთ გადადგმულია თუ არა ნა-
ბიჯები და როგორი“. ბათუმის სა-
მხრეთით არსებული სპილენძის

საბადოები, რომლებზეც აქ წერს ლენინი, მურღულის ხეობაში მდებარეობს. 1921 წელს იგი დარჩა თურქეთის საზღვრებში. ახლა, მძიმე მრეწველობის აღდგენისათვის ბრძოლაში. დიდი მნიშვნელობა ჰქონდა აქაური მალახარისხოვანი სპილენძის მიღებას. ამიტომ საბჭოთა საქართველოს მთავრობამ, ლენინის მოწერილობის საფუძველზე, მოლაპარაკება დაიწყო თურქეთის წარმომადგენლებთან, მაგრამ უშედეგოდ — საბადოების კონცესიით მიღება არ მოხერხდა.

საერთოდ კონცესიების გაცემის თუ მიღების მოგვარებას ლენინი დიდ ყურადღებას აქცევდა. ამიტომ ს. ორჯონიკიძეს დაწვრილებით ცნობებს თხოვდა კონცესიების საქმის მსვლელობის შესახებ, რამდენადაც მის დადებით გადაწყვეტას „უდიდესი მნიშვნელობა აქვს საქართველოსათვის და რუსეთისათვის“.

სახალხო მეურნეობასა და საერთოდ ქვეყნის ეკონომიურ განვითარებაში ლენინი დიდ მნიშვნელობას აკუთვნებდა „საოლქო მეურნეობის ცენტრის“ შექმნას. 1921 წლის 2 აპრილს იგი წერდა: „აუცილებელია საოლქო სამეურნეო ცენტრი, რომელიც დამოუკიდებლად, სწრაფად, გაუჭიანურებლად გაუძღვება საქმეს“. ეს კი ნიშნავდა ამიერკავკასიის რესპუბლიკების გაერთიანებას ფედერაციად, რაც გულისხმობდა ერთიანი საგარეო ვაჭრობისა და ფულადი სისტემის შემოღებას, ეკონომიურ ღონისძიებათა საერთო გეგმით განხორ-

ციელებას და სხვ. ამას უდიდესი მნიშვნელობა ექნებოდა განვითარების სხვადასხვა დონეზე მდგომარესპუბლიკების ეკონომიკის შემდგომი წინსვლისათვის. ამიტომ ლენინი დაბეჯითებით მოითხოვდა მის განხორციელებას. 1921 წლის 12 აპრილს მან სპეციალურად აღნიშნა, რომ აუცილებელია ამიერკავკასიის რესპუბლიკების გაერთიანება, რადგან „ნავთობს აწარმოებს აზერბაიჯანი“, რომელიც აუცილებლად „გატანილი უნდა იქნას ბათუმით, საქართველოს ტერიტორიით“. მართლაც, ამიერკავკასიის ფედერაციამ, რომელიც 1922 წელს შეიქმნა, დიდი როლი შეასრულა აზერბაიჯანის, საქართველოს და სომხეთის სახალხო მეურნეობის განვითარებისა და სოციალისტურ საფუძველზე მათი გარდაქმნისათვის ბრძოლაში.

ნავთობთან დაკავშირებით საქართველოსა და საერთოდ საბჭოთა სახელმწიფოს ეკონომიურ განვითარებაში ლენინი გარკვეულ მნიშვნელობას ანიჭებდა ბაქო-ბათუმის ნავთსადენის ამუშავებას. პარტიის მე-10 ყრილობაზე 1921 წლის 15 მარტს იგი დელეგატებს მიმართავდა: „წაიკითხეთ თუ არა გაზეთში, რომ იხსენება ბაქო-ბათუმის ნავთსადენი? თქვენ მალე წაიკითხავთ, რომ ასეთივე ნავთსადენი გაყვანილია ბათუმამდე. ეს გზას გაგვიხსნის მსოფლიო ბაზრისაკენ“. ამ სიტყვებიდან ნათლად ჩანს ბათუმის როლი და მნიშვნელობა საბჭოთა სახელმწიფოს ეკონომიურ განვითარებაში.



ლენინი მიესალმებოდა ბაქო-ბათუმის ნავთსადენის ამუშავებას და იმედს გამოთქვამდა, რომ იგი „გზას გაგვიხსნის მსოფლიო ბაზრისაკენ“. ეს კი შესაძლებლობას მოგვცემს „გავაუმჯობესოთ ჩვენი ეკონომიური მდგომარეობა, გავაძლიეროთ ჩვენი რესპუბლიკის ტექნიკური მოწყობილობა, გავაძლიეროთ პროდუქტების რაოდენობა, სურსათისა და მოხმარების საგნების რაოდენობა ჩვენი მუშებისათვის“. მოვლენათა მსვლელობამ დაადასტურა ლენინის ეს წინასწარხედვა. ბაქო - ბათუმის ნავთსადენის ამუშავებამ დიდი როლი შეასრულა ჩვენი სახელმწიფოს ეკონომიური განვითარე-

ბისა და მისთვის მსოფლიო ბაზრისკენ გზის გახსნის საქმეში.

ლენინის ამ მითითებათა მიზანი იყო ახალი სოციალისტური საქართველოს მძლავრი ეკონომიკის შექმნა, რაც ქვეყანაში მკვეთრად გააუმჯობესებდა ცხოვრების პირობებს. ლენინი დარწმუნებული იყო, რომ საქართველოს შრომელები, რომლებიც „სავსებით და ერთსულოვნად ეთანხმებოდნენ მის ღირებულებებს“ (ს. ორჯონიკიძე), ააშენებდნენ სოციალიზმს. და მართლაც, თავდადებული შრომით ქართველმა ხალხმა უმოკლეს ხანში შესძლო ამ მიზნის მიღწევა.



სამშობლოსათვის

ამ ოცდაათი წლის წინათ ფაშისტური გერმანია ომის გამოუცხადებლად დაესხა თავს საბჭოთა კავშირს. ომმა პარტიისა და ხალხის, სახელმწიფოებრივი მმართველობის ყველა რგოლის, კერძოდ, ადგილობრივი საბჭოების წინაშე დიდი ამოცანები დააყენა. საჭირო და აუცილებელი შეიქნა მატერიალური და სულიერი ძალების მაქსიმალური მობილიზაცია მტრის გასანადგურებლად. ამ ომში ერთხელ კიდევ გამოვლინდა არმიისა და ხალხის მტკიცე კავშირი, ზურგისა და ფრონტის ერთიანობა, რასაც ვ. ი. ლენინი ყოველთვის პირველხარისხოვან მნიშვნელობას ანიჭებდა: „ომის ნამდვილად საწარმოებლად აუცილებელია მტკიცე, ორგანიზებული ზურგი. ყველაზე უკეთეს არმიას, რევოლუციის საქმისადმი ყველაზე ერთგულ ადამიანებს დაუყოვნებლივ გაანადგურებს მოწინააღმდეგე, თუ ისინი საკმაოდ შეიარაღებულნი, სურსათით მარაგებულნი არ იქნებიან“.¹

დიდი სამამულო ომის დროს ადგილობრივი საბჭოების, მთელი მოსახლეობის საქმიანობა და-

უქვემდებარდა ვერაგ მტერზე გამარჯვების ინტერესებს. მობილიზაციით და მოხალისედ მარტო აჭარიდან ომში წავიდა 24.036 მამაკაცი და 600 ქალი. ბევრმა მათგანმა, ისე როგორც საქართველოს სხვა კუთხეების შვილებმა, თავი ისახელა სამშობლოს დაცვაში.

1944 წლის ივნისში გაზეთი „პრავდა“ წერდა: „ბედნიერია საქართველო, რომელსაც ასეთი შვილები ჰყავს. უძლეველია საბჭოთა ქვეყანა, რომელმაც თავისი ხალხი აღზარდა ურღვევი მეგობრობით“.

აჭარაში ადგილობრივი საბჭოები დიდ ყურადღებას აქცევდნენ წვევამდელთა მომზადებას, ახალგაზრდობის პატრიოტული სულისკვეთებით აღზრდას. 1941 წლის პირველი ივნისისათვის წვევამდელთა 40,1 პროცენტს ჩაბარებული ჰქონდა ნორმები ნიშანზე „ვოროშილოვური მსროლელი“. ამ საქმეში გამოირჩეოდნენ ხულოს, ქედის და ქობულეთის რაიონული საბჭოები, ასევე ხუტუნისა და ლედვას სასოფლო საბჭოები.

ახალგაზრდობის ფიზიკურ წვრთნაში დიდი როლი ითამაშეს აჭარის ფიზკულტურულმა ორგა-

1 ვ. ი. ლენინი, თხზ., ტ. 27, გვ. 72-73.

ნიხაცებმა. 1941 წელს მათ დავალება 112 პროცენტით შეასრულეს.

ომის წლებში აჭარის მშრომელები ფრონტს მნიშვნელოვან მატერიალურ დახმარებას უწევდნენ. საქმიანად გამოეხმაურნენ ტამბოველი კოლმეურნეების თაოსნობას. ტამბოვის ოლქის კოლმეურნეებმა ორი კვირის განმავლობაში შეაგროვეს და სატანკო მშენებლობის ფონდში შეიტანეს 40 მილიონი მანეთი. ასევე მოიქცნენ ჩვენი რესპუბლიკის კოლმეურნეები. ამ მხრივ განსაკუთრებით გამოიღეს ხელი ქობულეთის რაიონის შუაღელის, ულიანოვკის, ალაბრის, ბობოყვათის, ბათუმის რაიონის ურეხის, მახინჯაურის, ერგეს, ქედის რაიონის ვარჯანისის, მერისის, ხულოს რაიონის ნენიის, ნიგაზეულის და სხვა სოფლების კოლმეურნეებმა.

აჭარის მოსახლეობის პატრიოტიზმი გამოვლინდა თავდაცვის სესხის გავრცელებაშიც. ქობულეთის რაიონის ხალას სასოფლო საბჭოს თავმჯდომარემ ჰაიდარ ფალავანდიშვილმა ხელი მოაწერა 50 ათასი მანეთის სახელმწიფო სესხს. ეს თანხა მან მთლიანად გაანაღდა ხელმოწერისთანავე და ობლიგაციები უკლებლივ შეიტანა თავდაცვის ფონდში. ამის გამო მან უმაღლესი მთავარსარდლის მადლობა დაიმსახურა.

სესხის წარმატებით გავრცელების საქმეში თავი ისახელა და რაიონული გარდამავალი წითელი დროშა მიიღო ხულოს რაიონის

ლორჯომის სასოფლო საბჭომ ომის დროს მშრომელებს ღრმად ჰქონდათ შეგნებულნი ვიანთი პასუხისმგებლობა სამშობლოს წინაშე. ისინი განუხრელად ანხორციელებდნენ პარტიის ხაზს. რომელიც ასე განსაზღვრა დიდმა ლენინმა: „... რაკი საქმე ომზე მიდგა, ყველაფერი ომის ინტერესებს უნდა დაემორჩილოს, ჩვენი ქვეყნის მთელი შინაური ცხოვრება უნდა დაემორჩილოს ომს. ამ მხრივ ოდნავი მერყეობაც კი შეუწყნარებელია“.²

1941 წ. ოქტომბერში აჭარის მშრომელებმა შეაგროვეს და ფრონტზე გაგზავნეს ბევრი ამანათი, თბილი ტანსაცმელი და სხვა აუცილებელი ნივთები, რომლებსაც 25 ვაგონი დასჭირდა.

ამასთან აჭარის მოსახლეობა ფრონტს სურსათითაც ამარაგებდა. მარტო ხულოს რაიონის სოფელ გოგაძეების მშრომელებმა 1942 წელს თავდაცვის ფონდში 10 ტონა კარტოფილი, 18 ცენტნერი სიმინდი, 160 კგ. ხილი და სხვა პროდუქტები შეიტანეს. ასევე იქცეოდნენ სხვა სოფლებიც. ყველას გულთან მიჰქონდა ლენინური სიტყვები: „დაეხმარეთ წითელ არმიას ყველაფრით, ვისაც რით შეუძლია დახმარება, — ასეთია პირველი, ძირითადი და უმთავრესი მოვალეობა ყოველი შეგნებული მუშისა და გლეხისა“.³

2 ვ. ი. ლენინი, თხზ., ტ. 31, გვ. 150.

3 ვ. ი. ლენინი, თხზ., ტ. 29, გვ. 657.

ომის პერიოდში, სიძნელეების მიუხედავად, აჭარის მოსახლეობა ქმნიდა საკმაოდ დიდ დოვლათს. საკოლმეურნეო მინდვრებსა და ფაბრიკა-ქარხნებში არ ცხრებოდა შრომითი ერთეულის მიხედვით. გამრავლდა მილიონერ კოლმეურნეობათა რიცხვი, გაიზარდა კოლმეურნეთა შემოსავალი. თუ 1932 წელს აჭარის კოლმეურნეობებში ფულადი შემოსავალი შეადგენდა 1.977.300 მანეთს, 1941 წელს შემოსავალმა მიაღწია 42 მილიონ მანეთს.

სასოფლო-სამეურნეო არტელის წესდების ზუსტად გატარების საფუძველზე მთელმა რიგმა კოლმეურნეობებმა თვალსაჩინო წარმატებებს მიაღწიეს. ასე, მაგალითად, ხულოს რაიონის სოფელ ალმეს კოლმეურნეობამ ერთ ჰექტარზე 15 ცენტნერი თამბაქო და 17 ცენტნერი სიმინდი მოიწია. გამრავლდა უხვი მოსავლის ოსტატთა რიცხვი.

ადგილობრივი საბჭოები დიდ ზრუნვას იჩენდნენ ევაკუირებული ბავშვების მიმართ. 1942 წელს ქ. ბათუმში ჩამოიყვანეს ასზე მეტი 3-6 წლის ბავშვი. ქალაქის საბჭოს აღმასკომმა მიიღო სასწრაფო ზომები. მათთვის თბილი თავშესაფარი შექმნა ბავშვთა ბაღებში. უპატრონო ბავშვების მოვლა-პატრონობაში დიდი გულთბილობა გამოიჩინეს ბავშვთა ბაღების ინსტრუქტორმა ნინო ოყროშიძემ, მე-3, მე-4, მე-6 საბავშვო ბაღების გამგეებმა ქეთევან

თავბერიძემ, მარო ფირცხალაძემ, პაიჭაძემ და სხვებმა. ისინი მშრომლიური მზრუნველობით ეხმარებოდნენ ობლად დარჩენილ ბავშვებს.

ამ საქმეში თავიანთი წვლილი შეიტანეს კომკავშირულმა ორგანიზაციებმა. მაგალითად, ხულოლებმა შეაგროვეს თანხები ბავშვთა დახმარების ფონდში შესატანად. მარტო ხიხაძირის სასოფლო საბჭოში კომკავშირულმა ორგანიზაციებმა მშრომელთა შორის შეაგროვეს 2.980 მანეთი.⁴

ყველაფერი ფრონტს! ამ დევიზით იღვწოდნენ აჭარის მშრომელები. სოფელ ხელვაჩაურის კოლმეურნეთა ერთ-ერთ კრებაზე 65 წლის მ. გურგენიძემ განაცხადა: ჩემი ორი შვილი მოქმედი არმიის რიგებშია. ისინი შეუპოვრად იბრძვიან ფაშისტთა ხროვის განადგურებისათვის. მე, მოხუცებულობის მიუხედავად, მთელი ძალით ვიმუშავებ, რომ აულებელი არ დაეტოვოთ მოსავლის არც ერთი კილოგრამი“.

მტერზე გამარჯვების შემდეგ სამშობლოში დაბრუნებული სახელოვანი ქართველი მეომრები აქტიურად ჩაებნენ მშვიდობიანი შრომის ფერხულში. ომგადახდილმა მეომრებმა ფაბრიკებსა და ქარხნებში, საკოლმეურნეო მინდვრებსა და საბჭოთა მეურნეობებში ახალი ენერჯით გააჩაღეს ბრძოლა და ზოგი მათგანი სოცი-

4 ვაზ. „საბჭოთა აჭარა“, 1942 წ. 31 დეკემბერი, № 258.



ალისტური შრომის გმირიც კი გა-
ხდა. მოკლე დროში საბრძოლო
წრთობა მიღებული მრავალი დე-
მობილიზებული დააწინა უ რ ე ს
ხელმძღვანელ პოსტებზე.

დიდი სამამულო ომის დამთავ-
რების შემდეგ მთელი საბჭოთა
ხალხი, მათ შორის აჭარის მშრო-
მელები, კომუნისტური პარტიის
ხელმძღვანელობით დაუყოვნებ-

ლივ შეუდგა ომის მძიმე შედეგ-
ების ლიკვიდაციას. ^{ქვეყნის} ^{საზღვარსა}
თალია, არ გამხდარა უშუალო სა-
ომარი მოქმედების ასპარეზი, მა-
გრამ ომის სიმწვავე მაინც განიცა-
და და დიდი ენერგია გაიღო რო-
გორც ფრონტებზე, ისე ზურგში
მტერზე გამარჯვების უზრუნველ-
საყოფად.



წიგნების მიმოხილვა



სახელოვანი თარიღისადმი მიძღვნილი მეცნიერული შრომები

ხ. ახვლედიანი. საბჭოთა ხელისუფლების დამყარება აჭარაში. 1917-1921 წ.წ. ბათუმი. 1971 წ. 182 გვ.

ქართველი ხალხის დიდი ეროვნული დღესასწაულისათვის მზადებამ არა მარტო მატერიალური დოვლათის წარმოების სფეროში იჩინა თავი საყოველთაო ენთუზიაზმითა და საზოგადოებრივი შრომის უებრო შედეგებით, არამედ კულტურის სარბიელზეც. განსაკუთრებით უნდა გაეხვას ხაზი იმას, რომ არასდროს არ გამოქვეყნებულა ამდენი ნაშრომი, კერძოდ, აჭარის რევოლუციურ წარსულსა და მის დღევანდელობაზე.

მართალია, განვლილი ნახევარი საუკუნის მანძილზე ბევრი რამ გაკეთდა აჭარის წარსულის მეცნიერული შესწავლისათვის და საკმაოდ მდიდარი ლიტერატურა შეიქმნა, მაგრამ მას ერთი ხარვეზი დაჰყვა—ვერ იძლევა რევოლუციურ მოძრაობაში ადგილობრივი მოსახლეობის მონაწილეობის რამდენადმე სრულ სურათს. ამ ხარვეზის ამოვსების სერიოზულ ცდას წარმოადგენს მეცნიერების დამსახურებული მოღვაწის ხ. ახვლედიანის ნაშრომი, რომელიც ასახავს მთელი ქართველი ხალხისა და, კერძოდ, აჭარის მშრომელთა ცხოვრებაში ყველაზე

მაღარ, ყველაზე მღელვარე პერიოდს.

ძნელია გულდამშვიდებით წაიკითხოთ მასალები, რომლებიც ამხილებენ პირველი იმპერიალისტური ომის დროს ცარიზმის მოხელეების, სხვადასხვა ჯურის რეაქციონერების მუხანათურ მოქმედებას აჭარისა და, მასადამე, მთელი საქართველოს მიმართ. მაშინ აჭარა მოღალატედ გამოაცხადეს და მოაწყვეს საზიზღარი ინსცენირება, რომლის თაობაზე ვაზეთი „საქართველო“ წერდა: „ჩვენ თვალწინ გადაიშალა ცხრა აჭარლის გასამართლების პროცესი. ტრაგიკული სურათი გადაიშალა! ამ პროცესში ყველაფერი მოიპოვებოდა, — „სახელმწიფო დაღატის“ ვარდა. არის მრავალი ცრუმოწმე, მაგრამ არ არიან დამნაშავენი... აჭარლები ქართველები არიან, აჭარა საქართველოა, აჭარლების დასჯა — ეს შეურაცყოფაა, უდანაშაულო დასჯა მთელი ქართველი ერისა!“.

და საქართველო აღსდგა აჭარის დასაცავად...

ეროვნული და სოციალური ჩაგვრის ვითარებაში, უძიმეს გაჭირვებაში მოუსწრო აჭარას რუსეთის 1917 წლის თებერვლის ბურჟუაზიულ-დემოკრატიუ-



ლმა რევოლუციამ. რომანოვი-ბის ტახტის დამხობის შესახებ ცნობა ბათუმში გვიან მოვიდა. რვა მარტს ძლივს მოაღწია პეტერბურგი და ნ გამოგზავნილმა დეპუტატმა: „მოთავრობაჲ გარდაიცვალა“. მაგრამ ვერც ამან მისცა ხალხს შვება. განსაკუთრებით გამწვავდა მდგომარეობა მას შემდეგ, როცა თურქმა დამპყრობლებმა მოახდინეს ბათუმისა და მისი ოლქის ოკუპაცია. პროგრესულ აჭარელ მოღვაწეებს აქ არ ეცხოვრებოდათ და გაიხიზნენ თბილისში. იქ დააარსეს სამუსლიმანო საქართველოს განმათავისუფლებელი კომიტეტი, რომლის შემადგენლობაში შევიდნენ: მემედ აბაშიძე (თავმჯდომარე), ჰაიდარ აბაშიძე (მოადგილე), სულეიმან დიასაშიძე (მდივანი), ხასან თხილაიშვილი, ზია აბაშიძე, ჯემალ ნოღაიდელი, ყადირ შერვაშიძე, იუსუფ ქათამაძე, სულეიმან ბეჟანიძე და სხვები. დაარსდა გაზეთი „სამუსლიმანო საქართველო“. გაჩაღდა დიდი მუშაობა, რომელიც ორგანულად ერწყმოდა საქართველოს განთავისუფლებისა და ერთიანობისათვის საერთო ბრძოლას. ხ. ახვლედიანი ამ ბრძოლაში აჭარის მკვიდრთა თავდადების შესახებ მასალებს პოულობს მამინდელ ქართულ პრესაში. და არქივებში. წიგნში მოტანილია გაზეთ „ერთობაში“ (1918 წ. № 161) დაბეჭდილი დიდად საყურადღებო წერილი, რომლის ავტორი მოგვითხრობს ოსმალთა მიერ მოწყობილი პლებისციტის დროს ქობულეთელ ხასან თხილაიშვილის წამ-

ების ამბავს. ქართველმა პატრონმა იცოდა, რომ სიკვდილი მოელოდა მას, იმედი იქონიდა საქართველოს მისცა ხმამაღლა გამოეხატა ქი გუბერნატორის ბრძანებით ასკერებმა ააყრეს ხეზე, როგორც ჯვარზე. განაჩენის სისრულეში მოყვანა არ დასცალდათ, ხასან თხილაიშვილი შემთხვევით გადაარჩა. იგი შემდეგ ხელმძღვანელობდა მოხალისეთა რაზმს, რომელიც ემზადებოდა ბათუმში შესასვლელად. გმირობისა და თავდადების მაგალითი წიგნია სხვა თავებშიც არის მოტანილი. მოკავშირეთა მიერ ბათუმის ოლქის ოკუპაციის პერიოდში, განსაკუთრებით კი 1919 წლის ივლისში მდგომარეობა გართულდა. ინგლისელებისა და დენიკინელების თავხედობას საზღვარი არ ჰქონდა. მათ წინააღმდეგ ბოლშევიკური პარტიის ხელმძღვანელობით აჭარის მოსახლეობაში ეწყობოდა ხალხმრავალი კრებები და ყრილობები. ერთი ასეთი ყრილობა გაუმართავთ კინტრიშის უბანში. მოხსენებით გამოსულა რეჯბ ნიყარაძე და უთქვამს: ჩვენ ძმური ხელი უნდა გავუწოდოთ ქართველ ერს და საერთო ძალით შევებრძოლოთ მტერს... ძალიან ცუდი საქმე მოგველის, და თუ ჩვენ საჭირო უნარი არ გამოვიჩინეთ, ჩვენი შვილები ჩვენს ძვლებს საფლავიდან ამოყრიან და ძაღლებს გადაუყრიან. მე მარტო სიტყვით კი არ გეუბნებით ამას, საქმიანად დავამტყიცებ და პირველი მე მივეშვერ მტრის ტყვიას გულს — ან მოვკვდები, ან გავიმარჯვებ, რომ არ მომესწროს ჩვენი და ჩვენი შვილების უბედურება.

ასეთი მტკიცე გადაწყვეტილებით იბრძოდნენ აჭარელი პატრიოტები საქართველოს მტრების — ყველა ჯურის ოკუპანტების, მენშევიკების, დაშნაკებისა თუ მუსავატელების წინააღმდეგ.

ბ. ახვლედიანი ასაბუთებს, რომ რეაქციულ ძალებს შორის სხვებზე მეტად აქტიურობდნენ დაშნაკები. სომეხი შოვინისტების გეგმით სომხეთს უნდა მოეცვა ტერიტორია შავი ზღვიდან კასპიის ზღვამდე. განსაკუთრებით ეჭირათ თვალი ბათუმის ოლქზე. სომხეთის დელეგაცია არწმუნებდა ლონდონს და პარიზს, რომ ბათუმისა და მისი ოლქის მკვიდრთა დიდ უმრავლესობას სომხები შეადგენენ და ეს მხარე სომხეთს უნდა გადაეცეს.

არც მუსავატელები იყვნენ გულხელდაკრეფილნი. ისინიც დიდი აზერბაიჯანის შექმნაზე ოცნებობდნენ და მარტო აჭარას კი არ ეპოტინებოდნენ, პარიზის კონფერენციაზე მოითხოვეს აზერბაიჯანის რესპუბლიკაში შესულიყო კავკასიაში მცხოვრები ყველა მუსლიმანი.

მტრების წისქვილზე ასხამდა წყალს მენშევიკური მთავრობა, რომელმაც ქვეყანა კატასტროფამდე მიიყვანა. ბოლშევიკები მასებს დაბეჯითებით განუმარტავდნენ ყველაფერს და მოუწოდებდნენ შეიარაღებული აჯანყებისაკენ. 25 თებერვალს ქართველმა ხალხმა კომუნისტური პარტიის ხელმძღვანელობით დაამხო მენშევიკური მთავრობა და თბილისზე აფრიალდა საბჭოთა ხელისუფლების წითელი დროშა. ორი დღის შემდეგ ბაქოს საბჭოს სხდომაზე ს. ორჯონიკიძე ამბო-

ბდა: „ახლოა ის დღე, როცა ბათუმში წითელი დროშა აფრიალდება. როცა შავი ზღვა მიიღებს გაქცეულ მენშევიკებს“. ასეც მოხდა — საქართველოში მენშევიკური მთავრობა ბათუმიდან იტალიის გემით „ფერენ ჟოზეფ-კირიულით“ წავიდა საზღვარგარეთ. 17 მარტს სერგო ქავთარაძის თავმჯდომარეობით შეიქმნა ბათუმის რევკომი, რომელშიც შემდეგ შედიოდნენ აგრეთვე მემედ აბაშიძე და რეჯებ ნიყარაძე. 18 მარტს აჭარაში დამყარდა საბჭოთა ხელისუფლება, დაიწყო ახალი ხანა მრავალტანჯულ აჭარის ცხოვრებაში. 1921 წლის 16 ივლისს საქართველოს რევკომის დეკრეტით შეიქმნა აჭარის ავტონომიური საბჭოთა სოციალისტური რესპუბლიკა. აჭარა მტკიცედ დაადგა სოციალისტური განვითარების გზას.

ბ. ახვლედიანი თავის წიგნში 1917-1921 წლების აჭარის ისტორიას მოგვითხრობს საქართველოს, ამიერკავკასიის, რუსეთის ამგებთან მჭიდრო კავშირში, დიდი საერთაშორისო მოვლენების ფონზე და უფრო გასაგებსა და საინტერესოს ხდის მასობრივ მოძრაობას, მშრომელთა პატრიოტულსა და რევოლუციურ შემართებას, რომელმაც განპირობა საბჭოთა ხელისუფლების გამარჯვება ჩვენს რესპუბლიკაში. შეიძლება ზოგ რამეზე ვედაოთ ავტორს, ცალკეულ უზუსტობაზეც მივუთითოთ, მაგრამ ეს ოღნავადაც არ ამცირებს წიგნის ღირებულებას.

ბრ. ჯიჯიშვილი. სოციალისტურ-ტური მშენებლობა აჭარაში (1921-1937 წ.წ.). ბათუმი. 1971 წ. 206 გვ.

ეს წიგნი მოგვითხრობს იმაზე, თუ რა ღონისძიებები განხორციელდა აჭარაში საბჭოთა ხელისუფლების დამყარების პირველი წლებიდანვე, რას მიაღწია მან სოციალიზმის პირობებში.

როცა აჭარას ავტონომიას აკუთვნებდნენ, მხედველობაში ჰქონდათ აქ თურქეთის ხანგრძლივი ბატონობით გამოწვეული სამეურნეო და კულტურული ცხოვრების დაბალი დონე, ადგილობრივი თავისებურებანი, თორემ ისე აჭარა საქართველოსთან დაკავშირებულია, როგორც შეილი თავის დედასთან, და ავტონომიას არავითარი ეროვნული ნიღბი არა აქვს. საჭირო იყო მეტი ყურადღება და ზრუნვა, რომ უმოკლეს დროში აღმოგვეფხვრა საუკუნეობრივი ჩამომორჩენილობა და მოსახლეობა გამოგვეყვანა სამეურნეო და კულტურული მშენებლობის ფართო ასპარეზზე. საამისო ღონისძიებები ხორციელდებოდა ყველა დარგში. წიგნის ავტორი ფართოდ აშუქებს აჭარაში სოციალიზმის მშენებლობის სპეციფიკას, უჩვენებს პარტიული ორგანიზაციების ხელმძღვანელ, წარმართველ როლს სახალხო მეურნეობისა და კულტურის განვითარებაში, საბჭოთა საზოგადოებრივი და სახელმწიფოებრივი წყობის განმტკიცებაში. პარტიული კომიტეტი და რეკომი პირველ რიგში ყველა ზომას მიმართავდნენ, რომ აღმოეფხვრათ მენშევიკებისა და უცხოელი იმპერიალისტების ბატონობის სავა-

ლალ შედეგები: აელაგმათ საბჭოთა ხელისუფლების მტრები, მოეწოდებოდა ნათ მოსახლეობის სურსათით, მომუშაობა, შეექმნათ საბჭოთა ხელმძღვანელები ადგილობრივი ორგანოები.

ბათუმის საოლქო რეკომი მთავარ ყურადღებას აქცევდა სოფლის მეურნეობის აღდგენა-განვითარებას, აგრარული რეფორმის გატარებას. ამ რეფორმას აჭარაში საფუძვლად დაედო საქართველოს რეკომის 1921 წლის ექვსი აპრილის დეკრეტი მიწების ნაციონალიზაციის შესახებ. ეს დეკრეტი მოიწონეს აჭარის გლენთა პირველმა ყირლობამ და აჭარის საბჭოების პირველმა ყირლობამ, რომელიც გაიშარა 1922 წლის ათ იანვარს. საბჭოების ყირლობამ აირჩია ცენტრალური აღმასრულებელი კომიტეტი, რომელმაც შექმნა აჭარის მთავრობა — აჭარის ასსრ სახალხო კომისართა საბჭო.

მშრომელებმა მალე იგემეს საბჭოთა წყობილების ნაყოფი. 1923 წლის დამლევინათვის ბეგებს ჩამოერთვათ და გლეხებს დაურვიდათ თოთხმეტი ათასმდე ღესეტინა მიწა. გრ. ჯიჯიშვილი თავის გამოკვლევაში უამრავი ფაქტობრივი და ციფრობრივი მასალით ცხადყოფს თუ რა ცვლილებები მოხდა სოფლად სასოფლო-სამეურნეო წარმოების სოციალისტურ რელსებზე გადაყვანის მეოხებით, როგორ გადიდა სუბტროპიკული და ტექნიკური კულტურების ფართობები, ამაღლდა მოსავლიანობა და მხვენლმთესველთა ცხოვრების დონე.

მნიშვნელოვანი ღონისძიებები განხორციელდა აჭარის მრეწველობის სოცია-

ლისტური გარდაქმნისათვის. საქართველოს რევკომის დეკრეტის საფუძველზე აჭარაშიც მოხდა მრეწველობის ნაციონალიზაცია. აჭარის სახალხო მეურნეობის უმაღლეს საბჭოს გადაეცა 31 ცენტრიანი სამრეწველო საწარმო. ნაშრომში ნაჩვენებია თუ ინდუსტრიალიზაციის პოლიტიკის მეოხებით როგორ იმატა მრეწველობის პროდუქციის წილხვედრმა მთელი სახალხო მეურნეობის პროდუქციაში და პირველი ხუთწლედის დამლეგს შეადგინა 90,3 პროცენტი. უკვე უზრუნველყოფილი იყო მრეწველობის წამყვანი როლი.

ქვეყნის ინდუსტრიალიზაციისა და კოლექტივიზაციის პოლიტიკის წარმატებებმა მიგვიყვანა სოციალიზმის გამარჯვებამდე. ძირეულად შეიცვალა საბჭოთა საზოგადოების კლასობრივი სტრუქტურა. კულაკობის, ამ უკანასკნელი ექსპლოატატორული კლასის ლიკვიდაციის შემდეგ დარჩა ორი მეგობრული კლასი — მუშათა კლასი და კოლმეურნე გლეხობა და მათთან დაკავშირებული სახალხო ინტელიგენცია. შეიქმნა საზოგადოების იდეურ-პოლიტიკური ერთიანობა.

საიუბილეოდ გამოსულ ყველა ნაშრომში და, კერძოდ, ამ წიგნში მნიშვნელოვანი ადგილი აქვს დათმობილი ქალთა საკითხს. სახალხო მეურნეობის, განსაკუთრებით კი სოფლის მეურნეობის, განვითარებაში, კოლმეურნეობებისა და საბჭოთა მეურნეობების სამეურნეო-ორგანიზაციულ განმტკიცებაში მამაკაცებთან ერთად აქტიურად მონაწილეობ-

დნენ აჭარელი ქალები, რომლებსაც სოციალისტურმა რევოლუციამ თანასწორობა, სრულფუნქციანი მოქალაქეობა მიანიჭა. მაგრამ კანონით თანასწორებულნი ჯერ კიდევ არ ნიშნავდა ცხოვრებაში თანასწორობას. საამისოდ საჭირო იყო სრული ეკონომიური დამოუკიდებლობის უზრუნველყოფა. ამ მიმართულებით მნიშვნელოვანი ნაბიჯი გადაიდგა ოცდაათიანი წლების დასაწყისშივე. ავტორი მოგვითხრობს, რომ ჯერ იყო და ქობულეთის რაიონის სოფელ ფიჭვნარში აჭარელმა ქალებმა პირველად დააარსეს მებოსტნეობის კოლმეურნეობა, შემდეგ ბათუმის რაიონის ქალებმა შექმნეს მეაბრეშუმეობის კოლმეურნეობა, ქედის რაიონის სოფელ ორცვასა და აგარაში ჩამოაყალიბეს მებოსტნეობისა და მეთამბაქოეთობის კოლმეურნეობები...

ეს ორმოცი წლის წინანდელი ამბები ახლა ძნელი წარმოსადგენიც არის. ქალთა კოლმეურნეობებმა თავის დროზე გარკვეული როლი შეასრულეს, ხელი შეუწყვეს ქალთა მასობრივად ჩაბმას საკოლმეურნეო მშენებლობაში. 1935 წელს აჭარის კოლმეურნეობებში მუშაობდა 4.536 აჭარელი ქალი, აქედან კოლმეურნეობის თავმჯდომარედ — ორი ქალი, ბრიგადირად — ერთი, მერგოლურად — 130. ახლა კი ქალები გადამწყვეტ ძალას წარმოადგენენ სოფლის მეურნეობის მთელ რიგ დარგებში, განსაკუთრებით კი მეჩაიეობაში.

საკოლმეურნეო შრომაში და საერთოდ საზოგადოებრივ შრომაში აქტიუ-

რი მონაწილეობის მეოხებით საგრძნობლად გაფართოვდა ქალთა გონებრივი ჰორიზონტი, ბევრმა გაითქვა სახელი კულტურის ფრონტზეც. ქალი გახდა ახალი ცხოვრების აქტიური მშენებელი. ეს იყო სოციალიზმის ერთ-ერთი დიდ-მნიშვნელოვანი მონაპოვარი.
გრ. ჯიჯეიშვილის გამოკვლევა საქმაო

შუქს ჰფენს აგრეთვე აქარაში კულტურული მშენებლობის, ლიტერატურული და ხელოვნების განვითარების, მოსახლეობის ჯანმრთელობის დაცვისა და სხვა საკითხებს, ნათელ წარმოდგენას გვაძლევს იმ უდიდეს ცვლილებებზე, რაც აქ სოციალიზმის მშენებლობის პროცესში ხდებოდა.

6/137/96



ფან 40 სსს.

**ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ**

„ЧОРОХИ“

**ОРГАН СОЮЗА СОВЕТСКИХ ПИСАТЕЛЕЙ
ГРУЗИИ И АДЖАРСКОГО ОТДЕЛЕНИЯ
ИНДЕКС 76118**